

INSTITUTE OF DISTANCE AND OPEN LEARNING

# GAUHATI UNIVERSITY


(Study Material)

## BODO

PAPER - II

### DRAMA

Block - I, II, III, IV



**Institute of Distance and Open Learning  
Gauhati University**

**MA in Bodo**

**Paper II  
DRAMA**

**Block-I  
Classical Drama**

- Unit - 1 : Background of the Classical Drama
- Unit - 2 : Sandw Baodiya (of Surath Narzary)
- Unit - 3 : Gambari Sikhla

**Block-II  
Imaginary Drama**

- Unit - 1 : Background of the Drama
- Unit - 2 : Obongni Phao and Bhupen Phurwuggiri

**Block-III  
Historical Drama**

- Unit - 1 : Background of the Historical Drama
- Unit - 2 : Raja Nilambar
- Unit - 3 : Jaolia Dewan

**Block-IV  
Modern Drama**

- Unit - 1 : Background of the Social Drama
- Unit - 2 : Gwdan Phwisali (of K.K. Brahma)

### Contributor

Pranab Jyoti Narzary Block-I, Unit - 1	Department of Bodo Pandu College
Bhowmick Ch. Boro Block-I, Unit - 2	Department of Bodo Kokrajhar Campus, GU
Ada Ram Basumatary Block-I, Unit - 3	Department of Bodo Janata College, Serphanguri
Prof. Manaranjan Lahary Block-II, Unit - 1	Department of Bodo Kokrajhar Campus, GU
Prof. Nareswar Narzary Block-II, Unit - 2	Department of Bodo Udalguri College
Prinjin Daimari Block-III, Unit - 1	Department of Bodo Dimoria College, Khetri
Amar Sing Boro Block-III, Unit - 2	Department of Bodo Pandu College
Tulan Mochahary Block-III, Unit - 3	Department of Bodo LOKD College, Dhekiajuli
Swarna Prabha Chainary Block-IV, Unit - 1	Department of Bodo Gauhati University
Birupaksha Giri Basumatary Block-IV, Unit - 2	Department of Bodo Cotton College

### Cover Page Design

Harekrishna Talukdar      Guwahati

September, 2018 (Reprint)

ISBN 978-93-84018-31-3

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director, and Printed under the aegis of GU press as per procedure laid down for the purpose. Copies printed 1000

**Block-I / Unit-1**  
**Classical Drama**

**गोजाम फावथाइनि उनफिन-फाफिन**  
**(Background of classical Drama)**

**1.1 जागायजेननाय (Introduction) :**

फावथाइया धुनलाइनि गोजाम आरो मख जाथाव दालाइ। ऋक बंदनि जम-जमी आरो उर्बशी- पुरुबानि बाध्राफोरनि गेजेराव भारतारि फावथाइनि गुदि आरो ग्रीक मोदाइ डायनिसासनि साखाथियाव मोसानाय एवा मेधाइ खननायफोरनि गेजेराव ग्रीक एवा सोनाब्रारि फावथाइनि गुदिखौ धुनलाइ बिजिरगिरिफोरा आसि धुहरदो। फावथाइयाव मोगथां जिउनि जाथाइखौनो उनसोलोडो। इंराजी ड्रामा एवा बरनि फावथाइ सोदोबनि सोमोन्दै हादसना बुंदोदि - फावथाइया गोगो धुनलाइ नड। बेयो मोनसे गलाइ-गथाइ आरिमु, जेराव धुनलाइयारि आयजे एवा थादेरसा, जौसां साजानाय आदव आरो जारिमिनारि रावनि बुंफोरथिया ननादेरनानै थायो। (The drama is not pure literature. It is a compound art, in which literary elements is originally bound up with the elements of stage setting and histrionic interpretation.) संस्कृत धुनलाइगिरिफोरा नाटक सोदोबखौ संस्कृत नट सोदोबनिक्राय फैनाय होनना बुंदो। नटनि ओथिया जाबाय मोसाग्रा। बेबायदिनो सिसेरे (cicero) नि बायदिव्ला फावथाइय जिउनिनो महर, आसारनि आयना, सैथोनि शिफखन (Copy of life, mirror of custom, a reflection of truth")

फावथाइखौ आवुं महरै मोननोव्ला बेयाव मावथाइ, बाध्रा, फावगिरि, जौसां, दामग्रा-देग्राफोरनि गोनांथि जायो। फरायनायजौ आवुं फावथाइनि महरखौ मोनजोवनो गोब्राव। गुवेयै बुनौ थाडोव्ला फावथाइया मावथाइनि गेजेरजो महर होजानाय सल'। फावथाइनि दाधाइखौ नायनानै बेयाव माखासे थादेरसा (Elements) फोर थायो। बेफोर जाबाव- 1. सललिं (plot) 2. आखु (character) 3. बाध्रा (dialogue) 4. धासारि सोरजिनाय आरो 5. लिरगिरिनि जिउ सानसि। बेफोर गासै थादेरसा (elements) फोरहा आरोबाव फिसा-फिसा बाहागोफोर थायावो। जेरै - सललिंजो लोगोसे गोबां दालाइ एवा लैडाइ सललिं (sub-plot) फोरबो थानो। आखुथाइयावो दिदोम (Flat) आरो खरसुला (round) मोननै रोखोमनि दं। फावथाइयाव सललिं आरो आखुनि सोमोन्दोआ गरसे फैसानि फारनै बिखुंबायदि। फावथाइनि बाध्राफोरखौवो बेबायदिनो गुबुन-गुबुन रोखोमाव मोननो हायो। जेरै - सोदाडै एवा सरासनस

रायस्तायनायाव बाहायनाय बाथा आरो गावबुं बाथा (Soliloque, हारसिडैबुनाय), फेस्ता बायदि बायदि बाथाफोरखौबो मोनो।

ग्रीक सानथौगिरि, बिजिरगिरि एरिष्टटलआ फावथाइखौ मोननै बाहागोआव रानदों; बेफोर जाबाय - ट्रेजेडी आरो कमेडी। ट्रेजेडीआ गोजोन नडै थुंगेनाय गोनां फावथाइ। गुबुन फारसे कमेडीयो गोजोनै एबा गोरौबलायनायजों थुंगेनाय फावथाइ। नाथाय सोनाबारि धुनलाइगिरिफोर ट्रेजेडी आरो कमेडीनि अतगायैबो फावथाइखौ फेस्ता एबा मिनिहोनाय (Farce) आरो ट्रेजीकमेडी (Tragi-comedy) आव बाहागो रानबावदों।

आयदाखौ नायनानै फावथाइखौ आरोबाव मोननै बाहागोआव रानबावदों हायो बेफोर जाबाय गोजाम सल' (Mythological), जरिमिनारि (Historical), समाजारि (Social) आरो सानबोलावरि (Romantic)। जौनि सावरायनां आयदाना जाबाय गोजाम सल'नि फावथाइ। गाहायाव गोजाम सल'नि फावथाइनि सोमोन्दैल सुंद'यै सावरायनो लानाय जाबाय।

जायफोर फावथाइखौ गोजाम सल'फोरनि सायाव बिधा खालामनानै लिस्नाय जायो बेखौनो गोजाम फावथाइ बुनाय जायो। बेयाव फावथाइगिरिया सल'खौ गाव सोरजिया; थाखानाय सल'नि बिथायावसो फावथाइखौ लिरो। गुबुनफारसे गोजाम सल'नि मुलुगा मोखथां मुलुगनिफ्राय बेसेबांबा गोजानाव थानायलाय बे रोखोमनि फावथाइयाव फावथाइगिरिनि सानबोलावरिया उदाडै जायगा आवप्रियो। बेनिग्बावनी बेफोरबायदि फावथाइयाव बिजाथाइ गोनां, साहसि, जोहोलाव आखु, बां मिथिंगायारि आरो रमान्टिक आखुफोरखौ समायनानै बेरखांहोनायाव जेबो रोखोमनि सिमा थया। गोमोथाव आरो बां मिथिंगायारिखौ उदाडै बाहायनाया गोजाम फावथाइनि सरासनसा आखु आरो बेनि थोखिया जाबाय दोहोरोमनि गोहोमखौ हमथानानै लाखिनाय। गुबुनफारसे गोबां गोजाम फावथाइफोरव दोहोरोमनि गोहोमखौ हमथानानै लाखिनो थोतायाव फावथाइनि बिदैखौ लाथिख' जानायबो नुनो मोनो।

खुवामि मुगायावनी फावथाइखौ इजिप्त, चीन, भारत हादराव दोहोरोमनि दिथायाव जोनोम मोनजेनदोंमोन होनना साननाय जायो। इजिप्तआव खुष्टगिबि थाम एबा त्रैरोजा बोसोर सिगाडवनी अरिसिस मुंनि मोदाइखौ सिबियोमोन आरो बै समावनी फावथाइनि जोनोमा जादोंमोन होनना सननाय जायो। चीन हादराव खुष्टगिबि टाइन जौथायाव जोहोलावफोरखौ सिबिनायनिफ्राय फावथाइनि जोनोमा जादों। खुवामि मुगायाव सोरजिगिरि ब्रहमाया सुबुंभ्रिनि सोमोन्दै गावनि सिबियारि भरतनो फोरमावनायनिफ्राय फावथाइनि जोनोमा जादोंमोन। गोजौआव मख'बोनार्यानिफ्राय जो मिथिनो गोनबायदि फावथाइया आखुआव गुबैयै दोहोरोमारि आरो बेनि धुलुंगाखौबो दोहोरोमनिफ्रायनो मोन्दोंमोन।

इउर'पआवबो फावथाइनि जोनोमा दोहोरोम सिबिनायनि आसारखान्थि आरो फोरबोफोरनिफ्राय जादों। ग्रीच हादराव खुष्टगिबि 800 निफ्राय 700 मायथाइयाव एथेन्सनि डायनिसास मोदाइखी सिबिनायनिफ्राय फावथाइनि जोनोमा जादों होनना साननाय जायो। र'मआवबो आबादजों सोमोन्दो थानाय गुबुन-गुबुन मोदाइफोरखीं मोजां फसल मोननो थाखाय सिबियोमोन आरो दोहोरोमारि बिथायावनो फावथाइनि जोनोमा जादों।

### 1.2. थांखिफोर (Objective) :

गोजाम फावथाइनि उनफिन-फाफिनखीं फरायसाफोरनो फरायनो होनायनि थांखिफोरखीं गाहायाव होनाय जाबाय -

1. गोजाम सल' एवा मिथ (myth) नि सोमोन्दै ;
2. समाजाव गोजाम सल'नि गोसारथि एवा गोहोमनि सोमोन्दै, आरो
3. बर' गोजाम फावथाइनि उनफिन फाफिननि सोमोन्दै मिथिहोनाय।

### 1.3. समाजाव गोजाम सल'नि गोसारथि (Impact of myth on Society) :

इराजी मिथ (myth) सोदोवा ग्रीक सोदोव "माइथस (Mythos) निफ्राय फेदों। माइथसनि ओंधिया जायखि जाया सैथो एवा सैथो नई गोजाम सल'। मिथ बुडेव्ला गोसोजों साननानै लानाय जायखि जाया बां मिथिगायारि (Super natural) सुबुं, खामानि, सल' एवा जाथाइखौतो मिथियो। Standard Dictionary of Folklore, Mythology and Legend आव मिथनि ओंधिखीं एरेबायदि होदों - Myth is a story presented as having occurred in a previous age explaining the cosmological and supernatural traditions of a people, their gods, heroes, cultural traits, religious beliefs etc. अदेबानि मिथआ जाबाय जाथोसे सल' जेराव सिगां मुगायाव जालानायफोरखीं फोरमायनाय जोथो आरो मोनसे हारिनि गेजेर बुहुमारि आरो बां मिथिगायारि दोरों, बिसोरनि मोदाइ-दाउदाइ, जोहोलावफोर, हारिमुवारि गुन आरो दोहोरोमारि फोथायनायखीं बेखेवनानै दिन्थियो। मिथनि थांखिया जाबाय आगु गोनोखो मुगानि गोनोखोआरि आयदाफोरखीं फोरमायनाय। वेबायदिनो गोजोम सल'फोरा सुबुं सोरजिनाय, जिव-जुनार सोरजिनाय, मुलुग सोरजिनायफोरखीं खिनथायो। माफ्रोम जिवफोरहा मानो गावबा गाव एखुथा आखु थायो बेखीं गोजाम सल'फोरा खिनथायो (जेरै - बादामालिया सानाव खाना आरो मानो हरावल नुयो एवा बिरो), मानो आरो माबोरै मिथिगायारि महरफोरा सोमजिखों (जेरै- जायखलड मानो ओंखारो, हाथरखि - हालाफोरा अखां सायाव माबोरै थाहैखो) मानो आरो माबोरै आसार खान्थि आरो फोरबोफोरा जोनोम मोनखो आरो बेफोरो मानो सोलिवाय थाखो।

गोजाम सल'नि सोमोन्दै मिथिनो गोनां बाध्याया जावाय बेखीं जों सैथो होननानैल' फोथायो, बेखीं जों गोथार होननानै सानो आरो जोंनि गेजेराव गिनाय, इनाय, सन्देहफोर सोमजिनाय समाव बेखींनो विगोमा होनना फोथायो। जोंनि दोहोरोगम फालिनाय आरो जोंनि आसार खन्थिजों बेहा एंगारहायै सोमोन्दै दं। बेनि सोमोन्दै मालिन' स्किआ बुंदोदि - "(Myth functions as warrant, a charter, and often even a practical guide to the tites, rituals, magic and social structure of a people." दोहोरोगमरि फोरबो फालिनाय, आसारखान्थि रंजानायनि नेम फालिनायफोराव गोनां गोथो बेरखाडेब्ला सुबुड गोजाम सल'नि हेफाजाव लायो। बेयो सुबुंनि बोहैथि दोरोफोरखीं गोखोसिन खालामो। गोजाम सल' एवा मिथखीं बाहायारि जिउनि फोरोंगिरि एवा दिथागिरिबो बुंनो हायो। बेफोरबादि गोजाम सल'खीं जाय समाजाव बुंथिनाय जायो बे समाजाव बेखींनो सैथो होनना फोथायनाय जायो।

बर' समाजाव गोजाम सल'आ गुवार जायगा आवग्रिनानै दं। बेफोर गोजाम सल'फोरा बुहुम सोरजिनाय, सानखरां सोरजिनाय, सुबुं जिव जुनार सोरजिनाय आरो मिथिंगायारि नुथाइफोरखीं सोरजिनायनि सोमोन्दै फोरमायो।

बुहुम आरो सुबुं सोरजिनायनि सोमोन्दै बर'फोरनाव थानाय गोजाम सल' बायदिब्ला आनान ग'साइया महर गैयै थासारियाव हारसिडे दंमोन। बिथाड मुलुग सोरजिनो गोसो जानायसै। लोगो लोगो आनान ग'साइया दसेनि गेजेरावतो मुलुग सोरजिनायसै आरो समायना रमायना विफां लायफां आरो जिव जुनार, एम्फो एनलाजों बुंफबहोनायसै थेवब्लाबो बिथाड गावखींनो हारसिंबायदि मोनवावनायसै। येनिरखायतो सिब्रायखीं सोरजिनायसै। सिब्राइया सिब्रुइखीं सोरजिबाय। सिब्रुइनिफ्राय जोनोम मोननाय मोनसिसिं बोराइया गिबिसिन जोनोम मोननाय सुबुं।

मागुर-मागुरिनि सल'आ हा सोरजिनेननायनि बाध्याखीं फोरमायो। बर'फोरनि गुबै दामग्रा-देग्राफोरा जावाय खाम, सिफुं, सेरजा जया आरो जाबसिं। बेफोरनि जोनोमनि गुदियावबो गोजाम सल' दं। जाराफागलानि सल'आ खेराइ जोनोम मोननाय एवा माबोरें जोनोम जाखो बेजों नांजावफानानै दं। बेबायदिनो रावना - रावनिनि सल'नि गेजेरजों अखा मोफलामनायनि जोनोमखीं मिथिनो मोनो। गोजाम सल' सान्दो बावदियाया खेराइजों सोमोन्दो दं। बेनि अनगायैबो बर'नि वाद आरो आसार खान्थिफोरनि जोनोमनि सोमोन्दै मिथिनो मोनो। जेब्ला राइजोफोरा सान्दो बावदियाखीं वादुवा जावाय होतना दाय जाबसिननानै बिजिरनो जथुमदोमोन अब्ला माबोरें बिजिरगोन बेखीं लानानै गोनां गोथोआव गोम्लैदोमोन। बेबायदि गोनां गोथोआव थावाव थानाय समावतो गिबि सुबुं मोनसिसिं बोराइया सनानि जांखलाजों ओंखारबोनानै वादानि सोमोन्दै बुंफोरलाडे।

गोजौआव मख'नायफोरनि अनगायैबो गोबां गोजाम सल'फोर दंथावो जायफोरखी बुंखांजोबनाय जाथावना नइ। बेनि गोबां मिथ एबा गोजाम सल'फोरा दासिमबो खनसायजायाखै। बेफोर गोजाम सल'फोरा जोनि माहारियारि, हारिमुवारि जिउआव गुवार जायगा आवग्रिनानै दं। समाजनि दोहोरोम सिबिनाय, आसारखाथि, हारिमुवारि दोरोंजों बे गोजाम सल'फोरा एंगारलायनो हायै सोमोन्दो दं।

#### 1.4 बर' गोजाम फावथाइनि जौगानाय (Evolution of Bodo classical drama) :

सानजा आरो सोनाबनि हादरफोरनि फावथाइया गुबुन-गुबुन मोदाइ-मोदाइफोजोफोरखी सिबिनाय फोरबोजों लोबबा लाखिनानै मेथाइ खननाय आरो मोसानायनिफ्राय जादों होनना मोनबाय। बेबायदिनो बर'फोरनि फावथाइयारि सोरजियाबो जोबोद गोजाम मुगायावनो जादोंमोन। मिथिस'थै मुगानिफ्रायनो बर'फोराबो खेराइ होबोदों आरो बे खेराइखी सोनाबारि रहस्य, मिरेकल आरो मरेलिटि फावथाइफोरजों गोथी सोमोन्दो थानाय नुनो मोनो। बर' धुनलाइनि जारिमिनाव फावथाइनि जोनोमा थारै माबोला जामारनाय बेखी बुंनाया गोब्राबथार नाथाय बेयो सैथोदि गुबुन राव एबा हादरफोरनिबायदि बर' फावथाइनि जोनोमाबो दोहोरोमजों सोमोन्दो गोनां। बर' धुनलाइनि जारिमिनि लिरगिरि एबा धुनलाइ जिजिरगिरि मन'रन्जन लाहारिनि बायदिब्ला बर' जात्रा गान एबा बर' फावथाइया जोनोम मोननायनि सिगां बर'फोरनि गेजेराव 'थाखि फाल्ला' आरो "खेमथा" मुनि मोननै रोखोमनि गावोन सोलिदोंमोन। बेफोरखी गाहाइयै मानसिफोरखी रंजाहोनो फोरबो, भ'जफोरव हरफा थाल्ला दिस्थिनाय जादोंमोन। बेफोराव माखासे मानसिफोरा गावसोरनि फाव-फेसन, खननाय मोसानाय बायदिनि गेजेरजों नायग्राफोरखी गोजोनहोयोमोन। मोनसे समनि "थाखि फाल्ला" आरो "खेमथा" खीनो सोदांनानै बै समनि जात्रा गान एबा दानि फावथाइनि महर होदों होनना सानजानाय खाबु दं।

गोजाम बर' फावथाइफोरा बिबार आरो अलंबार मुगायाव मैखोम बिबांनि सोरजिजादोंमोनब्लाबो बेफोराव असमोया आरो बैंगली फावथाइनि गोहोमा थोंजों एबा खेंसालियायै गोमलैदोंमोन। अदेबानि गोबां लिरगिरिफोरा अंगुबै सोरजिजोंबो फावथाइ लिरदोंमोन। गोजाम बर' फावथाइफोरा नायगिरिफोरनि गोसोखीबो थोजासे बोगथाबनो हादोंमोन। मख'जाथावदि फावथाइ नइब्ला हाबा एबा जायखि जाया फोरबोफोरा आवुं जायामोन। गोजाम बर' फावथाइफोरखी बै समनि नायगिरिफोरखी रंजाखांहोनो थाखायल' लिरनाय जादोंमोन। बबेखानि बै समाव लिरजानाय फावथाइफोराव थोजासे बोसोन थानायनि आनगायैबो समाजखी फोसाबनो नाजानाय आरो धुनलाइयारि बेसेनाबो आबुंमोन। गोजाम बर' फावथाइफोरनि आदबा आधिखाल फावथाइनि बायदि नांसारनाय



नखमोन। आधिखाल फावथाइनि आदवा नैजि जौथाइनि टैजि जिथाइसोनिफ्रायसो रोखायै बेरखांदें।

सल'खौ नायनातै बर'गोजाम फावथाइफोराव 1. गोजाम सल' (Mythological) 2. सानबोलावरि (Imaginary) 3. जारिमिनारि (Historical) आरो 4. समाजारि (Social) आयदाखौ मोनो।

बिबार आरो अलंबार मुगानि मख'जाथाव फावथाइगिरिफोरा जावाय उमेश चन्द्र मोसाहारि (1-1942), शतीश चन्द्र बसुमतारि (1901-1974) हारेन्द्र नाथ बसुमतारि (1902-1972), पद्मश्री मदाराम ब्रह्म (1903-1990), मानिराम इस्तारि (1973), नबीन नारगारि, अमरेन्द्र ब्रह्म, सुन्दरसिं वारि, लाल मोहन ब्रह्म, आनन्द राम मोसाहारि (1912-1985), भवेन स्वरगियारि। बिधांमोननि अनगायैबो "अनिराम बसुमतारि, सुरथ नारजारि, मंगलसिं हाज'वारिमोना गोजाम सल' (Mythology) नि सायाव बिधा खालामनानै फावथाइ लिरदें।

सतीश चन्द्र बसुमतारिआ गांसे खिन्धिगासे फावधिनाखौ लाफानानै गासै गांबा फावथाइ सोरजिलांदें, बेनिनो "दोरसोन जोहोलाव" फावथाइ गोजाम सल' (Mythology) नि सायाव बिधा खालामनानै लिरनाय। गुबुन फावथाइफोर "रानी लाइमुथि", नाथफिनजायै (राव सोलायनाय) "बिखानि अर" आरो "नाला बुहा" (खिन्धिगासे फावथाइ) फोरा समाजारि फावथाइ। बिधांनि नाला बुहा" खिन्धिगासे फावथाइखौ 1919 मायथाइयाव बर' छात्र सन्मिलनानि जधुम्मायाव दिन्धिफुनाय जादेंमोन।

हारेन्द्र नाथ बसुमतारिआ बिबार आरो अलंबार मुगानि देरन्निन आरो बयनिखुयबो बांसिन बिहोमा होनाय फावथाइगिरि। बिधानि गांजि फावथाइफोरनि गेजेराव "नीलाम्बर", "चित्रांगदा", "दानेक राजा", आरो "सनाति माइथ" फावथाइव जारिमिननि सायाव बिधा खालामनानै लिरनाय। "रांगालु जोहोलाव"आ गोजाम सल' नि सायाव बिधा खालामनानै लिरनाय गांसे समाज आरो दोहोरोमारि फावथाइ। गुबुन फावथाइफोरा समाजारि।

पद्मश्री मदाराम ब्रह्मआ गांधाम फावथाइ लिरदें बेनिनो "राइमाली" आरो "सदां बैरागीआ" समाजारि फावथाइ। गुबुन फारसे "दिमापुर राज्या वायनाथ" आ गांसे जारिमिनारि फावथाइ।

मानिराम इस्तारनि फावथाइफोरा जावाय हामफे, बिमा बथुल, मेघार कुमारी, नियती, बास्पती मिश्र, पापमुक्ति आरो राजपुजा। इस्तारीआ गावनो फोरोगिरि (अस्ताद)आरो रोजाबगिरिमोन। नबीन नारजारिनि गांसेल' फावथाइया जावाय वनश्री राजा। अमरेन्द्र ब्रह्मनि फावथाइफोरा जावाय मइना खबारि आरो गांमायलु रैसुमै फाल्ला। सुन्दरसिं औवारिनि समाजारि फावथाइफोरा जावाय अनारि आरो माइनाव फाल्ला।

लाल म'हन ब्रह्मनि समाजारि फावथाइया जाबाय "दुमसु गुदियाव बिसार होलानाय"। आनन्दराम मोसाहारिनि खिन्थिगासे फावथाइया जाबाय "लेखा गोरों हौवा आरो लेखा रोडि हिन्जाव। बिबार आरो अलंबार मुगानि मख'जाथाव फावथाइगिरि भवेन फोरोंगिरिया बिलाइश्री, जयबीर, राजखुंगि, निलिमा फाल्ला आरो सैथो रथी फावथाइफोरखौं गोजाम सल' आरो खुगा सल'फोरनि सायाव बिथा खालामनानै लिरदोंमोन। बिथाडा बेंगली फावथाइनिफ्राय थोजासे बिबांनि रावबो सोलायदों। बेफोर जाबाय दैमाली (जलेर मेये), अखां गोदान (नब स्वर्ग) फोजोवनाय मोदाइ हारि (ध्वंसेर देवता), हिन्जावनि गोहो (रनचन्दी), फाफनि बाहागो (कर्मैर फल), हाजारि हिन्जाव हांमासि (पाहारेर मेये) आरो अबंनि फाव (अनन्त महात्मा)।

अनिराम वसुमतारि "गम्बारी सिख्ला" फावथाइनि सल'आ बर'फोरनि खुगा-खुगा सोलिबोनाय। गोदोनि बोखावजायै ग'वालपारायाव गम्बारी मुनि सासे आखा-फाखा आइजो दंमोन होनना सल'आव मोनो। बियो गराइयाव गाखेनानै सुथुरजों बारबायदि दावहा नाडोमोन। भुटिया सुथुरफोरजों दावहा नांनानै बियो गावनि जिउखौं बावलांदोंमोन। बे खुगा-खुगा सोलिबोनाय जोहोलावजोनि सल'खौंनो वसुमतारिया फावथाइनि महर होदों।

सुरथ नारजारिनि "सान्दो बावदिया" फावथाइयाबो गोजाम सल'नि सायाव बिथा खालामनानै लिरनाय। बे फावथाइनि जायगाया मोगथां मुलुगानि सोलाय गुवुन मोनसे मिथिस'यै जायगानिसो। फावथाइयाव सान्दोनि सल'खौं फोरमाथनायजों लोगोसे खेराइनि जोनोम आरो बाद जोनोमनि बाध्याया गाहाइ जायगा मोनदों। गोजाम सल' (Mythological) फावथाइनि गाहाइ आखुआ माब्लाबा मानसि एवा माब्लाबा मानसि नडबो जानो हागी। नाथाय मानसिब्लाबो बे मानसिया सरासनसा मानसि नड, मोदाइ गोहो गोनां मानसिसो। नारजारिनि सान्दो बावदिया फावथाइया बेफोरबायदि आखुथाइजों आवुं।

मंगलसिं हाज'वारिनि "जावलिया देवाना" बर'फोरनि खुगा-खुगा सोलिबोनाय जोहोलाव सल'नि सायाव बिथा खालामनानै लिरनाय। बे फावथाइयावबो गोजाम सल'नि गोहोम आरो मोगथाइरि नडै जाथाइफोरा जायगा मोनदों। फावथाइयाव जावलिया देवाना देठश्री आरो बाथौं बोराइनि फिसा। देठश्रीआ कुबेरनिसो बिसिमोन। नाथाय बिसोरहा गथ'-गथाव गैयामोन।

### 1.5. फोजोवनाय (Conclusion) :

जौगा रावनि धुनलाइफोर जैरि ग्रीक, इराजी, फरासी, संस्कृतफोराव गोजाम सल'फोरखौं बाहायनानै समयना धुनलाइ सोरजिनाय नुनो मोनो। बर' सनाजाव गोबां गोजाम सल'फोर दंब्लाबो साफा सानैल' लिरगिरिफोरा बे खामानियाव आखाइ होदों।

बिबार आरु अलंबार मुगायाव सानैसो फावथाइगिरिफोरा जे खामानियाव आखाइ होदोमोनब्लाबो फावथाइनि मोजां गियाव गैयैनि थाखायनो जा एका सोल्लोधाइ गैयैनि थाखाय जाफुंसारनो हायाखैमोन । बर' धुनलाइयाव गोजाम सल'नि बिधायाव जाफुंसार फावथाइगिरिनि बेलायाव सुरथ नारजारिनि मुंखीनो लाओनांगी जायो । गुबुनफारसे बिहुगाम बर'आ गोजाम सल'नि बिधायाव समायना खन्थाइमा गिबि बिथाइखी सौरजिदो । खन्थाइ आरो फावथाइ धुनलाइयाव गोजाम सल' बाहायनायनि दलाम खाबु दं ।

**1.6. हेफाजाब बिजाब आरो नायनो गोनां बिजाबफोर (Reference and Suggestive readings) :**

1. आब्राम, एम.एइच. - ए ग्लचारी अब लिटोरेरी टर्मस
2. बर', ड<sup>०</sup> अनिल - सेरजा आरो सिफुं, ग्रेट बुक्स डिप्टिविउटर्स
3. चैनारी, ड<sup>०</sup> स्वर्ण प्रभा - फावथाइ बिजिरनाव, गुपुर पाब्लिकेशनस
4. ठाकुरीया, ड<sup>०</sup> राममल - साहित्य बिचार, बीणा लाइब्रेरी ।

• • •

## Block-I / Unit-2

### ‘सान्दो बाउदिया’ Sandw Baodiya

सुरथ नारजारी

#### 2.1 बेखेवनाय (Introduction) :-

सुरथ नारजारिनि धुनफावथाइ ‘सान्दो बाउदिया’-आ 1988 मावथाइयाव दिहुन जायो। वे गांसे धुनफावथाइनि गेजेरजोनी बिधाखबोदि धुनफावथाइ लिरनायाव आखा फाखा आरो गोखों आखाइ दं बेखी मिथियो। ‘सान्दो बाउदिया’ धुनफावथाइयाव गांसे जाफुंसार पौरानिक (Mythological) धुनफावथाइ। धुनफावथाइया गोजाम सल’नि सल’ बिधाखौ लानानैनी लिरजानाय। सान्दो बावदिया धुनफावथाइ मोनसेल’ खौरानि धुनफावथाइ वेवहाय खौरां रान्नाय नुनो मोना। धुनफावथाइया मोनदं जोबहैदों। मोनफ्रोमबो नुथाइया धुनफावथाइ जौगाहोनायाव गावबा गाव हेफाजाव होलायदों। वे धुनफावथाइयाव traditional structure खौ बाहायनानै लिरनाय नुनो मोनो।

सान्दो बाउदिया धुनफावथाइया गोजाम सल’खौ लानानै लिरजानाय गांसे पौरानिक धुनफावथाइ बेखौ सिगाडवनो बुंबोखानाय जाबाय। धुनफावथाइनि सल’आ सान्दो बाउदियाखौ लानानैनी जागायदों आरो सान्दो बाउदियारखौ लानानैनी शुगिहैदों। धुनफावथाइयाव सान्दो बाउदियानो गासैनिबो गेजेर आरो गुदि।

धुनफावथाइनि सल’आ औरैहाय-

सान्दो बाउदियाआ गामिनि सासे नेहाद मानसिनि फिसाज्जामोन। नखरनि आवस्थाया मोजां नडिनि थाखाय बियो गामिनिनी सासे माहाजोननियाव मोसौ लाउखार थायो। सानसेखालि बिगोमाया सान्दो बाउदियाखौ दंफनं दानग्रा बादारिफोरें लांफानायसै आरो बिखी बादायाव ओंखाम संनो दोनलांनयसै। बाउदियाया बादायाव थंगोदान जानायनि थाखाय बबेयाव मा दं गैया बिनि जेबो उदिस मोना। सानजौफु जानाय लोगो लोगो बियो थोरसि, लथा, दो दोख्ताफोरखौ सेरजों बोहैलांनय निजोरायाव सुझांनो लांनयसै। नाथाय मादि सोमोनांथाव बाश्रा थोरसि लथाखौ सुनाय लोगो लोगो निजोरानि दैया रानलांजोब्बाय। बाउदियाया राहा गोथेबाय। फारसेथिं ओंखाम ओंखि मोनजाफेयाक्ला बिखौ साजा होगोन। उनाय राहा गोथे जानानै बाउदियाया दुखुजोनी सेरजा हुनो हमबाय। त्रिनि सेरजा हुनायाव गोजोननानै शान्ति खैना नुजाफेयो आरो बिनो बोर होयो। बोर मोन्नाने बावखुंनि हाजोआय बाउदियाआ धानो लायो। समाजनि आसारखान्चि आबुंधि गैदें शासननि बेरेखायै गसंनोबो गिया। बेनिखायनो बिखी समाजा दायजा होला

समाजनिफ्राय एखुथा खालामो। बिनि सेरजानि देंखो खोनानानै नाथाय सानै आइजो आसागि आरो बैसागिया मुहि नाडे। बिसोर सानैबो सेर फाखाय फाखाय रावबो नुयै बाइदि नायखोमा फैबाय थायो। बाउदियाया जेक्ला हमना मोनो अब्क्ला सौरबाफोर सुधुरफोर गावनि देंखो आनसायनायाखी हेंथा होनो फेदो सानना माया जे बानखो होथेना दोनो। बेयावनो आसागि आरो बैसागि बिब जिनावाव सानैबो बे जेयाव नाडे। राहा गोथे जानानै बियो सालि खैनानियाव बारग नाथनि राहा मोननो लुबेयो। नाथाय मोदाइजो शान्ति खैनया समाजनि हेंथा खालामनो राहाखो होफेयो आरो सामाजनि बिसार बिजिरनायाव नुजाथिनो सुबुरन होयो। बे समावनो मोदाइजोआ मोनसिसिं ब्राइनि नैथि खेब बुहुमाव फेगोननि रादाव होयो।

आसागि बैसागिनि सायाव जिनाहारि खालामनायनि नंखाय दयाव बाउदियाखी बिसार खालामनाय जायो। दावराव-दावसिनि गेजेराव बै बिसारा फेलें जायो। थिंग बे समावनो समाजनि दैदेनगिरि, बिसारगिरिफोरनि सिगाडव बाउदियाया मोदाइजो शान्ति खैनया बुंलांनय टनबाध्रा (Oracle) नि सोमोन्दै फोरमाथथियो। समाजाव नुजाथिनाय इनाय अगेन आसारखान्थिफोरखी फोजोबस्रानो थाखाय मोनसिसिं ब्राइया बुहुमाव नैथि खेब फेगोन होनना बुडे। बिथांखी बरायनो थाखाय बावसुंघि हाजोआव शान्ति खैना धानाय जायगायाव बाथी सेराव होनांगोन आरो बे खेराइ फुजाखी दैदेनलांनो सासे गोथार दौरि आरो दौदिनिनि गीनांथि बाध्राखीबो मिथि होयो। बिन्दिनो बि बुंनाय लेखा खेराइ फुजा होनाय जायो। बे फुजायावनो दौदिनिया मोनसिसिं ब्राइखी बरायना लाबोयो। मोनसिसिं ब्राइया वरनि नंगुबै धोरोमनि लामा, आसारखान्थिफोरखी मोजाडै बुथिना दिन्थिना होलाडे।

बे थुनफावथाइनि गासैबो विथिं सल' बिथा आखु लानाय, स्तेज दिन्थिनाय, बाध्रा बुंनाय बाइदिफोरा मोजाडैनो बेरखांनय नुदो। बेखी नायोक्ला सान्दो बाउदिया थुनफावथाइया जाफुंदो होननांगोन।

#### मिथिनो गोनां :

गोदोनिफ्रायनो भारतीयारि सुबुं जिडआव महाभारत, रामायन, पुरान बाइदिनि गोहोमा गोबाडै गोलेबोदो। सुबुं माहारिया दिन्थिवोनाय आसारखान्थि, नेनरखान्थि, दोहोरोम फोसावनास आरो फोथायखोनाय हुदाफोरखी पुराननिफ्रायनो नाजावबोदो। जोबोद गोजाम समनिफ्रायनो नायजावगिरिफोरा पुराननि सल'फोरखी लानानै नायजावगिरि महर होनानै दिन्थिबोदो आरो लीगोसे गाव गावनि आदशखीबो बिजिरनाव नाजावोदो। भारतीयारि सुबुंफोरनो रंजानाय होनाय गुबै राहावनो जादोमोन गीरानिक सल'फोर। बे सल'फोरनि आखुथाइ आरो मावनाव दानायफोरा औरिबायदि सुबुं माहारिनि गेजेराव गोथीयै आरो गोजोरै जायगा आबिग्रदोदि बैफोर गोजामक्लायो बिसोरनि गोसोआव

अराय गोदान। बेनि जाहोनानो जादों पौरानिक नायजाबनि आखुथाइफोरनि सुखु-दुखु, आदर्स बाइदि बिथिडा बिसोरनि जिउजों गोरबसे गोरबल्फेनाथ जारो बेवहाय दिन्थिनाय जाथाइफोर बिसोरनि थाखाय सानबोलावारि एबा जाथावे नड। पौरानिक नायजाबाव दिन्थिनाय गासैबो आदर्स एबा जाथाइफोरखी दोहोरुमखान्थिनि नेम बायदिये सान्ना लादोंमोन। ओंखायनो भारतीयारि सुबु समाजनि थाखाय पौरानिक नायजाबा अराय वरायथाव एबा बोजबथाव जिरादमोन।

## 2.2 थांखि (Objective)

बे Unit नि गेजेर जों सान्दो बाउदिया धुनफावथाइखी सोलोंनेो खानु मोनगोन आरो धुनफावथाइनि आयदा, थिंजों सोमोन्दो लाखिनाने लिरनाय गासैबो बिथिंखी मिथिनो हागोन। ओंखायनो बे Unit आव होनाय गासै फोरमायथिजों मिथिनो मोनगोनदि-

सान्दो बाउदिया धुनफावथाइयाव बाउदियाया गाहाइ आखु महरें दुखुनांथाव खेफोदाव गोलैनांनयनि जाहोनफोर मा मा।

धुनफावथाइयाव गायसननाय मोनसे नुथाइया गुबुन मोनसे नुथाइनि जौगानायाव मावायदि हेफाजाब होदों।

सान्दो बाउदिया धुनफावथाइनि सल'आ बर' सामाजाव बेसेबां गोजाम आरो सोमोन्दोआ मावायदि।

नारजारिया सान्दो बाउदिया धुनफावथाइनि गेजेरजों मा आयदानि सायाव नोजेर आरो जाथाइखी बेरखां होनो हादों।

सान्दो बाउदिया धुनफावथाइयाव दिन्थिनाय गोबां रोखोमनि समाजारि थासारि, आसारखान्थि, दोहोरुमखान्थि आरो गोदो गोदायनि समाज जानायनि आबाहावाफोरखी फावथाइगिरियो मावायदि रुजुदों आरो दिन्थिदों।

## 2.3. सुरथ नारजारि आरो बर' धुनफावथाइ :

सुरथ नारजारि विथाड 1944 ई मायथाइयाव जोनोम जायो। विथाड सासे राफोट खन्थाइगिरि, सावरायथाइगिरि आरो धुनफावथाइगिरि। खन्थाइनि बिसाना बांदाय नडब्लाबो जाखनि दिहुनवाय बेनि गेजेरावनो खन्थाइनि आखुखी मिथिनो मोनो। विथाड बर' खन्थाइयाव रबार्त बाउनिनि लिरनाय आदब Dramatic Monologue खी बाहायफेटों। बर' हरिनि दुखु गोंनां महर मुयिखी खन्थाइ आरो धुनफावथाइनि गेजेरजों बेरखां होनाय नूनो मोन्दों, बेवादिनो धुनफावथाइनि बेलायावबो विथाड गोबां बिहोमा होवाखेब्लाबो जा गांसे धुनफावथाइ दिहुनवाय बेनि गेजेरजों विथानि फावथाइयारि Craftmanship आरो रोगेथरी दिन्थिनो हादों।

बिथाङ्ग क'क्राइर फरायसालिमानि हायुंगोरा बिबाननिफ्राय आजिरा लाखानायनि उनाव बेबादिनो गोवां समाजारि आफादफोरजों लोब्ला लाखिनानै खामानि मावबोदों। बेल नख बिथाङ्ग दोहोरोमनि फारसेबो सासे सांग्रां फोथायसुला। वे बाघ्याया बिथानि लिरनायनि गेजेरजों रोखा महरें फोरमायथि मोनो। सान्दो बाउदिया धुनफावथाइयाव दोहोरोमनि सानसि, आसारखान्थि, चादखान्थि आरो 'बर' समाजनि थासारिया रोखा नुजादों। बिथांखीं सासे रफोद खन्थाइगिरि आरो धुनफावथाइगिरि होन्ना बुंनो हायो।

'बर' धुनफावथाइ धुनलाइनि जागायनायरखीं 1919 मायथाइनिफ्राय इमनाय जोयोब्ला 1919 मायथाइनिफ्राय 1951 सिम सिगां बाहागो (Earlier Part) आरो 1952 निफ्राय हासिम उन बाहागो एबा गोदान समनि महरें इमना लायोब्ला सावरायनो सुबिदा जायो। सान्दो बाउदिया धुनफावथाइया 1988 मायथाइयाव दिहुन जायो। दिहुनजानाय मायथाइखीं नायोब्ला सान्दो बाउदिया धुनफावथाइया उन एबा गोदान बाहागोनि धुनफावथाइ होन्ना मिथि मोनो। सिगां बाहागोनि धुनफावथाइफोरखीं नोजेर होयोब्ला नुनो मोनोदि बेफोर फावथाइखीं बांला नाटकनिफ्राय 'बर' लिटरगिरिफोरा धुलुंगाखांनानै गोवां बांला नाटकनिफ्राय 'बर'आव राव दानस्तायो आरो खायसे बांला नाटकनि साया लानानै गावनि रावै फावथाइ लिस्नो लादोंमोन बेफोरनि गेजेराव गोवांओनो दिन्ने मोन्ने थालिया।

सुरथ नाराजारिया गोवां धुनफावथाइ लिराखीं। बिथानि गांसेल' धुनफावथाइ 'सान्दो बाउदिया' लिरनायनि गेजेरजों बिथाङ्गबोदि धुनफावथाइ लिरतायाव राफोद आखाइ दड' बेखीं सिनायथि होयो। सान्दो बाउदिया फावथाइयाव गोदान धुनफावथाइ लिरनाय आदबखीं थिसनफैयो। बेवहाय खींरां रानताय पैया। नुथाइकिल' रान्ताय द' धुनफावथाइयाव action आ मोनसेल'। वै action खीं जागायनायनिफ्राय धुंगिनायसिम गाहाइ आखु बाउदियायानो दैदेनदों। मोनफ्रोम नुथाइ रायसन्नाया मोनसेजों गुबुन मोनसेया सोमोन्दो दड' आरो धुनफावथाइ जागानायाव मोनसेया गुबुन मोनसेखीं हेफ'जाव होलायदों। सान्दो बाउदियाया गांसे tragedy धुनफावथाइ। वै tragedy आ बाउदियानिल' नख गासै समाजनिनो moral tragedy आरो दोहोरोमारि दुखुनां जाथाइ। समाजनि नंखाय फोथायनाय आरो दबथायलु आखुनि हेंथायै बाउदियाया गसंदों। दोहोरोमनि बेलायाव जानाय गुलुं गुजुं। आसारखान्थि मानिदै बाउदिति सायाव सुस्रानाय लाबोनानै मोनसे सुस्थिर आबुथि गोनां समाज रायसन्नायाव बाउदियाया गाहाइ बिफाव (role) लादों। बिन्दिनो गोदान आदब 'बर' धुनफावथाइयाव थिसनना लिरनानै 'बर' धुनफावथाइ धुनलाइनि फोथाराव देलाइचि महर होयो। क्रेयो नाराजारि बिथानि मोनसे मुंख'भाव बिहोमा होन्ना बुंनो हायो।

#### 2.4. सान्दो बाउदिया धुनफावथाइनि आयदा (theme) :

सान्दो बाउदिया धुनफावथाइया गांसे गोजाम सल'खी लानानै लिरजानाय आवुं धुनफावथाइ। धुनफावथाइखी गांसे जाफुंसार पौरानिक (mythological) धुनफावथाइ बुंनो हायो। धुनफावथाइया मोनसेल' action जों जौगालानानै थुंगि हेंदों। गासै मोनद' नुथाइजों गायसनजानाय बे धुनफावथाइनि मोनफ्रोम नुथाइया मोनसेनिफ्राय गुबुन मोनसे जौगालानायाव हेफाजाव होलायदों। मोनफ्रोम नुथाइयावनो स्टेज दिन्थिनाया नुथाइनि जौगानाय आरो उनफारि हाबाखी मिथिना फाव मदद होदों।

धुनफावथाइनि सल' विथाखी नोजोर होयोब्ला धुनफावथाइनि आयदाखी गाहाइयै मोननै रोखोमै नुनो मोनो। मोनसेया आबंलावरिनि लामा एवा दोहोरोमनि लामाखी मानसिनो विजिरना होनाय, दिन्थिना होनाय आरो गुबुन मोनसेया बोसोनथिखी मानिनानै सोलियाब्ला खैफोदाव गोलेयो। बे मोननै आयदायानो धुनफावथाइनि गाहाइ आयदा। सरसनम्रा पौरानिक धुनफावथाइफोरा दोहोरोमजों सोमोन्दो थानाय सल'खी लानानै लिरजानाय। सान्दो बाउदिया धुनफावथाइयावबो दोहोरोमनि रोखा सल' मोनो हायो। गोदो गोदायनिफ्रायनो बर' हरिया बाथी दोहोरोमखी जुगे जुगे मानिबोदों, हमथाबोदों। बेनि गुमुर बाध्रारवी संनो नाजानायजों लोगोसे दोहोरोमनि थासारिखीबो मोननो हायो। सान्दो बाउदिया खैना शान्तिनि खुगानिफ्रायनो ग'साइनि सोरजि गुमुरखी मिथिदोंमोन। खैना शान्तिया बिखी मोजाडै देंखो अनसायनो बोसोन होदोंमोन। देंखो अनसायनयनि गेजेरजोंनो अबं ग'साइनि गोथी गुमुरखै संनो नाजादोंमोन। दोहोरोमनि लामाजों दावगायोब्ला थार लामाखी मोननो हायो। नाथाय खैना शान्तिया फोरोंनाय बाननि मोन्थोरानो विनि खैफोदखी लाबोयो। जिउनि अल'खद समावल' बे बानखी बाहायनो थाखाय खैना शान्तिया बाउदियाखी बोसोन होदोंमोन। बेनि बादगा मावोब्ला खैफोदाव गावनो गोलैनांगोन। बे बाध्रा आरो बोसोनखी सान्दो बाउदियाया बावनानै थानों आरो फालियिनि जाहोनाव खैफोदाव गोलैनांदों। गुबुन फारसे आसागि आरो बैसागि सानै बिब' बिनानावमोनाबो हेंथा थासेयावबो थानो मोनै जायगायाव सेर फाखाय फाखाय खोनासंफेनाय आरो नायफेखोमानायनि जाहोनाव बाउदियानि बानाव नांफेनांगी जायो। बिसोर सानै बिब' बिनानावमोनाबो समाजनि हेंथा बोसोनखी नेवसिनानै थानो मोनै जायगायाव फेखोमावाय थानायनि थाखाय खैफोदाव गोलैनांदों आरो बे दायनि थाखाय विजिरनायनि मोगा मोगि जानांदों।

बेनि अनागायैवो बे फावथाइयाव खायसे आयदाफोर नुनो मोनबावो। बेफोर जादों आसारखान्थि, बाद खान्थिनि गोहोम, खेराइ फोरबो नेवसिनानै थानो मोनै जायगायाव फेखोमावाय थानायनि थाखाय खैफोदाव गोलैनांदों आरो बे दायनि थाखाय विजिरनायनि मोगा मोगि जानांदों।

बेनि अनागायैवो बे फावथाइयाव रवायसे आवदाफोर नुनो मोनबावो। बेफोर



जादों आसारखान्धि, बाद खान्धिनि गोहोम, खेराइ फोरबो खुनाय खान्धिफोर, बै समनि बर समाजनि थासारि बाइदिनि सावगारि बेरखांनाय नुनो मोनो। गोदोनि समाव दोहोरोमा दडंमोनब्लाबो समाजनि गेजेरनिफ्राय आसारखान्धिफोरा माबेरैहाय जोबलांनो हमदोमोन। मानसिफोरनि गेजेराव गारलाय गुजाया सारदूला जोबदोमोन। मानसि समाजनि गेजेरनिफ्राय आसारखान्धिया गोमालांनो हमबायमोन। बर' समाजाव बाद खान्धिनि सोलिनायाबो खम नहा। मानोना बादनि गेजेरजोनों मानसिनि दाय गोरोन्धिफोरखौ सुझानांनो गोथार खालामफिन्ना होनाय जायोमोन। बेनि गेजेरजोनों आसारखान्धि, दोहोरोमखान्धिनि बाश्नाखौबो गोसोरलांहोनाय जायोमोन। बिब्दिनो मानसिया सैथो लामाखौ मंफिन्ना रोहा मोनोमोन। खेराइ होनायनि नेमखान्धिफोराबो मोनसे गद महराव फेगो। समाजनि गारलाय गुजाय थासारि, आसारखान्धि, दोहोरोमखान्धि, बादखान्धि आरो गोदोनि बर' समाजनि बाइदि महरनि सावगारिफोरखौ रोखा बेरखांनाय नुनो मोनो।

दोहोरोमनि लामाजो दावगनायनि थाखाय सान्दो बाउदियावा मावतो जा मावा गोनो गोथोनि गेजेरजोनों देरहा हैदोमोन। पौरानिक थुनफावथाइनि मोनसे गाहाइ आखुथाइयानो जादों दोहोरोमनि लामायाव थानायफोरनि देरहाहोनाय आरो अदोहोरोमनि लामायाव थानायफोरा जेनहैनांगौ जायो। बे आखुथाइखौ सान्दो बाउदिया थुनफावथाइयावबो रोखा बेरखांनाय नुनो मोनो।

## 2.5 आखुफोर :

सान्दो बाउदिया फावथाइयाव गोबां आखुफोर दडं। आखुफोरा जादों-सान्दो बाउदिया, आसागि, बैसागि, खैना शान्ति, राखां, रग दुगा, बैठां, गर-थ-नेरा, मोनामसु बोराइ, नोहाथारि, संगोरा, आज्ञा थंगोरा, सेग्रा हादुग्रा सेथि सेग्रा, नैथि सेग्रा, थामथि सेग्रा, बैथि सेग्रा अजा, दौरि, दौदिनि आरो मोनसिसिं ब्राइ। सान्दो बाउदियायानो फावथाइनि गाहाइ आखु (Protagonist)। बाउदियाखौ लानानैने फावथाइनि सल' आरो मावनाय दाउगादों आरो बाउदियाखौ लानानैने सल' आबो थुगिहैदों। समाजनि नेमखान्धि, आसारखान्धि, दोहोरोम, माहारियारि अहं सान्नाय, दवथायलु आखु आरो खोमसि फोथायनाय बाइदिफोर बाउदिया आरो समाजनि साफ्रोमबो सुसुफोरखोंगो नोरजिया एवा बोलि जाहोदों। बेनि हेंथायै बाउदिया दावगादों। आसागि बैसागि सानै धिव चिनातावखौ समाजनि नेरसोनथि (Symbol) महरं दानरा जादों। आसागि बैसागि सानैबो बाउदियानि, सेरजानि देंखोआव मुहिनि नादो आरो बे देंखोखो खोनासंनो जेब्लाबो सिरि सिरि फेबांय थायोमोन समाजनि गोरा खान्धिफोरखौ नेवसिनानै फेनो मोनै जायगायाव फेबाय थानाय समाजनि बेबिसारनिनो मोनसे बिदिन्धि होन्ना सानजायो। अजा, दौरि, दौदिनि आरो मोनसिसिं ब्राइ आरिफोरा समाजनि गोहोमनिफ्राय उदां। बिसोर गावबा गावनि खामानि आरो मोजां मोननाय बाइदियावबो मुखुब। राखां, रगदुगा

आरो बेदांमोननि आखुफोरजों मिनिथाव आरो खेंसालिया जंखायनाय बाध्राफोरा रोखा बेरखांदों। गरन्थगोरा, मोनामसु बोराइ, नेहाथारि, संगैरा, सेंग्रा हार्दंगरा आखुफोरा समाजनिनो साफा साफा दैदेनगिरि, संगिरि। बिसोरखौ समाजनि गुबुले आवहावाजों नारसिनजानाने खर' दैखानो राहा मोनाखै। बेफोर दबथायलु आखु जारो स्वोमसि फोथायनायनि बोलि जानांदों बाउदिया जारो समाजनि बायबो सुबुडानो।

सान्दो बाउदियाया बे समाजनि दबथायलु आखु, माहारियारि अहं सान्नाय, खोमसि फोथायनाय, दोहोरोमखान्थि आरो आसारखान्थि बाइदिनि बेलायाव नुनाय गालाय गुजाय आरो थि नडैनि हेंथायै दावगादों। ओंखायनो थुनफावथाइया जागायनायनिफ्राय जोबहैनायसिम बाउदियानि बिफावखौ एंगारथावै आरो नागारथावै। आसागि आरो बैसागि सानै बिब' बिनानावनि थाखायसो जिसे बोसोर राइजो राजानिफ्राय एखुथायै बावखुंग्रि हाजोआव थाहैनाया समाजजोंनो गेरोबसे गेरोबना थाफैफिननायनि राहाखौ मोन्दों। मावगोन ना मावा बै गोनो गोथो जानायनिफ्राय आवुं राइजोनि बिजिरसालियाय नुजाहैनायै नंखाय फोथायनाय बाइदिखौ जानगार होनायाव जाफुं होदोंमोन राखां, रगदुगा आरो बेदांमोननि आखुफोरनि गेजेरजों। ओंखायनो बेवहाय गायसननाय साफ्रोम आखुफोरानो गावबा गावनि भावनायनि गेजेरजों सल'आ जौगालानायाव हेफाजाब होदों।

**सोधि :**

सान्दो बाउदियाआ बावखुंग्रि हाजोआव समाजनिफ्राय एखुथायै थाहैनायनि जाहोना सामोन ? (40 सोदोब)

.....

.....

.....

.....

आसागि आरो बैसागिया मानि थाखाय मुहिनांनानै सेरफाखाय सेरफाखाय नायफैजाव थायोमोन आरो उनाव मा जायामोन ? (30 सोदोब)

.....

.....

.....

.....

## 2.6 फावथाइनि धुनलाइयारि बेसेन :

सान्दो बाउदिया धुनफावथाइया गांसे पौराणिक एबा Mythological धुनफावथाइ। धुनफावथाइया गोजाम सल' बिथाखी लानानैने सुजुजानाय। सान्दो बाउदिया धुनफावथाइनि गाहाइ आखुआ बाउदियानो। धुनफावथाइनि गाहाइ आखुआ बाउदियानो। धुनफावथाइनि सल' जाथाइखी जागायनायनिफ्राय थुंगिनायसिम बाउदियानो दैदेनलादो। बे धुनफावथाइखी traditional structure नि बाइदि खीरां रान्नाय नुनो मोना नाथाय मोनद' नुथाइनिसो रान्नाय नुयो। मोनफ्रोम नुथाइनि सिगाडव stage direction खी मोजाडैदिन्थिनाय जादों। बे stage दिन्थिनायनि गेजेरजोंनो धुनफावथाइनि आबहावा, धासारिफोखी समायनायै एरखांनायाव जाफुनो हादों। मोनसे नुथाइनि सल' जाथाइया गुबुन मोनसे नुथाइ जैगालांनाय आरो खारदिंनायाव हेफाजाव होलायदों। गोदान एबा आधिखाल धुनफावथाइयाव आबहावा सोमजिहोनो धाखाय गोलाउ स्टेज दिन्थिनाय नुनो मोनो। बेयो गोदान धुनफावथाइनि आबहावा सोरजिनायनि मोनसे आदब। बे गोलाउ स्टेज दिन्थिनाया धुनफावथाइयारि आबहावा दिन्थिनायनि अनगावैबो बै समनि जिउ खांनायनि राहा आरो दोहोरोमखान्थि, आसारखान्थि, समाजखान्थि, राजखान्थि बाइदि बिथिनि सावगारि बेरखांहोनाय नुनो मोनो।

बै धुनफावथाइयाव जागायनाय (prologue) आरो उनथिं epilogue बाहायनाय दड'। धुनफावथाइनि form आव ग्रीक धुनफावथाइनि नांथाइ नुनो मोनो। संस्कृत फावथाइयाव गाहाइयै फावथाइगिरिनि सिनायथि आरो सल'खी नायगिरिनि गेजेराव मिथिहोनो धाखाय बाहायनाय जायोमोन। थिख बिन्दिनो सोनाब्रारि धुनफावथाइयावबो prologue नि हेफाजावै जाहाथे नायगिरिफोरा सल'खी मोन्दांनो हायो बिनि मोनसे सुंद' सिनायथि होनो नाजानाय नुनो मोनोमोन। सेस्कपीयेरनि बांसिन फावथाइफोराव prologue बाहायनाय नुवा नाथाय बिनि समब्रा समब्रि फावथाइगिरि Ben Johnson नि धुनफावथाइयाव गोलाउ prologue दाजाबदेरनाय नुनो मोनो। बै धुनफावथाइयाव epilogue बाहायनायबो दड'।

धुनफावथाइयाव बिज्जिरनो गोनां मोनैसो बिथिड जाबावदों unit of action, unity of place आरो Unity of time खी थिगे मानिना सोलिनाय नुनो मोन्दों। बे धुनफावथाइयाव action आ जागायनायनिफ्राय थुंगिनायसिम गोरोबहेदों। जायगाफोर बाहायनायनि बेलायावबो गुबुन जुदा जायगा दिन्थिनाय नुनो मोनो। मानोना गोदो गोदायनि समाजनि बेवस्ता, धासारि बाइदिनि सावगारियानो रोखा बेरखांदों।

धुनफावथाइयाव बाध्रा बुंनाय बाहायनायनि सायावबो नोजोर होनांगौ दड'। खायसे खायसे बाध्रा बुंनायखी गोलाउयै बाहायनाय नुनो मोनो। बिदिन्थि बाइदिथै बाउदियानि खुगाजों गोलाउ हारसिं बुंनायफ्रा (soliloquy) ओंखारदों। बै धुनफावथाइनि

मुखंथाव गुबुन आदब बाहायनायफोरा जाबाय मिनिथाव आरो फेरला राव बाहायनाय ।  
बे मिनिथाव आरो फेरलाफोरखौ ब्रैथि नुथाइयाव राखां, रगदुगा आरो बेदांमोननि  
रायप्लायनायावि रोखा बेरखानाय नुनो मोनो ।

धुनफावथाइयाव बेरखानाय गुबुन खायसे बिथिंफोरा जादों आसारखान्थि,  
दोहोरोमखान्थि, बादखान्थि, समाजखान्थि, राजखान्थि बाइदि बाइदिनि सावगारि  
एरखानाय । दोहोरोमा दड' नाथाय सुबुं माहारिनि गेजेरनिफ्राय आसारखान्थिया जोवनो  
हमदोंसैमोन । बादखान्थियाबो बर' समाजनि गेजेराव गोदोनिफ्रायनो सोलिबोनाय खान्थि ।  
बादानो बर' समाजनि दाय बिजिरनायनि आइनमोन । समाजाव सोरबा बादुवा जायोब्ला,  
दाय मावफ्लाडोब्ला दाय मावनायनि रोखोम, गिलिरथि आरो जाथाइखौ नाथनानै मोनबा  
बादखान्थिनि जायखि जाया मोनसे बाद खान्थियों दायखौ बिजिरनाय जायो आरो  
बादुवा जानायखौ सुस्त्रांना फेथारना होयो ।

धुनफावथाइयाव सेरजानि गोनांथि आरो बाहायथिया खम नछ । गोदो गोदाय  
सेरजा दामनाय मानसिखौ दायना होन्ना सानोमोन । ओंखायनो जानो हागौ मोनसे  
समाव सेरजा दामनायखौ नागारबायमोन । बै धुनफावथाइयाव सेरजानि जोनोमनिखुइ  
देंखोनि गोहो आरो देंखोनि गेजेरजों सोरजिथाइनि गुमुरनि बाध्राखौसो गाहाइ खालामदों ।  
बाउदियाआ बावखुंघि हाजोआव थाहैनांनयनि गुदियावनो जादों सेरजा आरो आसागि  
बैसागि बिब' बिनानाव सानैबो खैफोदाव गोलैहैनायनि जाहोनाबो सेरजानि मुहिनां  
देंखो । सेरजानि रोखोम रोखोम देंखोजों इश्वोरनि सोरजिथाइनि गोहोखौ मोन्दांनो  
सोलोछे । बिबिदो सान्दो बाउदियाआ देंखो अनसायनयनि गेजेरजों अबं ग'साइनि  
सोरजि गोहोखौ मोन्दांनो नाजादोंमोन ।

गौजौआव सावरायबोनाय बाध्राफोरखौ नायोब्ला नारजारिनि धुनफावथाइ  
सान्दो बाउदियाआ गांसे आबुं पौरानिक धुनफावथाइ होन्ना बुंनो हायो । मोनफ्रोमबो  
बिथंखौ धुनलाइयारि बेसेन होथावना आरो गौथौ गुवारै सावरायनो खाबु दड' ।

**सोधि :**

सान्दो बाउदियाआ मा हारिनि धुनफावथाइ आरो धुनफावथाइया बेसेबां  
जाफुंदों होन्ना नों सानो लिंर ? (30 सोदोब)

.....  
.....  
.....  
.....

नारजारिनि सान्दो बाउदिया धुनफावथाइयाव बेरखांनाय आदबफोरा बेसेब्रां  
आबुडे लिंर ? (30 सोदोब)

## 2.7 धुनफावथाइनि गुबै बाश्चा (Summary) :

सान्दो बाउदिया धुनफावथाइया गांसे आबुं जाफुं सार पौरानिक (Mythological) धुनफावथाइ। धुनफावथाइया सान्दो बाउदियाखौं गाहाइ खालामनानैनो जौगालांदों। धुनफावथाइया सान्दो बाउदियानिल' tragedy नि बाश्चाखौं दिन्धियाखौं सुबुं माहारिनिनो Ttragedy खौं दिन्धदों। सान्दो बाउदियानि Psychological tragedy एबा conflict नि बाश्चाया नुजादों। बाउदियानि गोसोआव मावनो ना मावा गोमो गोथो जानायखौं नुदों। नाथाय वे हाबाखौं शान्ति खैना आरो राखांनि मददजों मावफुंहेनो हादों।

सान्दो बाउदिया धुनफावथाइया गोजाम सल'खौं लानानै लिंरजानाय गांसे पौरानिक धुनफावथाइ। वे बिधिंखौं नोजोर होयोब्ला नुयोदि पौरानिक धुनफावथाइ जानांगौब्ला खायसे आखुथाइफोरजों गोरुबनाय जानांगौं। दानिया मोनफ्रोमबों आखुथाइफोरनि थासारि, थाथि आरो motif फोरजों सान्दो बाउदिया धुनफावथाइया रोखायै गोरुबदों।

1) गांसे आबुं पौरानिक (mythological) धुनफावथाइ जानोब्ला मालाय दोहोरोमजों सोमोन्दी थानाय जानांगोन। बो बिधिंखौं नायोब्ला सान्दो बाउदिया धुनफावथाइया गांसे जाफुंसार पौरानिक धुनफावथाइ। मानो होनोब्ला सान्दो बाउदिया धुनफावथाइयाव दोहोरोमनि रोखा सल' मोन्ने हायो। गोदो गोदार्थिनफ्रायनो बर' हरिया बाधी दोहोरोमखौं जुगे जुगे मानिबोदों, फालिबोदों। वेनि गुमर बाश्चाखौंबो मोननो हायो। ओंखायनो वे धुनफावथाइखौं गांसे mythological धुनफावथाइ बुंनो हायो।

2) पौरानिक धुनफावथाइनि गुबुन मोनसे आखुथाइया जादों सोमोनांथाव जाधाइ दिन्धियाय। बो रोखोमनि जाधाइखौंबो सान्दो बाउदिया धुनफावथाइयाव मोननो हायो। सेरजा हुखोनायावनो अखा हाडोनो हानाय, दंफांबिलाइ सिरि होहोनाय, थैज्जवनाय बिफां बिलाइखौं फिन जाखां होनो हानायफोरा सोमोनांथाव जाधाइनिनो मोनसे बिदिन्धि।

3) आरोबाव गांसे पौरानिक धुनफावथाइ जानोब्ला जारिमिना मोनहास'थै जोबोद गोजाम समनि जिउ खांनाय सावगारि बेरखांनाय जानांगी. जाय समाव दोहोरोमखान्थि, सुबुंनि सान्नाय हनायफोरा आधिखाल समनिखुइ जुदा नुयो। जारिमिन मोनहास'थै समानिफ्रायनो बर' हरिया गोबां जेना जेथोनि गेजेरजोब्लाब्लो राइजो जाबोदों। बर' हरिया गावनि असे बाथौ दोहोरोमखौ मिरौ जिरौयैब्लाबो गोबानानै लाबोदों, हमथाबोदों। वै समनि दोहोरोमखान्थि, आसारखान्थि आरो सामाजिक जिउ खांनायनि हुदाफोरा दिनैनिखुइ बेसेबांबा जुदामोन। बेफोर थासारि, आबहावाफोरखौबो वे धुनफावथाइयाव मोननो हायो।

4) खाफालनि रिफिनाय, खैफोद आरो गाव मावथाइनि फिथाइखौ मोनफुनाय पौरानिक धुनफावथाइयाव मोनो हायो। थिख बिदिनो बाउदियाया शान्ति खैनानि बोसोनथिखौ फालिफुनो हायैनि खैफोदाव गोलैदोंमोन। एखे रोखोमैनो आसागि बैसागिमोनाबो राइजो राजा, नंखरनि राहा थासेयावबो थाखोमाबाय थानायनि जाहोनाव खैफोदाव गोलैनांगी जादों। नाथाय शान्ति खैना, राखांमौननि हेफाजाबजों समाजनि बिजिरनायाव गावखौनो नुजाथिहोनानै थि राहा लामा लानायाव फेलें जायाखिसै।

5) बेनि अनगायैबो दोहोरोमनि जै आरो अदोहोरोमनि जेननायबो पौरानिक धुनफावथाइयाव मोननो हायो। लोगोसे नैतिक आर्टसुनि सोलेंथाइखौबो वे धुनफावथाइनि गेजेरजों मोनो हायो। थिख बिदिनो दोहोरोमनि लामायानो गोजोरै जोरसार जाहैयो। सेरजा हुनायनि थाखायनो समाजनिफ्राय एरख'जानाय, नंखाय दयाव वादुवा जाहोनानै विचार खुंनाय बाइदि खामानिफोरा समाजनि दबथायलु आखुनिनो मोनसे बिदिन्थि। बिनिनो विचार खुंनानै थियै बिजिरनो हायैयाव हादुंगोराफोरा आनदायनांदों। उनाव शान्ति खैनाया बाउदियानो बुंलांनाय बाथ्राखौ जथुमायाव बुंफोरना होयो आरो जोबनायाव बाउदियानो देरहाहैयो। लोगोसे सेरजाखौबो मोनसे दामग्रा आयजें महरै बाथौ खेराइयाव गनायना लानांगी जायो मानसिया disobedient जायोब्ला खैफोदाव गोलैनांगी जायो बेनिनो नैतिक आदर्शनो सोलेंथाइ मोनो हायो। थिख बिदिनो सैथोआव थायोब्ला सानसेब्लाबो देरहायो आरो अदोहोरोमाव थायोब्ला जेननांगी जायो।

गोजौनि आखुथाइफोरखौ मोनफा मोनफा बिजिरना नायोब्ला बेखौनो मोननो हायोदि सान्दो बाउदिया धुनफावथाइया गांसे आबुं जाफुंसार mythological धुनफावथाइ। फावथाइयाव मोननै, मोनथाम plot नुनो मोना। Plot आ मोनसेयानो। धुनफावथाइनि मोनफ्रोम background खौ बावखुंमि हाजोयावनो फसंनाय जादों। बाथि नुथाइखौल' फसंनाय जादों समाजनि बिजिरसालियाव। थामहिनबा बिबो बावखुंमि हाजेनि खाथि खाला थानाय गामियाव जानो हागी। बिदिनो बर' हरिनि दोहोरोमखान्थिजों लोगोसे आसारखान्थि, समाज बेवस्थानि रोखा सावगारि एरखांनाय नुयो वे धुनफावथाइयाव।

## 2.8 सोदोब बाख्रि (Glossary) :

**धुनफावथाइ** : धुनफावथाइया थोंजों एबा खेंसालियै बांला नाटक एबा जाग्रानिक्राय कैदों।

**धुनफावथाइ, फावथाइ** : साइनासालियाव उदाडै दिन्धिजानाय

**नायजाब** : उदाडै साइनासालियाव दिन्धिजायै फावथाइ (Theatre)।

**पौरानिक** : पुराननि सल'फोर एबा गोजाम सल'फोरखौ लानानै लिरजानाय फावथाइ।

**Prologue** : फावथाइनि जागायजेननाय मेथाइ।

**Epilogue** : फावथाइनि उनथिं फोजोबानाय मेथाइ।

## 2.9 फावथाइनि हेफाजाब बिजाबफोर :

1. बर' धुनलाइनि जारिमिन : मनरेन्जन लाहारि।
2. The History of Boro Literature : Mr. Boro.
3. बर' फावथाइ धुनलाइ बिजिरनाय : भौमिक चन्द्र बर'।
4. An Introduction to the Study of Literature : W. H. Hudson
5. Some Aspects of the Stude of Literature : K. L. Dutta
6. असमीया नाट्य साहित्य : सत्येन्द्रनाथ शर्मा।

• • •

## Block-I / Unit-3

### गाम्बारी सिख्ला

### Gambari Sikhla

#### 2.1 बेखेवनाय (Introduction) :-

अनिराम बसुमतारीया बिबार- अलंबार मुगानि सासे गोखों हारि अनफावरि मावधि जोहोलावमोन। बै मुगानि हारिनि जोहोलावफोर जै :- गुरुदेब कालिचरण ब्रह्म, जादव खाख्लारि, प्रसन्न कुमार बड़ खाख्लौयारी, सतीश चन्द्र बसुमतारी, रुपनाथ ब्रह्म, मदाराम ब्रह्म, जलधर ब्रह्म, क्षितिश ब्रह्म, प्रमद चन्द्र ब्रह्म, इशान मोसाहारी मोनिनि समब्रा-समन्नमोन। बै गेदेमाफोरा हारि रेखा खालामनानै हारि दानायनि नोजोरजों राजखान्थि, समाज फोसाबनाय, धुनलाइ सोरजिनाय, दामनाय-देनाय, मोसानाय- मुसुरनाय, धोरोम फोसाबनाय- जेरावबो हाबा मावदोंमोन। गेदेमा अनिराम बसुमतारीयाबो गोबां आयदानि सायाव हाबा मावदोंमोन। बिथाइ सासे बिग्रायारि, समाज फोसाबगिरि, लिरगिरि, जारिभिनगिरि, देंखोगिरि, फावथाइगिरि आरो गोबां।

अनिराम बसुमतारीया 1907 मायथाइयाव खोला गवालपारानि डेउलगुरी गामियाव जोनोम मोन्दोंमोन। बिनि बिफानि मुड गलपारु कचारी आरो बिमानि मुड दालुश्वरी कचारीमोन। उन्दै समनिफ्रायनो अनिराम बसुमतारीया सोलोगोनां, साहस गोरा आरो गोथौ गोसोनिमोन। फरायनायाव गोसो गोथौमोनब्लाबो गोबां एंगारनो हायै जाहोननि थाखाय बियो गावनि फरायनायखौ गु थाखोनिफ्रायनो धुंगिहोनांदोंमोन।

फरायनायखौ एंगारनायनि उनावनो अनिरामा पुलिस बिफानाव सरकारि साखि मावदोंमोन। बै समाव भारत हादोरा गुफुरसाफोरनि आथिं सिडववनो दडमोन। दुलाराय भारतावनो माहारिनि बिफा महात्मा गान्धीनि दैदेननायाव 1942 मायथाइयाव हेफाजाव होयै सोमावसारनाय जादोंमोन। गोबां भारतारिफोरा बै भारत उदांभिनि दावहायाव बाहागो लादोंमोन। फावथाइगिरि गेदेमा अनिराम बसुमतारीयाबो दुलाराय भारतारिफोरनि हांखायनाय बादियै गावनि पुलिस साखिखौ एंगारनानै फेयो आरो उदांभि सोमावसारनायाव बारसोगो।

हादोरनि उदांभि दावहायाव बारसोमनानैब्लाबो अनिराम बसुमतारीया गावनि सिनायधि, हारिनि जेनाफोरखौ बावनानै थाडाखैमोन, एंगारनानैबो फेयाखैमोन। फारसे आखाइजों हादोरनि उदांभिनि दावहा होनानै फारसे आखाइजों बियो धुनलाइ सोरजिदोंमोन,



समाज फोसाबदोंमोन, देखोनि निजिरा बोहैहोदोंमोन आरो फावथाइ लिरलांदोंमोन।  
बेखौनो बुंदों- फारसेजों चारुद, गुबुनजों खोलोमनि दावहा। बिथानि बिशायारि  
गोरबोनिफ्राय ओंखारबोदोंमोन ब्लाउ अरमें। बेनिनो माखासे बुक्लियाव सोमोनाथावदे  
रैसुमै गारांनि देखोबो रिबोदोंमोन।

फावथाइगिरि अनिराम बसुमतारीया राजखान्थिनि गेजेरजों बर'जों लोगोंसे  
आसामनि ट्राइबेलफोरनि गहामनि थारुवाय गोबां हावा मानलांदोंमोन। जेरै :- 'कचारी  
सम्मिलन' दानाय, 'बेल्ड एण्ड ब्लक' दानाय, भारत, संबिजिरनि Constituent  
Assembly नि सेथारमेन- राजेन्द्रनाथ प्रसादखौं लोगो हमनानै 'ट्राइबेल बेल्ड एण्ड  
ब्लक' दानो नारसिन्नाय, All India Aborigines Federation दानो थोखि  
लानायफोरानो गुबै।

अनिराम बसुमतारीया हरिमुनि आयदायावबो गुवार आखाइ दडोंमोन।  
हरिमुनि गेजेरजोंबो अनिरामा हरिखौं बोखांलानो नाजादोंमोन। 1954 मावथाइयाव  
अनिराम बसुमतारीनि नाजानायावबो बिजनी हालामनि बुधुवावारि गामियाव "बुड  
कृष्टि सभा" नि मोनसे गिदिर मेल जादोंमोन। बे मेलनि गेजेरजोंनो बर'नि कृष्टि  
मोसानायखौं दिल्ली महानोगोराव गणतन्त्र सानखालि दिन्थिहैनो हान्जा सायख'नानै  
लानाय जायो।

बेनि उनाव, अनिराम बसुमतारीनि नाजानायावबो खोला गेवालरपारा आरो  
गुवाहाटी बायदि नोगोराव बर'नि कृष्टि मोसानायखौं फोरोहैनाय जायो।

अनिराम बसुमतारीया सासे मिलौहाब मेथाइ रोजाबगिरिमोन। रोजाबगिरिल'  
नडा, बिथाड मेथाइ लिरगिरिबोमोन। 1955 मावथाइनिफ्रायनो अनिरामा "All  
India Radio" गुवाहाटीयाव गोबां मेथाइ फोसाबलांदोंमोन। बिथानि फोसावजानाय  
मेथाइफोरा गासै 170 दोंनि बांसिन जागौमोन। बिथाड सासे हरि सिाबसुलामोन।  
बर'हा जारिमिन गैया, बेखौं बिथाड जोबोर दुखु मोन्नायमोन। बेनिखायनो सानसे  
समनि आसामनि गिदिर बे माहारिनि गोमालानाय जारिमिनखौं गोदाने बुरखांफिनो  
बिथाड नाजादोंमोन।

लिरगिरि हिसाबै बिथाड जायफोरखौं सोरजिलांवाय- बेफोरनि गोवाडनो  
बर' हरिखौं लानानै लिरनाय। मिथिनाय वादिब्ला बिथाड गासै बैजि (40) गांनिबो  
बांसिन बिजाब लिरलांवाय। बर'फोरनि जारिमिनारि सिनायथि, हरिमुवारि सिनायथि,  
समाजारि सिनायथि, राजखान्थिवारि सिनायथिफोरखौं लानानैनो बिथाड बांसिन लिरदों।  
गोबांसिन लिरजानाय बिजाबफोरानो नाथाय बिजाब महरै दासिम साफाय जायाखिसै।  
बिजाब महरै साफायजानायफोरा जादों- "क'च- कचारीर परिचय" (1946),  
"राजनीतित जनसंखार भीति" (1947), "असमर समस्या" (1955), "कृष्टि"  
(1955), "समाज आरु शासन नीति" (1957) आरो "गाम्बारि सिख्ला"

(1992)। साफायजानायफोरनि गेजेराव "गाम्बरी सिखला" राजखान्धि आरो जारिमिनारि सिनायधिन सायाव लिरनाय। साफायजायै गोवां बिजावफोरा जादों- "बान जोहोलाव", "राजा गबिन्द", "बारहंखा" "बर'नि, जारिमिन", "धुखासे बड़ मेथाइ", "नारीर स्वाधीनता", "धुमुहा", "मरु भुमिर फुल", "आदर्श आरु दल", "स्वाधीनतार दह बछर", "गणतन्त्र आरु निब्बांचन", "राजनीतित जनजाति", "संबिधान", "समाजबादर पटभुभि", "समाज तान्त्रिक व्यवस्था हबने", "जनजाति सजाति दल", "जन जातिर राजनैतिक संगठन", "राचियार मुक्ति संग्राम", "चि.पि.आइ ( एम ) र कार्यकलाप", "जन जातिय समस्या समाधान आरु असम सरकार", "जन जातिय कंग्रेच नेत्रिबर्गर भुमिका" आरो गुबुन गुबुन।

गोजौनि बिजाबनि मुंफोरनिफ्राय नुनो मोनबाय दि बिधाड बर' रावजों लिरनायनिखुइ असमीया रावजोंसो बांसिन बिजावफोरखौ लिरलांदों। अनिराम बसुमतारी बिधाड आयदाफोरनि सायाव गोथौ गियान दंमोन आरो लोगोसे गोबाव समनि रोंगथि। गावनि गियान आरो रोंगथिजोंनो बिधाड गोबांमानि बिजाव लिरलांनो हादोंमोन। अनिराम बसुमतारीया खुगाजों जायखौनो बुंगोन, खामानिजों बेखौनो मावनानै दिन्धनायमोन। बेनिखायनो बुंदों दि अनिराम बसुमतारीया सासे दैदेनगिरिल' नड, सासे बोगदाद गोसोनि मावथिबोमोन। बिनि बेबादि गुणखौ नुनानै "सहकभीर दर्पतत बिष्णु प्रसाद राभा" बिजाबाव सासे मुदांखा उदांख सोमावसारगिरि बिप्लबी महनलाल मुखार्जौया अनिराम बसुमतारीनि सोमोन्दै ओरै बुंदों :-

"तेखेते अति व्यक्तित्व सम्पन्न आरु क्षुरधार बुद्धि सम्पन्न, बन्दा मेकुरीर देरे क्षीप्रगति, दुर्दान्त साहसी, टिड संगठक, एजन स्वयं सम्पूर्ण मेदाबी श्रेनीर व्यक्ति आछिल।"

फावथाइगिरि हिसाबैबो बर' फावथाइ जौगानायाव बिधांहा गोवां बिहोमा दड'। गुबैयै जारिमिनारि फावथाइ सोरजिनायाव अनिराम बसुमतारीया आखाइ दड'।

### 3.2 थांखि (Objective) :-

फरायनानै "गाम्बारी सिखला" फावथाइखौ लिरनायनि गुदि जाहोन।

बर' जात्रा गावोन आरो फावथाइयारि थुनलाइ एबा फावथाइ जौनोम जानाय, मोननैनि गेजेराव धानाय फाराग आरो सोमोन्दो आरो सायनासालि बर' जात्रा गोवोनाव बँगलि जात्रा गावोननि गोहोम,

बे फावथाइजों सोमोन्दो धानाय जारिमिनारि धार बाभ्राफोर फावथाइगिरि अनिराम बसुमतारिनि थुनलाइ सोरजिनाय

बर' जारिमिनारि फावथाइनि जौगाखानाय

बे फावथाइनि गेजेरजों बे समनि गुबुन गुबुन फावथाइ जोनोम जानायनि जारिमिन अनिराम बसुमतारीनि बिथा दानाय, आखल सोरजिनाय आरो राव बाहायनायनि बागै मिथिनो मोनगोन।

### 3.3 अनिराम बसुमतारी आरो बर' फावथाइ (Ani Ram Basumatary and Boro Drama) :-

अनिराम बसुमतारीया गासै 40 गांसो बिजाव लिरलांदों। बेनि गेजेराव बिथाडा गांवे फावथाइबो लिरलांदों। गांवे फावथाइफोरा जादों "बान जोहोलाव", "गाम्बारि सिख्ला", "राजा गबिन्द", आरो "बारहुंखा"। गांवेनि गेजेराव "गाम्बारि सिख्ला" फावथाइ गांसेयाल' साफायजाबाय। "बान जोहोलाव" "गाम्बारि सिख्ला" आरो "राजा गबिन्द" - आ जारिमिनारि फावथाइ।

अनिराम बसुमतारीखौ फावथाइगिरि हिसाबे सावराय लांनायनि सिगां बर' फावथाइनि जारिमिनखौ सावरायघोनो हायो। बर' आव "जात्रा" आरो "फावथाइ" मोनै सोदोब दड'। मोनैनि गेजेराव गोबां फाराग दड'।

जात्रा सोदोबनि ओंधिया जादों हान्जादिनाय एबा दावसेनिफ्राय गुबुन जायगा दावसेयाव दावबायहैनाय।

जों बर' रावावबो जात्रा, लांदांगान एबा फावथाइ जायखियानो बाहावा मानो थुनलाइयारि बाहागोआ बे मोनसेयानो। बेनो जादों इराजियाव जायखौ 'Play' एबा 'Drama' बुंनाय जायो। आरो बेनि जोनोमा जौनि बर' गेदेमाफोरा बुंनाय बादिये जावोदोंब्लाबो (जायाखौबो जानो हागौ) नाथाय बेनि गेवलांसारनायाव बांला राबनि जात्रागाननि गोबां गोहोम दड'।

जों जौनि थुनलाइनि जारिमिखौ 1952 मायथाइखौ गेजेर खालामनाने गोजाम आरो गोदान रान्नाथ बायदि फावथाइखौबो बिबिदो रान्नी हानायनि गहाम खावु दड'। 1959 मायथाइनि कमल कुमार ब्रह्मनि 'गोदान फैसालि' खौनो गोदान फावथाइनि गिबि आगान होन्नाने बुंनो हानायनि गोबां बाथावान दसंगारो। जौनि बे गुसुं सावरायनायाव वेखौनो सिगा लानानै बर' फावथाइनि जौगानायनि सोमोन्दे लिरलांनो नाजानाय जाबाय।

**गोजाम फावथाइ :-** गोजाम बर' फावथाइगिरि (1959 नि सिगां) फोरनि गेजेराव जों दारेन्द्रनाथ बसुमतारी, भवेन फोरोंगिरि, सला अस्ताद, अनिराम बसुमतारी, उपेन बर' आरो गोबांखौनो मोनो, जायफोरनि मिरुआ जानो हागौ सतीश चन्द्र बसुमतारि। बिथाखौ बर' फावथाइगिरिफोरनि मिरु बुंनो हानायनि मोनै जाहोननि मोनसेया जादों गोजाम फावथाइगिरि दारेन्द्रनाथ बसुमतारीया गावनो सामे गिदिद फावथाइगिरि जासेयावबो सतीश चन्द्र बसुमतारीखौ गावनि गुरु हिसाबे मानिदोंमोन। आरो नैथिया

जादों- बिधाडा सोरजिनाय फावथाइयारि रावफोरा गोदै मिलौहाबलांलायनाय। आखल दानाय, बिधा सोरजिनाय आरो राव बाहायनायफोराव बिधाडानो गुबुन फावथाइगिरिफोरनिखुइ सिगांसिनायमोन।

दानिया, गोजाम फावथाइ (जाथा गान एबा लांदां गान) नि आखुथाइफोरखौ गासैखौबो सरजावफानानै माखासे गोरोबज्जलायनाय आखुथाइफोरखौ गाहायाव होलांनाय जाबाय।

- (i) गोजाम फावथाइफोरखौ उदां फोथाराव दिन्थिनाय जावोमोन।
- (ii) गोजाम फावथाइफोरा गोथां एबा सानबोलावरियारि जरिभिन (real or imaginary history) जौं आबुंमोन।
- (iii) गोजाम फावथाइयाव चक्रि (chorus) फोर मोसानाव आरो मेथाइ खन्नाइ दड'मोन।
- (iv) गोजाम फावथाइयाव बान्दा-बान्दि (clown) थायोमोन।
- (v) गोजाम फावथाइनि आखलफोरा बाहायनाय हाथियारफोरा थर'वाल-थुंग्रि, जं, सिखा-रुवाफोरानो गाहाइमोन।
- (vi) गोजाम फावथाइनि रिगुदामसानि मानसिफोरा सायनासालिथारावनो फारसेजौं जिरायनानै दामनाय-देनायफोरखौ खालामोमोन।
- (vii) बै फावथाइफोरनि हिन्जावफोरनि फावफोरखौ हौवाफोरानो खालामनायमोन।
- (viii) बै फावथाइफोरा बिलिफानिक्राय जागायनानै अखानायै सानजा फैसालियाव सान नुजाबोलायनायमोन एबा नडब्लाबो 7-8 रिगासो जायोमोन।
- (ix) बै फावथाइफोराव फावथाइनि आखुथाइफोरखौ बारा खोमा होवाब्लानो "रंजाबाजानि खराग" (mass entertainment) हिमाबै बाहायनाय जादोंमोन।
- (x) बै समनि नायग्राफोरा गामियारि सादा-बुसा जानायखाय फावथाइनि बाहायनाय रावफोरा गुरै सादा-बुसा, गामियारि रायज्जलायग्राजोबमोन।
- (xi) बै फावथाइफोरा जरिभिनारि जानायखाय फावगिरिफोरनि खसावफोरा राजा राणी एबा राजखुंगुरफोरनि जौंखोल--माखोलजोबमोन।
- (xii) लांदां फोथाराव दिन्थिनाय जानायखाय रावनिथो न'बांफोरखौ दिन्थिनो हानाय जावामोन।

गोजौआव दिन्थिनाय आखुथाइफोरखौ गुदि संनानै जौं गोजाम फावथाइखौ रोखा खालामनो हायौं। सिगाडव बुंनोनाय बादि 'गोदान फैसालि' ति लिरीनाय

मायथाइजें सिमा बोखाबथोब्ला गोजाम आरो गोदाननि फारगलाय-मोन्देर जाजोवगोन। मानोना 60-80 जौनि (Sixties-Eighties) गेजेरावबो गोजौनि आखुथाइफोरजें लिरनाय फावथाइफोर दड'। बेनिखायनो जौनि बर' फावथाइनि गोजाम गोदान बुखावनायनि राहाया मायथाइ नडब्लानो आखुथाइखौ लानानैसो जानांगौ।

गोजाम फावथाइनि गोबांहानो बांला फावथाइ एवा जाश्रानि गोहोम दड'। दारेन्द्रनाथ बसुमतारी, भबेन, उपेन, उमेच मोननि गोबां फावथाइफोरानो बांलानि थोंजों एवा साया लानानै लिरनाय।

जौनि जात्रा गावोनाव बँगलनि जात्रा गावोननि थोंजों आरो एंगारनो हावै गोहोम दड'। बे बिधिडव मन'रञ्जन लाहारिया बुंदों :

'19th Centure नि उनथिडें 20th Centure नि सिगा decades थिडें आसामनि नसुंसे बांला हादरआव जात्रा आरो थियेटारनि मरसुग जाब्ला बेनि गोहोमाबो ग'वालापार जिल्लानि बर' फोरनावबो नांफैयो। माखासे बर' अस्तादफोरा (गावन मास्टरफ्रा) बांला नाटकनिफ्राय बर'आव दानख'नानै गामि गामि जात्रा दोलो दावो आरो फोरोंनो हमो। सेंग्रा बैसोनि दारेन्द्र बसुमतारीआ कलिकतायाव थानानै बाडालि अस्तादनिफ्राय धुनफावथिना लिरनाय आरो नायजाव दैदिनाय (Dirction) नि सोमोन्दै सोलोंनानै फेदोंमोन (बर' धुनलाइनि जारिमिन, वि - 64)। वै समनि मुंदांखा अस्तादफोरा जादों सतीस चन्द्र बसुमतारी, द्वारेन्द्रनाथ बसुमतारी, मनिराम इसलारि, सला आस्ताद, बेरगाव ब्रह्म, द्वारेन्द्र उजिर, उपेन्द्र नारजारि, खर्गेश्वर मोसाहारी, गुनेश्वर मोसाहारी, मथुरा कान्त बसुमतारी, भवेन्द्र नारजारि, धानेश्वर नारजारि आरो गोबां।

वै समाव हौवाफोरनो हिन्जावफोरनि फावखौबो लानायमोन। बे Tradition खौ उखांनानै जायफोरो जाय फावथाइगिरिफोरा आइजो एवा हिन्जावफोरखौ सक्रि सालामदोंमोन एवा बाहागो लाहोदोंमोन- बिसोर बादि अस्तादफोरा सोंखारि जादोंमोन आरो हेंथाबो मोन्दोंमोन। बर' जात्रा गावोन एवा फावथाइवाव मोर अस्ताद हिन्जावफोरखौ बाहागो लाहोप्रोदोंमोन (Co-acting) बेखौ दा रोखायै चुंनो गोबाव। खोनानो मोन्दों-सेरफांगुरिनि उपेन्द्र नारजारीवानो बे हवाखौ सिगां मावप्रोदों। नाथाय त्रिथानि सिगांनो 1949-50 मायथाइयाव अस्ताद द्वारेन्द्र नाथ बसुमतारी आरो काली कुमार लाहारी मोनहा ब्रह्मपुर चैनारी नायजाव आफाद दानानै आइजोफोरखौ सक्रि महैर मोसाहोयो आरो फावबो लाहोयो। बानेसर बसुमतारी (पाटगाव) नि बादिब्ला दत'मानि स्वर्गेश्वर मुसाहारीया हिन्जावफोरखौ सिगांनो राजखुंग्रि महैर धिसनजेनदों। बर'आव जात्रा गावोना रोखाथारै माब्ला फेखौ बेखौ चुंनो गोबाव। 1919 मायथाइनि "बर' सात्र सन्मिलनी" नि जधुममायाव दिन्धिनाय सतीश चन्द्र बसुमतारीनि "नाला बुहा"खौ सोरबा सोरबो सिगांनोथार होननानै बुडेब्लाबो नाथाय बेयो दानस्तायनाय

आरो खौरां गासेसोमोन । बेनिखायनो मनिराम इसलारिनि 'हामफे' फाल्लाखौनो गिबि  
बर' जात्रा गावोन होननानै हमनानै लानाय जायो ।

### 3.4 गाम्बारि सिख्नानि आयदा (Theme of Gambari Sikhla) :

बे फावथाइनि गुबै आयदाया मोननै. सेथिया जादो मानसिया गावनि सोलो-  
बोलोजों देरनो नाजानाय आरो गुबुना अनज्जाय, फोथायज्जायनाय आरो खौसेथि ।

सेथि आयदायाव गोग्लैयो भुटाननि गोहोआ गाम्बारिनि राज्योखौ खेबसे  
नड खेबनै, खेबथाम गाहाम गाम्लोबनानै गावनि गोहो राज्योखौ फेहेरनो नाजानाय ।  
गाम्बारिनि राज्यो - ग'वालपारा राज्योनि गाहाइ खुंगिरिया गाम्बारियानो । बिनो  
हिन्जावब्लाबो गोहो - बोलोथै, सोलो-खौशलै आलो-गोजोनै राज्यो खुंबोगासिनो  
दड' । बिनो राज्योनि साहाथिनि सिमाया भुटान राज्योजों नांजाबनाय । भुटान राज्योआ  
गाम्बारिनि राज्योखौ गाम्लोबनाय । गावनि राज्यो आरो गोहोखौ फेहेरनो नाजागासिनो  
थायो ।

गारफा आरो खामफा मोनहा भुटान राजानि सानै सान्थि गाहाइ । बिसोर  
सानैनि दैदेननयावनो भुटाना हायेननि राज्योनि सायाव गाम्लोबनो थंखि लानानै  
ओंखारखलायबोयो । सिगां सिगां बिसोरो- जलपाइगुरि ओनसोलखौ (राज्योखौ)  
गाम्लोबगोयो । गावसोरनि मोदोम आरो तर'वालनि गोहोजों राज्यो फेहेरनाय दावहायाव  
बिसोरो - अन्थाय बिखा जायो । गाम्लोबजाग्रा राज्योनि फोरजाफोरनि सायाव बिसोरो  
गोबां खहा खालामो । न'-बां, धोन-सम्पति सावनानै होनायनि उनाव गोबां  
फोरजाफोरखौनो जिउ फोजोबदों । बिसोरनि अन्नाय गैथै गाम्लोबनायजों गोबां मानसिनि  
धोन- सम्पति आरो जिउ खहा जालांदों ।

बेनि उनाव गारफा आरो खामफा मोनहा सान्थि-फान्थि लानानै गाम्बारिनि  
राज्योनि सा-सोनाबजोंनि दरसे हाजोआव जिरायथ'यो । बेनिफ्रायनो गाम्बारिनि राज्योखौ  
गाम्लोबनायनि बायदिंसिना सोलोबोलोखौ खालामगोबाय थायो ।

गारफा आरो खामफा मोनहा सान्थि लानानै गाम्बारिनि ग'वालपारा राज्योखौ  
गाम्लोबो । फारनैनि गेजेराव गुवा-गुव दावहा जायो । गाम्बारिया गावनो आखाइयाव  
थुंगि लानानै गारफा आरो खामफा मोनहा दावहा नाडे । राणी गाम्बारिनि जोहोलाबजोंनि  
गोहो बोलोजों दावहा नांनायखौ नुनानै गुवुन सान्थिफोरा फाननै गोहो-बोलो लानानै  
दावहा नाडे । बे गिबिखेबनि दावहायाव गाम्बारिनि गोहोजों गारफा आरो खामफामोननि  
भुटानीज गोहोआ इनायै जेनलाडे ।

गिबि खेबनि नाजानायाव इनायै जेनलादोंब्लाबो नाथाय गारफा-खामफा  
मोननि हादोर फेहेरनो नाजानाया बाइयलाइखै । बबेखानि जेननायनि लाजिनाय आरो  
खिधेरजों बालांदांसो । गोहो-बोलोजों हायैनि दानिया गारफा- खामफा मोनहा सोलो

जिरायनानै गाम्बारिनि राज्योखौ गग्लोबनो आरो गिबि खेबनि जेननायनि खिथेर लानो सम आरो सुजुग नेबाय थायो। बे समाव गाम्बारिनि राज्योआव एका गेवालपारा राज्योआव बैसागु सौफैबायमोन।

बैसागु बोथोराव गाम्बारिनि राज्योआव राजा-फोरजा मन्थि-सान्थि बयबो गोसो-मोदोम होनानै बैसागु रंजायो, गावजो लोगोसे दुलाराय मुलुगखौनो बावगोमा लाङ्गे। बेनिखायनो बे रंजानाय बोथोरखौनो सनानि सुजुग हिसाबै लानो सानबाय-गारफा आरो खाम्फामोनहा।

बे खेबनि गग्लोबनायखौ जाफुंसार खालामनो थाखाय गारफा-खाम्फा मोनहा गाम्बारिनि सायाव संगालि थिसनबावबाय। गार्सेबो सम आरो सुजुगखौ नार्यात्राजरनानै बे खेबनि दावहायाव गाम्बारिखौ फेजेन गुबै फेजेननानै भुटाननि देरहायननायखौ गायसंनो बिसोरो जोबथा थांखियाव फैबाय। बे समावनो आरो मोनसे मोजो सुजुग बिसोरो मोनबावनायसै। गाम्बारिनि लेङ्गइ सान्थि गाहाइ मानसिङ्ग गाम्बारिनि जोबथे सान्थिनफाय सोलोजो खारगयो आरो भुटान सान्थिफोरजो लोगो जाहैयो।

गार्से गोहोजो बे सुजुगखौ गारफा-खाम्फा मोनहा आसिगुर गावगासंनो फेलें खालामाखिसै। जाय समाव गेवालपारानि गार्सेबोआनो लौनाय जानायजो बैसागु रंजानायाव मुखुब बे समावनो गारफा-खाम्फा मोनहा गाम्बारिनि राज्योखौ नैथिखेबनि थाखाय गग्लोबबावो।

नाथाय सान्नाय आरो फोथायनायनि उल्थायै बे खेबावबो गारफा-खाम्फा मोनहा गाम्बारिनि आखाइयाव जेनबावबाय। जेननानै आरोबाव फिरिगासे साहानि बवेबा हाजोआव आस्रय लाहैबावो। मानसिं फोथायखेबसनि हेकाजायाव भुटान सान्थिफोरा देरहागुबै देरहानायनि मिजिं लादोमोन।

नैथि खेबनि बे जेन्नायनि उनाव भुटान सान्थि गाहाइ गारफा-खाम्फामोनहा गाम्बारिखौ फेजेननायनि गोबां राहा नागिरो। फोथायखेबस' मानसिं गोरया गाम्बारिखौ फेजेननो हानायनि माखासे राहा बुंथियो। बे खानु एवा राहायानो जादो गाम्बारिनि गराइखौ बुथारगोनाय। सिगानि गोबां दावहाफोराव गाम्बारि देरहानायनि गुदिथानो जादो गाम्बारिनि दावहायाव गाखोग्रा गराइ।

थामथि आरो जोबथा खेबनि दावहायाव गाम्बारिनि सान्थि गाहाइ रुपसिङ्ग गारफा-खाम्फा मानसिमोननि आखाइयाव जिड गोमायो। रुपसिंखौ फेजेनखौनानै बिसोरनि गोहोआ गाम्बारिखौ होसोयो। गाम्बारिया गराइखौ दौननानै जाहोलावजोनि गोहोजो गारफाजो दावहा नाङ्गे। गाम्बारिनि गराइखौ बिसोर बुथारि आरो दावहायाव सिबाय गाम्बारिया गारफाजो दानहरजायो।

बिबिजोनी भुटान सान्थि गाहाइ गारफा-खाम्फामोनहा गाम्बारिखौ फेजेनो, बुथारो आरो गेवालपारा राज्योखौ गग्लोबो।

नैथि आयदाया जादो-- अनरुनायनाय, फोथायरुनायनाय आरो खौसेथि।

गवालपारानि रानी गाम्बारि सिखलाया अनज्जायनाय, फोथायज्जायनाय आरो खौसेथिनि गेजेरजों जै जै मै मै राज्यो खुंगासिनो दंमोन। बियो हिन्जाव जानानैब्लाबो हीवाफोरनिखुइ बांसिन गोहो लानानै गावनि राज्योखौ गोगोमै खुंगासिनो दंमोन। बियो बुजियोमोनदि हिन्जाव - हीवा खौसेयै अनलायनानै राज्यो जायोब्ला बायजोनि मोनबो गोहोआनो खहा खालामनो हाया।

गाम्बारि सिखला राज्यो खुंनावाव, राज्योखौ गोगोमै लाखिनायाव हिन्जावफोरनि गोनांधार बिबानखौ हांखायनायमोन। बियो बुनायमोनदि - ननि माइनाव हिन्जावफोरनि आखला अरायबो मोजां जानांगौ। हिन्जावफोरा दावहायाव तरवाल थुंघि दैनायनि अनगायैबो दानाय - लुनायफोरावबो आखा फाखा जानांगौ। सान्थि गाहाइ रुपसिंखौबो बियो फिसा बायदि अन्नाय आरो फोथायनायनि गेजेरजों राज्यो खुंनायनि हावायाव बाहायदोंमोन। अन्नायनो गाम्बारि सिखलानि राज्यो खुंनायनि गुदि हाथियारमोन। बे हाथियारजोंनो बियो - खेवनै दावहायाव गारफा-खाम्फा मोनखौ फेजेनहरदोंमोन।

नाथाय, बे अन्नायानो गाम्बारिनि मोनसे गिदिर सुथुर जानानै फैयो। गोथार थांखिजों सान्थि गाहाइ रुपसिंखौ अन्नायखौ लेइइ सान्थि गाहाइ मानसिइ गुबुन नोजोरजों नायो। गोथार अनज्जायनायाव मानसिइ मैला नुनो मोनो। बेखौ लानानैनो मानसिइ रुपसिं-गाम्बारि मोननि गेजेराव इनाय सोमोन्दो नुनो मोनो। गोसोजों नुनाय बे मैलाखौ गावनि खुगा आरो आखलजोंबो दिन्थिगुवैयो।

गिबिखेबनि भुटान गारलोबनायखौ होबधानो थाखाय गाम्बारिया रुपसिंखौ सोनाबहा आरो मानसिंखौ साहा थिनहरदों। बे दावहायाव रुपसिइ सुथुरफोरखौ होबधानानै थिनहरफिन्नो हादों। मानसिइ दावहा होनाइखै, मानोना बि बेंनाय फारसेथिं सुथुर हान्जाया हाबफैयाखैमोन।

बे दावहायाव देरहाखानायनि उनाव रानीनि साखाधियाव थानाय बिबार बागानाव रुपसिं आरो मानसिंनि गेजेराव गाम्बारिखौ लानानै दान्ये-बिदान्ये जायो। मानसिंनि बादिब्ला रुपसिं आरो गाम्बारिजों गेलेलायबाय थानोनो गावखौ साहाफारसे सिमायाव सुथुर बेंनो थिनहरफ्लादों। बे इनाय सानखोमानायजों लोगोसे गावनि दुथां गोसोखौ लानानै मानसिइ गाम्बारिजों रानीजोंनो दावहा नांवावो। रानीजों नांवाय बे दावहायाव मानसिइ जेनो। रानीया बिखौ खानानै जोबथेसालियाव जोबनानै दोनो।

नाथाय मानसिइ जैर दुथां बिबिदोनो सान्नाय आरो मावनायफोराबो सांग्रां आरो सिदानमोन। जोबथेसालियाव थानानै बियो बेनि खारगनायनि राहा नागिरबाय थायो। राहाखौ नागिरनानै मोनो। बेसागु जोथोराव रंजानाय समखालि नेग्राखौ बुरखासनानै मानसि गिदिर खालामगोन होननानै जेलनिफ्राय गाव खारगनायनि राहा खालामो। नेग्राया सानै नायग्राफोरखौ जै लोंहोयो।



बे सुजुगावनो मानसिंआ जोबथेसालिनिफ्राय खारखुमा लाडे आरो भुटान सान्धि गाहाइ गारफा आरो खाम्फामोनजों लोगो जाहैयो।

दुधां फोथायखेवस' मानसिंनि मददजों भुटान सान्धिफोरा गाम्बारोनि राज्योखौ खेवनै गाम्लोबो। गिबि खेबाव जेननानै उनावनियाव देरहायो। दावहायाव गाम्बारी, बिनिनो गराइ, सान्धि गाहाइ रुपसिं मोनहा बुथार जायो। राणी थैनायजों लोगोसे फावथाइयावो जोबो।

### 3.5 आखल दानाय (Characterisation) :

'गाम्बारी सिखला' फावथाइयाव गारसे 7 सा गाहाइ आखलफोर दं। बिसोर जादों- गाम्बारी, ग'वालपारा राज्योनि रानी, बिनि सान्धि गाहाइ रुपसिं, लेडाइ सान्धि गाहाइ मानसिं, गाम्बारिनि हिन्जाव सान्धि माइबारि, मेडवाराम भुटान सान्धि गाहाइ गारफा आरो खाम्फा।

बे फावथाइयाव जोहोलाव गैया, जोहोलावजोसो दं (No hero but heroine)। बे फावथाइनि हौवा गाहाइ आखुफोरा हिन्जाव गाहाइ आखु गाम्बारिनि साखाथियाव Minor Character जोब। गाम्बारियानो गाम्बारीबो मिरा-जिरो खालामदों। बेनिखायनो गाम्बारियानो बे फावथाइनि जोहोलाव एवा जोहोलावजो।

दुखुगोनां-जोहोलावजो गाम्बारिया (Tragic Heroine Gambari) ग'वालपारा राज्योनि खुंगिरि। रुपसिं, मानसिं, मायबारि मोनब्रादि सान्धि दैदेनगिरिफोरखों लानानै बियो गावनि राज्योखौ जै जै मै मैयै खुंगासिनो दंयोनि। बियो सासे diplomat बो। भुटान सान्धिफोरा गाम्बारिनि राज्योखौ गाम्लोबनो नागिरनाय समाव बियो सान्धि गाहाइ रुपसिंखौ राज्योनि सोनावहा आरो लेडाइ मानसिंखौ साहा भुटिया सान्धि गाहाइ रुपसिंखौ राज्योनि सोनावहा आरो लेडाइ मानसिंखौ साहा भुटिया सान्धि बेंथानो दैथाय हरदोंमोन। बेयो बिनि रौंग थिनि सिनायथि। मानोना रुपसिंखौ गोत्रावसिनाथि दैथायनानै - फोथायखेवस' मानसिंखौ गोत्राव गैयै राहाजों बेंथाहोनानै दावहायाव भुटियाफोरखौ फेजेननो हादोंमोन।

बियो बोलो-गोहोयावबो गेजेन नडै खुंगिरिमोन। भुटिया सान्धिफोरा गाम्बारिनि राज्योखौ बेंथाहोनानै दावहायाव भुटियाफोरखौ फेजेननो हादोंमोन।

बियो बोलो- गोहोआवबो गेजेन नडै खुंगिरिमोन। भुटिया सान्धिफोरा गाम्बारिनि राज्योखौ खेवथाम गाम्लोबदों, सिगांनि खेवनैयाव गोरलैयैनो जेनलांजोयदों। खेवफ्रोमबो दावहायाव गाम्बारिया गावनो हाथियार दैनानै दावहायाव बाहागो लादों। भुटिया सान्धि गाहाइ गारफा आरो खाम्फा मोनखौ गोरलै नाजानायजोंनो फेजेनहरदों। थामथि दावहायावसो गावनि गराइखौ गोमाजानानै एवा बुथारजानानै गारफाजों फेजेनजायो आरो दानथार जायो। हारसिंनि गोहोजों गाम्बारिया गारफा, खम्पा आरो गोबां भुटिया

सान्निधोरनि जाशायनाय गोहोजें दावहा होनांनायावसो सिबाय गाम्बारिया गारफाजें दानहर जादों आरो धैलानांदों। नडब्ला हारसिं हारसिं नांताय दावहायाव गाम्बारिखौ फेजेननो हानाय मोनसेबो गोहो गैयामोन।

सानगोथे गोसोनि गोसोनि फोशायखेबस' मानसिंजों दावहा होनांनै मानसिंखौ बियो फेजेनदों आरो जोबथेनांनै दोनदों। फोशायखेबस' गाजि गोसोनि मानसिंखौ बियो इनायनि साजा होयो।

देहानि बोलोजें लोमोसे गाम्बारिहा गोसोनिबो बोलो दड'मोन। बिनि सान्नाय आरो मावनायफोरा हादोरखौ लानानै आरो फोजा फिसाफोरखौ लानानै। बे गोथार सान्नाय आरो मावनायफोरनि थाखायनो गासैबो फोरजा आरो सान्निधोरा बिखौ मोजां मोनो आरो मानियो? खैफोदनि समाव गासैबो राज्यो-राजा आरो सान्निधोरा गाम्बारिखौ मदद होनो सिगां बोयो आरो दावहायाव बाहागो लायो। थारै सानग्रा आरो मावग्रा रुपसिंखौ बियो फिसा बादि अन्नायमोन। बेखौनो नाथाय मानसिंख गाजियै नोजोर होदों आरो गाम्बारिनि बिहारु जादों।

गाम्बारि खिखलाया सासे गाहाम खुंगिरिल' नडमोन, बियो समाज फोसाबगिरि आरो दैदेनगिरिबोमोन। मोनसे हारिया जौगाखां माहारि हिसाबे थानानै थानोब्ला खौसेथियाव थानांगौ होनांनै बियो बुंबाय थानायमोन। लोमोसे गावबा गाव हारिनि दानाय-तुनाय, गान्नाय-जोमनायावबो आखा-फाखा जानांगौ। बेनिखायनो बुंनो हायोदि बिथाड सासे हादोर खुंगिरि, हारिमु फोथांगिरि, समाज फोसाबगिरि, धोरोननि सुंथांगिरि आरो दावहाह जोलोलावजोमोन।

बियो बे फावथाइनि हिन्जाव गाहाइ आखलल' नड, नाथाय गासै फावथाइनिनो गाहाइ आखुमोन। बेनिखायनो फावथाइगिरिनि फावथाइनि मुंखौ बिनि मुंजों 'गाम्बारि सिखला' दोन्नाया गोरोबदों।

रुपसिंख गाम्बारि सिखलानि सान्निध गाहाइ। बियो गोथार गोसोजें थार हावा मानग्रा सान्निध गाहाइ। बियो राज्यो खुंगिरि गाम्बारिनि फोशाय जाधाव सान्निध गाहाइ। गावनि मोजां गोसो आरो हावा मावनायनि थाखायनो रुपसिंख गाम्बारिजों जोबोद अनजानायमोन। सानैनि गेजेराव गोसो आरो हावा मावनायनि गोरोबज्जायनाय दड'मोन। भुटियाफोरा गाम्बारिनि राज्योखौ गार्लोबनाय समाव भुटियाफोरखौ फेजेननायाव रुपसिंआनो गाहाइ बिबानखौ रुजुनदोंमोन। रुपसिंख सासे आखा-फाखा सान्निध गाहाइल' नडोमोन, बियो बिबान रुजुनग्रा सान्निध गाहाइबोमोन।

नाथाय थाम्मथ आरो जोबथा खेबनि गार्लोबनायखौ रुपसिंख होवथानो हायाखिसै। बियो बे दावहायाव जिउ खोमानाडे। बिनि हादोर, राणी गाम्बारि आरो फोर्जाफोरखौ मोजां मोन्नाया बेवहायनो धुंगियो। रुपसिंख जिउ गोमायो।

रुपसिंख इनायखौ लाय होग्राबो नड, सहायनानै थग्राबो नड। गार्वनि सान्निध लोमो मानसिंख गावखौ गाम्बारिजों इनायै बांसावनायखौ सहायनो हायाखै।

आरो हाथैनिनो बियो मानसिंजों दावहा नाडे। जानो हागौ बे जुजिलायनायखौ गाम्बारिया होबथा फैया मोनब्ला रुपसिंआ मानसिंखौ फेजेन गुवे फेजेनगौमोन। थामथि आरो जोबथा भुटिया-गाम्बारिनि गेजेराव जानाय दावहायाव मानसिमोनहा गोबां जानायखाव रुपसिंज जेननांदों।

मानसिंज रुपसिंनि उनाव गाम्बारिनि नैथि सान्थि गाहाइ। बियो गोहो गोलोनदां, थिफुद्ला, गुबुननि भोजांखौ सहायनो हाथै बिहारु गोसोनि आखलमोन। बियो बे फावथाइनि Villain. बिनि सान्नाय आरो हावा मावनायफेरा Villainous जोब। गाम्बारि आरो रुपसिंनि गेजेराव हादोर खुंगिरि आरो सान्थि गाहाइनि सोमोन्दोंजों अनज्तायनायखौ सहायनो हायाखैमोन। मोनसारु गोसोजों बियो गुबुनफोरखौ नोजोर होनायमोन। बेनिखायनो गाम्बारि-रुपसिमोननि गेजेराव इनाय सोमोन्दो दं होननानै बुंदोंमोन।

मानसिंज सासे अखा गोसोनि सान्थिबोमोन। सासे सान्थि जानानै नंखाय दाव हमनानै सान्थि गाहाइ रुपसिंजों दावहा होसे होननै हादोर खुंगिरि गाम्बारिजोंबे दावहानानो नागाराखैमोन। गाम्बारिजों गोहोनि जुजिलायनायाव मानसिंज जेनो आरो जोबथेसालियाव जोबनानै दोनहै जायो। अक्तासिमबो बिनि गोसो आरो आखला सोलायाखै। अदेवानि गात्रियासो बांसिनदों। जोबथेसालियाव थानानै बियो नोग्राखों बुरखायनानै बैसागोनि सानसेखालिनि जाफुनाय-लौफुनायाव खारखुमानो हायो। बेनि उनाव भुटिया सान्थि गाहाइ गारफा आरो खाम्फा मोनजों गाम्बारिनि हेंथायै आखल हमज्ताय हैयो। बिनि मदद आरो सोद सोलोजोंनो भुटिया सान्थिफेरा गाम्बारिखों बुथारो गेवालापारा राज्योखौ सेनो हायो।

मानसिंज सासे villain हिसाबै नडख्लाबो सासे Antagonist हिसाबै भोजांखै सोरजि जादों। बियो सासे नंखरनि सुधुरमोन। गाम्बारिखों गाव मोननो लुबैनानै मोनैयानो गाम्बारि आरो रुपसिंनि सुधुर जानायनि गुबै जाहोनमोन। गाम्बारि आरो रुपसिंखौ फेजेननाय आरो बुथारनायासो बिनि सेथि आरो जोबथा लुबैनायमोन।

भुटिया सान्थि गाहाइ आरो लेइइ सान्थि गाहाइ गारफा आरो खाम्फामोननि आखल दानायाबो गाहाम जादों। बिसोर सानैजों सासेयानो। फावथाइनि गुबै आखल (Protagonist) गाम्बारि आरो बिनि सान्थि गाहाइ रुपसिं मोननि उल्या गांहीआव गारफा-खाम्फामोननि नाजाथावनाय गोसोनि थोलोआ गोरोवफनेदों।

गारफा-खाम्फा मोनहा लोगोआव गोबां सान्थि हान्जा लाफानानै गाम्बारिनि राज्यो गेवालापाराखौ गारलोबनो फैयो। लामायाव जलपाइगुरि राज्योआव फोरजाफेरनि सायाव गोबां अत्यासार खालामबोयो। बे बादि फोजोबसाइरि गोरा गोसोंजों बिसोरो गाम्बारिनि राज्योखौ गारलोबो, नाथाय रुपसिं, गाम्बारि मोननि आखा फाखा दावहा होनायाव आरो गुबुन सान्थिफेरेनि नाजनायजों बिसोरो जेनलानाडे। गिबि खेबनि

दावहायाव जेनदोंब्लाबो बिसोरो भुटानाव खारलाडब्लानो हाजोआव थाखोमाथ'नानै सम आरो सुजुग नेबाय थायो।

सुजुगखौ बिसोरो बारा गोबाव नेनाइखै। सानगोथे मानसिङ खौशल बाहायनानै जोबथेसालिनिक्राय खारनो। लामायाव भुटिया सान्त्रिफोरजों हमजायो। उनाव गारफा- खाम्फा मोनजों लोगो जाफानानै गाम्बनानै गाम्बारि आरो मानसिमोननि सायाव खिथेर लानो सुजुग लायो। मानसिंनि मददजों भुटिया सान्त्रिफोरा गाम्बारिनि राण्योखौ नैथिखेबनि थाखाय गार्लोबो। नाथाय बे गार्लोबनायवबो बिसोरो जेनबोबावयो। अब्लाबो गारफा- खाम्फा मोनहा नाजाथाबनायखौ एंगाराखै। हाजो खर' आव खारखो लानानै आरोबाव सोलो नागिरबावो। गाम्बारिखौ फेजेननायनि सिंनि सोलोखौ मानसिंनिक्राय मिथिनो मोनो। बे सोलोखौ लाननैनो बिसोरो-थामथि खेब गार्लोबबावो। मोनखानाय सोलोजों बिसोरो गाम्बारिनि गराइखौ बुथारो, बे खेबनि दावहायाव रूपसिङबो बुथारजायो आरो गाम्बारियाबो बुथारजायो।

मानसि बुथारगलुनानै राण्यो सेग्रा गारफा-खाम्फा मोनहा अन्थाइ बिखाजोव नइ। गाम्बारिखौ बुथारनानै ग'वालपार राण्यो सेनायसिमअन्नाय गैयै अन्थाइ बिखाब्लाबो नाथाय गोथै गाम्बारिखौ बास्वनायनायनानै खाम्फानि बुनाय रावफोरा गावसोरनि फारसे थानाय गाजि सान्नायखौ गुरै खानामो। आगदा आखाइजों अन्थाइ बिखाब्लाबो आगसि आखाइजों बिसोर अनसुला।

गारफा-खाम्फा मोनहा थार हाबानि थार सान्त्रि दैदेनगिफोर। गले-गले जेननानैबो बिसोरनि गोसो आरो हाबिलायाव जेन्नाय फैयाखैमोन। गाम्बारि बादि गोहो गोरा राण्यो खुगिरिखौ फेजेननो गारफा-खाम्फा मोननि नाजाथाबनाया गोरोबफ्लेदों, बेनिखायनो बिसोरखौ सोरजिनाया फेलें जायाखै।

जथायनानै बुनो थाडेब्ला फावथाइगिरिनि आखल सोरजिनाया गाहाम जादों। नांगी नांगी आखलफोरखौल' सोरजिनाय जादों। आग्लायनाय आखल रावखौबो सोरजिनाय जायाखै। साफ्रोमबो आखलानो जिड गोनां बादि (Life-like characters) जादों।

### 3.6 फावथाइनि थुनलाइयारि गोनांथि (Literary Importance of the Drama):

'गाम्बारि सिखला' फावथाइहा बर' फावथाइयारि थुनलाइ आरो बर' थुनलाइयाव माखासे गोनांथि दइ'। बेनि गोनांथिफोरा जादों :

- i) बर' फावथाइनि जौगानाय।
- ii) बर' जारिमिनारि फावथाइ।
- iii) राव बाहायनाय आरो।

iv) दुखु गोनां आखल गाम्बारिखौ महरहोनाया।

i) बर' फावथाइनि जौगानाय :- बे फावथाइखौ लिरनाय मायथाइखौ रोखायै बुनो हायाक्लावो हमनानै लानो 1958-62 मायथाइनि गेजेराव लिरदों। मानोना लिरगिरिनि धुनलाइ सोरजिनायनि समा 1945 मायथाइनिफ्राय (48 बीसोरनिफ्राय) जागायजेनदों। बै मायथाइयावनो बिथाइ 'गाम्बारि सिख्ला'खौ लिरनाया बर' फावथाइनि जौगानायखौ दिन्धिदों। मानोना, बै समाव (कमल कुमार ब्रह्मनि अनगायै) जाश्चा गावोन खौल'सो लिरनाय जादोंमोन आरो दिन्धिनाय जादोंमोन। बे फावथाइहा Mass entertainment जों लोगोसे Literary Quality बो दंदेरफायो। गुबुन फारसे बे फावथाइखौ फावथाइ आरो जाश्चा गावोननि सरजावनाय हौनानै बंनो हायो। बेहा मोननैनिबो आखुथाइ दड'। मोननैबो रोखोमनि सायनायालियाव बे फावथाइखौ दिन्धिनी हागौ।

बै समावनो गोबां फावथाइगिरिफोरा गुबुन रावनि- जेरै :- बंगली-फावथाइफोरनि दाहार लानानै एवा आबुडै दानस्लायनानैसो फावथाइ लिरनायमोन। नाथाय "गाम्बारि सिख्ला" आ बेनिफ्राय उदां जादों।

ii) "गाम्बारि सिख्ला" फावथाइया दोंसे जारिमिनारि जाथाइनि सायाव लिरजानाय फावथाइ। गाम्बारि सिख्लाया जारिमिनारि आखुथाइ, बिनि भुटियाफोरजों नानाय दावहाफोरबो जारिमिनारि। बे जारिमिनखौ फावथाइगिरिया धुनलाइसोरजिनायनि गेजेरजों लिरफामफिनो। बे फावथाइनि गेजेरजों भुटान आरो बर'फोरजों जाफलेबाय थानाय दावहा, कछारि दुवारफोरनि सोमोन्दो गोसो छांफिनो हायो

iii) राव बाहायनाय :- "गाम्बारि सिख्ला" फावथाइयाव बाहायनाय रावा नोजोरव गोग्लैथाव। बे फावथाइयाव बाहायनाय रावनि फानव्रैनि फानसेयानो गंचालपार (दुधनै) ओनसोलारि राव (dialect)। गोबां सोदोबफोरखौ बै ओनसोलारि रावनि मोनो आरो बाश्चा दानाय फोराबो बे रावसनिनी। बेनि गेजेरजों बर' रावखौ फेहेरनाय जादों। बेनिखायनो राव बाहायनायखौ लानानै बे फावथाइया गोयां बेसेन दड'।

iv) बे फावथाइनि गाहाइ आखला जादों गाम्बारि सिख्ला। बियां मासे दुखु गोनां आखल। बिहा देहायाव दड'मोन - गोहो-बोले, गोसोआव दड'मोन हादोर आरो फोरजा अनफावरि गोरबो, थांखियाव दड'मोन - गावखौ बाबनानैक्लावो सुथुरखौ फेजेननाय आरो फोथायनायाव दड'मोन अनलायनाय। नाथाय चि आइजोआ गात्रि गोसोनि मानसिनि फाव फान्दायनायाव भुटिया सान्धिफोरनि आखाइयाव थैलाडे आरो जेनो।

गुदिनफ्राय बिजौसिम- गाम्बारिनि सान्नाय-मावनायफोरा बास्वनाय जाथाव, नायग्रा -फरायग्राफोरजों लोगोसे बिजिरग्राफोरनि नोजोराव गनायजाथाव जादों। गाम्बारि धैनाया वयखौबो दुखु होदों। गाम्बारि सिख्लाया बे फावथाइनिल' नडा, गासे बर' फावथाइनि सासे मोजां सोरजि जादों।

### 3.7 सार बहागो (Summary) :

अनिराम बसुमतारीनि "गाम्बारि सिख्ला" फावथाइया गांसे जारिमिनारि फावथाइ। बे फावथाइया गाम्बारि सिख्लानि बर' राज्योआ (गलफार राज्यो) भुटियाफोरनि गाम्लोबनायाव जोबसांलांनः खौ लानानै जोनोम जादों। सानसे समनि जै-जै मै-मै राज्यो खुंनाय गाम्बारिनि राज्योआ लेडर सान्नि गहाइ मानसिनि फाव फान्दायनायाव भुटिया सान्नि गारफा आरो खाम्फा मोननि आखाइयाव जेननाडे आरो दुखु गोनाडै बुधार जायो।

खौरां गासे नुगासे (I-I) एबा बालाबसे नायगासेयाव हाजोआरि भुटिया सान्निफोरा खाम्फा आरो गारफानि दैदेन्नायाव राज्यो गाम्लोबनो थांखि लानानै हायेन फारसे ओंखारख्लायबोयो। होयेनाव आगान होफैनानैनो बिसोरो जलपाइगुरि ओनसोलखौ गाम्लोबो। जलपाइगुरि हालामाव थानाय फोरजाफोरजों लोगोसे बै जायगानि बर' फोरजाफोरबो भुटिया सान्निफोरनि बुधारनाय-सुधारनायनि बुलि जानाडे। गोबां बर'फोरानो गाम्लोबनायनि इनाय-अनागारखौ सहायनो हावैनि न'-बां गारनानै खारनांगौ जायो।

I-II आव मेठवा बोराइ मुनि सासे मानसिया दोंसे दैमा सेरनि लिं लिं लामाजों थाबाय लांदों। बे थाबायलानायजों बियो गाम्बारि सिख्लानि राज्यो आरो बिनि गोहो- बोलोनि सोमोन्दै फोरमायनानै होयो। बिनि फोरमायथिनायनिफ्राय गाम्बारि सिख्लाखौ सासे आरजा-फाखा आइजो राज्यो खुंग्रा होन्नानै खोनानो मोनो। मेठवा बोराइ थांखांबला माखासे मैगं खानाय सिख्लाफोरा सुखु-दुखुनि मेथाइ रोजाबै रोजाबै मोसायो।

I-III आव गाम्बारि सिख्लाया गावनि राज आफादाव जिरायनानै राज्यो खुंनायनि मोजां-गांजिखौ रायज्जायो। साखाथियाव बिजों जिरायफादों माइबारि, रुपसिं आरो मानसिं सान्नि गहाइफोर। बे रायज्जायनायावनो भुटियाफोरजों बर' राज्यो गाम्लोबनो हायेनाव बाग्लायबोनाय खौरांखौबो सावारायफानाय जायो। गाम्बारि सिख्लाया गाम्लोबग्रा भुटियाफोरखौ होबथानानै फोजेननो थाखाय दावहानि थाख-थियारि जायो। राज्यो सेग्रा भुटिया सान्निफोरखौ होबथानो थाखाय साहाथिं मानसिं आरो सोन्नाबथिं रुपसिंखौ बिबान होनाय जायो। गावको माइबारि मोनवादि गोबां आइजोफोरखौ लानानै जेरैबां धाम थियारि जानानै थायो।

I-IV आव सानर्मि सान्ध्रिनि गोसो सिंनि गुबै महरै बेरखाडे । बियो सासे मोनसारु गोसोनि सान्ध्रि । सान्ध्रि गाहाइ लोगो रुपसिनि सायाव बिहा मेगन सानाय दड' आरो गाम्बारिनि सायाव रागा दड' । बियो सानोदि गाम्बारिया रुपसिंखौ अनखलयो, रुपसिंखो गाम्बारिजो अनजासिनो थाखाय राहा लायो ।

I-V आव गारफा आरो खाम्फा मोनहा हाजो खाधियाव गाम्बारिनि राज्योखौ गालोबनायनि diplomacy खालामबाय थायो । बिसोरनि नोजोरावला बर'फोरहा गावजो गाव खासेधियाव थाज्जायनो हाया, बेनिखायनो गाम्बारिनि राज्योखौ गालोबनाने सेनाने लानो बिसोरनो बारा गोत्राव जानाय नड ।

II-I आव गाम्बारिया गावनि सिखला लोगोफोरखौ लानाने राज्यो बेनान, हारि दानायाव हिन्जावफोरनि गेनांथार बिबाननि सायाव गाहाम बिबुंथि होयो । बर'खो अराइ गोजो हारि आरो उदां हारि हिसाबे लाखिनो थाखाय हिन्जावफोरा जेरावयो आखा-फाखा आरो साखा-फारा जानाया गोनो होन्नाने गाम्बारिया बुडो । बे समावनो रुपसिं सान्ध्रि गाहाइ बर' राज्यो (गवालपारा) आव भुटियाफोर हावफैनाय गात्रि खौरांखौ खिन्थाफैयो । बयबो दावहायाव बाहागो लानो ओंखारलाडे ।

II-II आव भुटिया सान्ध्रिफोर- गारफा, खाम्फा मोनहा गमामायेनो गाम्बारिनि राज्योखौ गालोबो । गाम्बारि आरो रुपसिं मोनहा बिसोरजो गुवा गुव दावहा नाडे । दावहायाव गाम्बारि आरो रुपसिं मोनहा भुटियाफोरखौ फेजेन हरो । भुटिया सान्ध्रिफोराबो जेननाने खारखोमालाडे । बे दावहायाव देरहानायनि थाखाय गाम्बारिया सान्ध्रि गाहाइ रुपसिनो अननाय आरो साबायखर होयो ।

ओजो गाम्बारिजो थिनहरजानाय बादियै मानसिख बादायावनो दड' । मोनसारु गोसोजो गाम्बारिनि सायाव जाल्ला लाबोनो थाखाय बियो मेउवा चोराइन गेजेरजो गाम्बारिनि राज्योखौ गालोबनायनि बायदि-बायला राहा खिन्था हरयोमोन । मानसिनि गोसोआ भुटियाफोर जेननायजो जेनफादो आरो गात्रिबो मोनदो ।

II-V आव दावहायाव देरहानायनि थाखाय गाम्बारिनि नोत्राव जये जिरायलायो आरो रंजालायो । बे दावहायाव देरहानायनि इजोदखो गाम्बारिया बर' हिन्जावफोरनि सायावबो होयो । बेनिखायनो हारिनि गाहाम आरो खौरोथिखो लाखिंथाय थानो थाखाय साफ्रोम हिन्जावफोरखौनो थारगुबै बिमानि बिबान रुजुनो खावलायो । बेनि उनाव मेथाइ रोजाथ लायनाने मोसायो ।

III-I आव मानसिनि मोनसा मोन्नाय आरो अगेन गोसोआ संखायेनो आखलाव बेरखाडे । बे समाव सान्ध्रि गाहाइ रुपसिख बिबार बारिनि सेरजो बरायगलानाय असिलाजोनो रानी गाम्बारि सिखलानि जोहोलावजोनि गुण आरो गोहोखो वाखलायो । थिख बे समावनो सिमा बेनो नागरयोनाने मानसिख रुपसिंखो नायखोमाफैयो । थिनजानाय हावखो मावनो गारनाने मानोथो राज अन्दराव फेफिनखो होन्नाने रुपसिंआ सोनायाव मानसिख गात्रिये होयो । बियो वुनो सानोदि रानीथा गावखो सिमा बेनो थिनहरनाने

गावसोरहा (गाम्बारि आरो रुपसिं) अनज्जायलायबाय थादों एवा गोसो थोलायबाय थादों। मानसिंनि बाभ्राखी सहायनो हायैनि थाखाय रुपसिंइ मानसिंखी थुंगिजों दानहरो। रुपसिं आरो मानसिंनि गेजेराव दावहा जायो।

वे समाव गाम्बारिया बिबार बारियावनो बेरायगासिनो दड'मोन। सान्धि गाहाइ सानै बुलायनायखी नुहरनानै बियो हाखु-दाखु खारबोयो आरो बुलायनायखी होबथाफैयो। दावहानि जाहोखी सौंनानै मिथिनो मोनबायदि-मानसिंइनो दायनिगिरि। गावनि दायखी सिमान जायाब्लानो गाम्बारिजोंसो दावहा होबावो थिफुद्ला मानसिंइ। दावहायाव मानसिंइ जेनो आरो जेबथेसालियाव जोवनानै दोनजायो।

III-III आव गाम्बारिया राज्योनि मोनसे गिदिर खेराइ खुडे। वे खेराइयाव दौदिनिजों लोगोसे हिन्जाव-हौवा बयबो मोसाफायो। मेउवा बोराइया अजानि मन्ध्रजों दौदिनिखी ओलोगि खांहोयो। माइनाव थिखांनायनि सिगां राज्योनि खाफालनि सोमोन्दै बाइदिसिना सौंथि दौदिनिनाव सौंनाय जायो। दौदिनिया खिन्थायो दि न'नि मानसिया एन्जर जानानै गाम्बारि आरो राज्योखी खैफोदाव खोख्लैगोन।

बेनि उनाव मेथाइ रोजाबनायनि गेजेरजों माइनाव थिखांनाय जायो।

ओजोंहाय सिगांनि दावहायाव गात्रियै जेनलानाय भुटिया सान्धि गाहाइफोर गारफा आरो खाम्फा मोनहा जेनायनि खिथेरजों गाम्बारिनि राइजो गालोबफिनो सम आरो सुजुग नेबाय थायो। बेवहायनो बिसोर गाम्बारिनि राज्यो खुंनाय आरो बर'फोरनि खीसेथिनि सायाव Analysis खालामबाय थायो।

बैसागो सौफेनोसै। वे समावनो गाम्बारिनि दैदेन्नायाव हिन्जावफोरनि दानाय-लुनायनि मुखुव नुनो मोनो। सोरबा जि दादों, सोरबा जेन्धेराव खुन्दुं थुनदों, सोरबा सोरखियाव। वे मुखुव खामानि मावनायनि गेजेरावनो सिख्लाफोर गोसो गोजोनसिननायनि मेथाइ रोजाबनानै मोसाबायो। वे समावनो गाम्बारिया हाबफेनानै बर' हिन्जावफोरनि आखा-फाखाखी बाख्नायो आरो दानाय-लुनायनि गेजेरजों हरिमु लाखिनो बयखीवो खावलायो। गाम्बारिनि खावलायनायाव सिख्लाफोर दोसे मोथाइ रोजाबबावनानै मोसायो। बेनि उनाव बैसागोनि बाइदि हाबा मावनो ओंखारलाडे।

बालाव त्रै नायगासे (IV-I) आव मानसिं सान्धिखी अग्र एवा जोबथेसालि सिंइव नुनो मोनो। दायनिगिरि होननानै गोहोनि जुजिनायाव जेनखांनानै अग्रइव जोबजानानैब्लावो मानसिंनि गोगगा गोसोआ रुइलाडाखी। अदेवानि बियो वे जेबजानायनिफ्राय खारगोनानै गाम्बारि आरो रुपसिंनि सायाव फिन साजा होफिननोसो राहा नागिरबाय थायो। बियो नेप्राखी गोरा खालामनो होनफ्लायो आरो गाव खारग' - नायनि राहा खालामनो बुडे।

गाम्बारिनि न'। बैसागो रंजानायनि मुखुव। रुपसिं, मेउवा आरो गोबां रंग्रा सिख्लाफोरानो खाम-सिफुनि देखोजों रोजावो आरो मोसायो। वे बादि रंजानायनि



गेजेरजों गोजाम बोसोरखीं बिदाय हरो आरो गोदाननखीं चरायो। बेनि गेजेरावने नाथाय नेग्राया नायग्राफोरखीं जीं फेहोजोबो आरो हर गेजेराव मानसिंखीं अग्र सिनिफ्राय खारग होयो। जेबथेसालिनिफ्राय खारगनानै हर खोमसिनि गेजेराव मानसिइ खारखुमालाडे। लामायाव भुटिया सान्थिफोरजों हमजायो।

फुंबिलिनि गोजोन बारजों बिबार बारियाव बेरायदों गाम्बारि सिखलाया। गोसोआ बिमा भोजां नड। मोनायाव गात्रि मोनसे सिमां नुदों। दायनिगिरि मानसिनि सायाव बिसारखीं थाबैनो खुंनो होननानै बुडे। नाथाय बे समावनो राज अन्दराव खैफोदिनि घन्टि गाबो। रुपसिइ फैनानै खिन्थाफैयो जे थानाव हर गेजेराव अग्र सिनि मानसिइ खारखुमा लांवाय। रुपसिं, मेउवा बोराइमोनहा मानसिइ हासो लाडे।

IV-V आव बबेबा हाजो गुदियाव गारफा आरो खाम्फा मोनहा दावहानि थाग थियारि खालामनानै थायो। गाम्बारिनि राज आफादसिम संगालि धिनहरनाय मानसिफोर फौफिननायखीं नेगासिनो दड। बिसोर बुंदों दि- बे खेन्वाववला गाम्बारिनि रान्खोखीं गार्लोबनानै फेजेनगुबै थारगोन आरो बयखींबो बोरमा दानथारनाय बादि दानथार जोबगोन। बे समावनो भुटिया सान्थिफोरा मानसिंखीं खानानै लाबोगासिनो दड।

गारफा आरो खाम्फा मोनहा सिगानि बै दावहायाव गावसोरखीं फेजेनहरनाय गाम्बारिनि सान्थिया मानसिइनो साननानै बिखीं साजा होनो नागिरो। नाथाय मानसिइ बै सान्थिया गावदि नडमोन बेखीं बुंधियो। बै सान्थिआ रुपसिमोमोन होननानै बुडे। बेवहायनो गाम्बारिजों गावनि गात्रि सोमोन्दोखीं खिन्थायो। गाम्बारिनि सायाव गावनि खियेरखीं मावफुंनो थाखाय भुटिया सान्थिफोरजों लोगो जाफायो। गारफा खाम्फा आरो मानसिं मोनहा गाम्बारिनि हँथायै दावहा नांनो खींसे जायो।

बालाव गाबा नायगासे (V-1) आव बैसागो रंजानाय सम। बयबो मानसिफोरानो खाम-सिफुंनि दँखोजों रोजाबै-रोजाबै मोसादों। बिन्दिनो हादुंगोरया गावनि न'आव जीं फेनानै आवनाय गासिनो दं। बियो गावनि गोहोखीं लानानै गोगगा। बे समावनो बिनि न'आव सेंग्रा-सिखलाफोरनि हान्जाफोरा हावफैयो, मेथाइ खनो आरो मोसाफैयो। जैरेबो-जौरावबो खाम-सिफुंनि दँखो, रंजानाय आरो गोरसानाय। बे रंजाफुनाय समावनो नाथाय गाम्बारिनि जिउआव बरनि राज्योआव खैफोदा साग्लोवफैयो।

गामि गामि भुटियाफोरनि गार्लोबनाय, अगु सावनाय, बर फोरजाफोरनि आलावरि- बिलावरि गाबनाय।

भुटिया सान्थिफोर गारफा आरो खाम्फा मोनहा बरफेरखीं जाल्लायाव खोख्लौनो हानानै, बिसोरनि गाबनाय मोदैखीं नुनानै हाजासे रंजायो। बिसोरजों लोगोआव दंफायो मानसिं सान्थि। गोबां सान्थिफोरा हाथेरजों दावहा नाडे। गाम्बारियाबो आखाइयाव हाथेर लानानै दावहा नाडे। गोबां भुटिया सान्थिफोरखीं फेजेनो।

रुपसिद्धाबो आखाइयाव हाथेर लानानै राज्यो रैखा खालामनो गिलु-बालु गोहो लानानै दावहायाव बारसोमो । फरसेजों दडं गाम्बारि-रुपसिं, गुबुनजों दडं गारफा-खाम्फा आरो मानसिं फोथायखेबस' । थै-थां जुजिनाय बे दावहायाव भुटियाफोरा आरोबाव खेबसेबाव जेनबावो ।

बे दान्दिसे देरहानायनि उनाव राणी गाम्बारिया बयखौबो साघाडै थानो हुसियारि होयो । जौ लौनानै रावखौबो थानो होवाखै ।

V-IV आव जेनलानाय भुटिया सान्धिफोर आरो मानसिमोनहा दोंसे देमा सेराव आस्रय लाहैयो । बेवहायनो बिसोरो गाम्बारिखौ फेजेन्नायनि राहाखौ मानसिंनाव सोडे । भुटियाफोरजों बर' फोरजाफोरा इनाय-जाल्ला खालामजानायखौ नाथाय मानसिद्धाबो सहायनो हायाखै । मानसिंनि रागा आरो खिधेरा गाम्बारि सिख्ला आरो रुपसिंनि सायावल' । औरैजाय नाथाय गारफा खाम्फा मोनहा मानसिंनि सायावबो फोथायनो गोब्राव जावाय । गाम्बारिनि गराइखौ बुथारब्लानो गाम्बारिया गोहो गैथे जागोन आरो बिनि गोहो रुइनायानो भुटियाफोरनि देरहानाय होननानै मानसिद्ध राहा खिन्थायो ।

बे राहाखौ लानानैनो भुटियाफोरा सिरिगासेबाव गागलोबो । रुपसिं-मानसिंनि गेजेराव थै-थां दावहा जायो । खाम्फानि गोहो मोनदेरनानै मानसिद्ध रुपसिंखौ सुयो । थामथि खेबनि बे दावहायाव रुपसिद्ध जेनो आरो थैलाडे । मेठवा बोराइयाबो सुथार जायो ; साफा साफा बुथारनो हानानै गारफा-खाम्फा मोनहा देरहानायनि मिनिगलाबो । बिसोरनि मिनिगलाबनायखौ होबथानो गाम्बारिया हाबबोयो । गाम्बारिया दावहा नाडे, मानसिंनि सोलोजों भुटिया सान्धिफोरा गाम्बारिनि गराइखौ बुथारो । गाम्बारिया होसो लाडे । गाम्बारि आरो गारफानि गेजेराव दावहा जायो । दावहायाव गाम्बारिया गारफाजों दानजायो । गाम्बारिया थैयो ।

गोथे गाम्बारिनि सोलो-बोलोखौ सुथुरब्लानो गारफाया गनायदों । गाम्बारिनि गोहो-बोलोआ अराय बाख्वाय जाथाव होननानै बुंदों । गुबुन भुटिया सान्धिफोरजों दावहा नांनय दावहारु बर' सिख्लाफोरा गाम्बारिखौ मदद होनो आरो रैखा खालामनो खारबोयो, नाथाय जिठ गैथे गोथे देहाखौसो नुफैयो ।

भुटिया सान्धिफोरा देरहानायनि होसिखावनायजों थावनिखौ नागार लाडे । हान्जा-हान्जा बर' सेंग्रा-सिख्लाफोरा हाथेर लानानै खारबोयो । गोथे गाम्बारिखौ नुनानै बयबो दुखु मोनो । बिनि गोहो-बोलोखौ बयबो गनायो, मानियो आरो अराय गोसोखंवाय थागोन होननानै बुडे ।

गाम्बारिनि गोहो-बोलोखौ मान होनानैनो बिसोरो बयबो मेथाइ रोजाबो । बिबिदोनो गाम्बारिनि थैनायजों 'गाम्बारि सिख्ला' फावथाइया थुंगेयो ।

### 3.8 सोदोबधि (Glossary) :-

'गाम्बारि सिख्ला' फावथाइयाव बाहाय जानाय माखासे Glossary फोरखी गाहायाव होलांनाय जाबाय। बेवहाय बाहायजानाय वै Glossary फोरा 'गंवालपारिया रावसा' (Goalparia Dialect) होननानै बाहागो मोनथाव।

सोदोब	सोदोबति	नुगा
धुना दाइसे	धुना सावनाय गंसे	आफाद गाग्रोनाय लाइजाम
बिथाइ	फिथाइ	"
बाउगोन	खुलुमगोन	"
हाइमी लोगो	दे हाय लोगो	"
बालाबसे	खौरां गसे (Act-I)	I-I
नायगासे	नुगासे (Scene-I)	"
आन्थासे	दखरसे, ओनसोल मोनसे	"
बाखोर	फोथार	"
हादाब	राज्यो, हादोद	"
बुथारश्चनानै	बुथार जोबनानै	"
भुटियानि मुलुग	भुटियानि राज्यो	"
गोगोम खा	गोहो गोरा	"
बड़खौं देरहागासिनो दं	बड़खौं फेजेनगासिनो दं	"
एब्राउ	वे बाराव, वे खेबाव	"
सिनस्राइखाउयो	हज्रिखाउयो -	"
मात्रे जारिगोन गोरा आफा	माजानो हासिगौ आफा	"
सेथर - सेना	सेरखाव - बेरखाव	"
आउ साउ	बोदोर-बावलि जानाय	"
गलफारा	गंवालपारा	"
दाबु	दैसा सेर एवा बोहि	I-II
गांगासिला दाउ	जाथोसे दाउ	"
यावाथा	जायान्ला था	"
अम्फा	होगक्ला	"
लौंहानि	बिसोरहानि	"

आरिया	हारि एबा थाखो	"
धुखुसेनो	खेबसेयैनो	"
धुखुसेनो	खेबसेयैनो	"
आलथुया	उदायै	"
फैरौ	फैदो	"
मैगन	मैगं	"
खेबखा	खेरखा (मैगं खादा)	"
मैलाम	गुवार	"
धुरौ	धुदो	"
जोग्लावरी	जाथोसे मैगं	"
मेल	मिटि जाग्र/Assemble House)	I-III
मासि	फारसे	"
दुखु दाथिनि	दुखु दाहानि	"
यिजौंबो	जौरैबो	"
चदबनांगोन	फेजेननांगोन	"
गिरि	खुंगिरि एबा बिगोमा	"
नांद्रायगौ	नांसिनगौ	"
स्वोनाबामासि	सोनाब फारसे	"
थरासे	हान्जासे	"
गतनौ	रोखायैनो	"
जालाय जाखाय	हालाय-हाफाय	"
धुगु	बादि	I-IV
सैंग्रा गोदान धुगु	सैंग्रा गोदान बादि	"
बिजामासि	बेधिं	"
गुल्लाव	गुदि बिजौ	"
मुंसे	गुवुन	"
दालाम	फैलाव	I-V
अन्धा	ओनसोलाव	"
थरा गावखातनाँ	हान्जा गावसानाँ	"

इंखरनि आधि धुगु	इंखोरनि आधिबादि	११
दाउहानि फाउ	दाबहानांनायनि आदब	११-१
रोनसोन्दि मोसानाय	खेराइनि मोनसे मोसानाय	११
गिरौबारौ	गिलु बालु	११
जथाय है	खौसे खालाम है	११
माझाय जेउया	सबाय गोरान	११
राइखुआ	गोहोया	११-११
राइथु	शासन	११
रुइनो होनायनडा	गोहो रौये जानाय नडा	११
नीनारी	फोरजाफोर	११
खलान्दा	दौबा	११-११
खामखौ	खामाख्या	११
हि	जि/सि	११-११
बागसा	वागान/वारि	११
एरे	बादि	११-११
गामाखौ	गमामा	११
मा खालि	माबला	११
मुंसे	गुबुन/आलादा	११
हुखथायदों	हालस्थयदों	११
इग्रं	दन्दर / जोबथेसालि	११
द'बा	दै द'बा थानाय/बोहैनो रंटे	११
	अखाहादै जमा जानाय	
जोम- जोम	जुगुरुब - जुगुरुब	११
सेबस' -सेबसा	चुरलु-चुरला नागिरनय	११
बार' गोर	गोनजिने गामिनि गावबुसानदेहेनगिरि	११
मारै हामलायगोन	माबोरै गाहाम जालाकगोन	११
बिजासो	बिथिंसो	११
थाफ्राय-गासेनो	आग्राय थाला फुवाराने चुनाय	११

बाथी फां	सिजौ बिफां	III-III
आरि	जोलै/माहारि	"
फाइखिफोर	सान्धिफोर	"
आयलें	(आयलें) बाथी राजानि फारिया	"
आग्रा	बाथी राजानि सान्धि गाहाइ	"
खाजि	बाथी राजानि मन्धि	"
ब्राली	(बोलिं बुरै) मुलि आरो मन्धिनि	"
	मोदाइजो	
खैला	बाथी राजानि थान्दै	"
जफिनश्रयो	जाफिनजोबो	"
फैगौखालि	गाबोन	"
थाफना	बावनो थाखाय एसे हा गोजौ खालामनानै लिरनाय जायगा	
नेउथाय	दाड नाथा	"
उगा	दाड नाथा फिसा	"
दर्जाय	जोबोद	"
रोंगो-रोंगो	हाइला हुइला	III-V
बंभ्रमानि जोलै	बांभ्रमा एम्फौ । दंफां खुरग्रा एम्फौ	"
दाधि	रोखा	IV-I
खाफा-खैफां	बेरेखा-बेरेखि	IV-II
निसान	फिरफिला	"
थिलाय मोसानाय	सिं फदव फदव, गिदिं- गिदिं मोसानाय	
जालाय जाखाय	गोदाव सोराव	IV-II
धामा खुलि	जौनि फुखि एबा दामोल	"
असे	थार / सैधो	"
आवनायनाय	गोब्रामनाय	V-I
जंग गुरि	दाबरवागुदि	"
धांधिं	सागिद	V-III
एम्फौ	एगाव	"

बुन्दै	गाइखेर	“
हासार जलायगोन	मेलेम गोनां जागोन	“
आब्रि	आथा-सिथा / एंब्रा आब्रा	V-V
खौरां बिजाव	जारिमिन	“

### नोंनि रौनायखौं आनजाद ला (Check your progress) :-

1. 'गाम्बारि सिख्ना' फावथाइखौं दोसे दुखु गोनां फावथाइ (Tragic play) हिसाबे सावराय।
2. गाम्बारि सिख्नाखौं सासे दुखु गोनां आखल (Tragic character) हिसाबे बिजिर।
3. भुटान सानथ्रि गाहाइफोरनि गाम्बारिनि राख्यो गार्लोबनायनि सोमोन्दै सावराय।
4. 'गाम्बारि सिख्ना' फावथाइनि आयदा (Theme) खौं बिजिर।
5. 'गाम्बारि सिख्ना' फावथाइयाव बाहायनाय रावनि सायाव नोंनि बिजिरनायखौं लिर।
6. 'गाम्बारि सिख्ना' फावथाइनि आखल दानायनि सोमोन्दै सावरायनाय हो।
7. मानसिनि आखलखौं सावराय।
8. जात्रा गावन एबा लांदां गावननि सायनासालिनि सायाव मोनसे सावरायनाय हो।
9. जात्रा गावन एबा लांदां गाननि आखुथाइनि सोमोन्दै लिर।

### 3.9 हेफाजाव बिजावफोर (Reference Books) :

डॉ बर अनिल, बाहालि जात्रा गावन आरो बर जात्रा गावन मोनसे मुंद सावरायनाय- मानस बिसम्बि, 45थि बोसोरारि जथुम्मा, बर थुनलाइ आफाद, केराबनोगोर, क'कलाबारि, बागसा बि.टि.सि.

बसुमतारि इन्द्र, सानबोलावरि- धामथि बिसान, 2003, ईशान मोसाहारि गोसोखां सान फालिथाइ फोरबो, क'क्राझार कलेज।

बर मधुराम, जारिमिननि नोजोराव बर थुनलाइ (1988) गुवाहाटी मुलुग सोलौंसालि।

लाहारी मनरेन्जन, बर थुनलाइनि जारिमिन।

o o o

## Block-II / Unit-1

### सानबोलावरि फावथाइ / Imaginary Drama

### फावथाइनि उन नु<sup>०</sup> / Background of the Drama

#### 2.1 बेखेवनाय (Introduction) :-

फावथाइया जादों जिउनि बाइदिसिना जाथाइफोरखौ दिन्थिनाय। नाथाय, जिउनि गासिबो जाथाइफ्रा फावथाइनि आयदा नछ। जिउनि माखासे गोनां गोनां जाथाइफोरखौल' सालखिनानै फावथाइयाव दिन्थिफिनाय जायो। मोनसे बाभ्राजों बुंजायो दि- फावथाइया जिउनि मोनसे नकल an imitation of life. फावथाइखौ रनसायो फावथाइगिरि एबा लिरगिरिया। फावथाइयाव थायो-1. सल' 2. आखलफोर, 3. हाबा (action), 4. रायज्जायनाय (dialogue) आरो 5. जिउनि सानसि (human philosophy)। बेफोरनि अनागायैबो थायो मेधाइ आरो बाजोना: जायखौ इराजीयाव बुडे music ।

फावथाइखौ गाहाइयै रनसायनाय जायो नायग्राफोरखौ गोजोन होनो थाखाय। फरायनो थाखायबो फावथाइखौ लिरनाय जायो। फावथाइयाव मोननै बिधिं थायो- (1) खोनासंनाय आरो (2) नुनाय। खोमाजों खोनासडे। आरो मेगनजों नुयो।

अदेबानि फावथाइखौ लिरनाय जायो stage ओव दिन्थिनानै गोजोन होनो थाखाय। बेनि ख्रायनो फावथाइया मोजां मोनहोनायनि खराग a mode of entertainment.

#### 1.2 थांखि (Objective) :-

फावथाइनि गाहाइ थांखियानो जादों नायग्राफोरखौ रंजाहोनाय। जायखौ इराजीयाव बुडे entertainment. फावथाइनि आरो मोनसे थांखिया जादों फरायग्राफोरनो फरायनो खराग होनाय। सिगां फावथाइखौ Stageआव दिन्थिनो थाखाय रनसायनाय जादोंमोन। अथिखालाव फावथाइखौ मोननै थांखियाव रनसायनाय जायो - (1) दिन्थिनो आरो (2) फरायनो।

मोगथां जिउनि बाइदिसिना जाथाइखौ जैरे घटियो एबा घटिदों - बेखौ नकल खालामनानै फावथाइयाव दिखानाय जायो। सुबुनि जिउआव दुखु-दाहा गावनाय मिनिनाय दानलाय-मुलाय, हिंसा-हिंसि-हेंथा-हेंथि दं आरो जायो। जिउआव धांना थानो थाखाय दावहा जां मोगा-मोगि जानानाय दं आरो जिउनि दावहायाव सोरबाया



देरहायो आरो सोरबाबा जेनो । जिउनि गामिबो खुथि-नाथिखौ फावथाइयाव दिन्धिनाय जाया । माखासे गोनां गोनां जाथाइ फोरखौल' फावथाइयाव दिन्धिनाय जायो ।

बेनि अनगायैबो जिउनि सानथी आरो सानमिखौ फावथाइयाव दिन्धिनाय जायो । जाथाइनि गेजेरजो जिउनि खुथि-नाथि जाथाइफोरखौ सालिख' सुलिख' नायनाने मोनसे सानथी फोरमायो फावथाइगिरिया । फावथाइनि थांखिया रंजानाय खराग एवा गोजोन होनायल' नड । गोसोनि मैला, गात्रि सान्नाय-हनायखौ सुझानाय । बेखौ इराजोयाव pursing बुनाय जायो । बेनि ओथिया to cleanse एवा to purify । Tragedy नि गिलुफालु जाथाइखौ नुनाने नायग्रोफोरा गिनाय सोमजियो । लोगो लोगो सान्नाय फैखाडे- बिदि दाय खालाम नाड । दाय खालामक्ला गावनो साजा भोनो । प्रीक ट्रेजेडिनि थांखियाबो बेनो गोसोखौ सुझानाय ।

वाइदिसिना फाव-फेसन खालामनाने फेरला आखला (humour character) नायग्राफोरखौ मिनि होनाने गाव गावनि दुखु-जाल्लाखौ बाकगोमा होयो । बेबो फावथाइनि मोनसे थांखि । ट्रेजेदियावबो गिलु-फालु जाथाइनि उनाव एवा गेजेर गेजेर comic relief थायो । बेबो फावथाइनि मोनसे थांखि । गिदिर गिदिर ट्रेजेदियाव comic relief थायो ।

सुंथाबै बिखौनो बुंजायो दि - फावथाइयाव सुबुं जिउनि सावगांरिखौ वेरखौ होनायानो फावथाइनि गाहाइ थांखि । फावथाइनि गेजेरजोनो जिउनि वाइदिसिना जाथाइ, जेंथा- जेथो, दान्नाय-सुनाय, नांलाय-खमलायखौ नकल खालामो । लोगो लोगो नायग्राफोरखौबो रंजाहोयो, गोजोन होवा ।

बर' फावथाइ एवा नायजाबनि थांखियाबो बेनो । फावथाइनि थांखिया mass entertainment ।

### 1.3 फावथाइनि फुंखा :

सरसन्सायै फावथाइनि फुंखाया माहारियानो । गुवारै बेखेवनाने नायक्ला फुंखाया गावबा गाव हारिनि जाथाइफोरनिफावबो फेयो । हारिनि आरो माहारिनि जाथाइफोरनो फावथाइ रनसायनो फुंखा आरो थुलुंगा होयो । बेनि अनगायैबो फावथाइगिरिया गावनि सानबोलावरिजो फावथाइ रनसायनो थुलुंगा मोनो । राइजोफोरनो मात्रा दिन्धिताने रंजानाय खराग होनो फावथाइगिरिखौ नारसिनो ।

बर' फावथाइनि फुंखाया बांला नाटक । माखासे बर' लिरगिरिजोरा माखासे बांला फावथाइनि बर'आव राव दानस्लायनाने गावनि महर आरो गाव होनाने रनसाय फिनो । बेनिफ्राय नायथाव थाव, खोनासंथाव थाव आरो खहाव गोनां खालामो, सायनासालियाव राइजोफोरनो दिन्धियो । बर' नायजाव सम्राट दरिन्द्र नाथ वसुमातारीया कलिकतायाव दानथामसो थाहैनाने नायजाव रनसायनार्थिनि ट्रेनि लाहैदोमोन । बर'

फावथाइनि फुंखाया जारिमिनि history)। जारिमिननि माखासे गिदिर गिदिर जाथाइफोरखी बिथा खालामनानै फावथाइ रनसायनाया गोबां दं। जैरे-राजा नीलाम्बर, राजा इरागदाउ, सनानी माइबां, सोमदोन, जोहोलाउ दैमालु, जाडलिया देवान, गाम्ब्यारि सिख्ला आरो बाइदि बाइदि।

मुलुगनि देरसिन फावथाइगिरि William Shakespeare वा गावनि फावथाइनि फुंखाखौ लादोंमोन- Holinshad's Cronicles आरो Plutarch नि 'Lives' of Romans नि फ्राय। बेनि अनगायैबो गुबुन फुंखा एबा नि जाथाइफोरखी बिथा खालामनानै गावनि मुंदाखा Tragedies, Comedies, tragic-comedies सनसायदों। सेरखाय बेरखाय थानाय Materials खी खनथुमनानै, सरजाबनानै, जथायनानै आरो सुजुनानै गांफा-गांफा आवुं फावथाइ बियो फावथाइ रनसायदोंमोन। जैरे, Hamlet, Macbeth, King Lear, Henry-IV, Julius Caesar, Antony and Cleopatra, The Merchant of Veniece, Rome and Juliet आरो बाइदि बाइदि।

ग्रीक फावथाइगिरि Seneca, Sophocles, Euripides मोननि फावथाइनि फुंखाया ग्रीक जारिमिन आरो ग्रीक मोदाइ-दाउदाय। बिदिनो ग्रीक tragedians मोना ग्रीक एबा रमनि गिलु-फालु, दावहा आरो जारिमिनारि जाथाइफोरनि सायाव बिथा (base) खालामनानै मुलुग मुंदाखा फावथाइ रनसायदोंमोन। ग्रीक फावथाइ गिरिमोननि मोनसे गिदिर फुंखायनो जादों Mount Olympus हाजोआव थानाय ग्रीक मोदाइ-दाउदाय। बिसारेखो सिबिनाय असिला लानानै ग्रीक फावथाइ जोनोम जादों।

#### 1.4 बर' फावथाइनि सायाव गुबुन फावथाइनि गोहोम :

बर' फावथाइनि सायाव गुबुन फावथाइनि गोहोमा गोगोम आरो रोखायै गोगलैदों। सतीस चन्द्र बसुमतारी, दारेन्द्र नाथ बसुमतारी, मनिराम इसलारी आरो गुबुन गुबुन बर' फावथाइगिरिनि फावथाइयाव गोहोम गोगलैनायखौ रोखायै नुनो मोनो। 18th जोगाथाइनि उन थिडै आरो 19th जोगाथाइनि सिगां बाहागोआव सोनाव बांलायाव नाट्य जागरन जायो। बांला जात्रा गान आरो बांला थियेटरनि जोनोम मोनो कलिकतायाव। बांला नाटक नि दोहोयाबो वैइ समनि गेवालपारायाव सफैदों।

बांला गान नि गोहोमा सतीस बसुमतारीनि फावथाइफ्राव सिगां गोगलैदों। बांला नाटक निफ्राय बर' राव सोलायनाय बिनि फावथाइफ्रा जादों- (1) दोरसोन जोहोलाउ, (2) नाथफिन जायै, बिखानि अर। सतीस चन्द्र बसुमतारीया नायजाव लिरदोंमोनब्लाबो गाव नायजाव दिन्धिग्रा नडामोन। बियो सिगां बांला जात्रा गाननि गासिबो नांगौ नांगौ बिधिं फोरखौ बर' फावथाइयाव थिसनदोंमोन जैरे-

1. सुखि (Chorus girls) :
2. राजा, महा राजा, रानी, राजकुंरी, गोरु गाहाइ, सान्नि गाहाइ बाइदि बाइदि आखलफोरनि (Characters) खसाब (गाननाय-जोमनाय)
3. रायज्जायनाय (dialogue)
4. खौरां (Act) आरो नुगासे, नगानै (Scene) रान्नाय।
5. Stage direction होनाय।
6. Prompting खालामनाय।
7. Concert दामनाय।

दारेन्द्र नाथ बसुमतारीनि नायजाबफ्राव बांला 'जात्रा गान' नि बांसिन गोहोम गोलेदों। बियो कलिकतायाव दानथामसो थाहैनानै नायजाब लिरनायनि ट्रेनिं लाहैदोंमोन। बांला नाटकनि गोहोमा बिनि नायजाबफ्राव गोगोमै गोहोम गोलेदों। 'बांला नाटक' निफ्राय बर' राव सोलायनाय फावथाइ (नायजाब) फ्रा जाबाय-

1. राजा नीलाम्बर।
2. सुखारु दुखारु
3. बिमा बाधुल
4. सित्रांगदा।
5. निहारी।
6. दानेक राजा।

'राजा नीलाम्बर' खी नायजाबगिरिया बंकिम चन्द्र सेटार्जीनि बांला नाटक आरो प्रसनन लाल चौधुरी नि असमीया नाटकनिफ्राय बर' राव दानस्तायदों। बिनि नायजाबफ्रा गासिबो बांला model नि

मनिराम इसलारी नि नायजाब 'बांला नाटक'नि गोहोमखी रोखायै नुनो मोनो। जैरे

1. बिमा बाधुल।
2. मेवार कुमारी
3. निपति।
4. बासस्पति मित्र।
5. दाय मुक्ति।
6. राज पुजा।

भवेन फोरोंगिरिनि गासिबो फावथाइया 'बांला नाटक'नि बर'आव राव

सोलायनाय । बिनि गसिबो नायजाबा गोथौ सानथौ आरो सानग्रि गोनां । आखलफ्रा (characters) मोनफा मोनफा धोरोम एबा सानथौनि बिबुंधि गिरि । बिंदि फावथाइखौ allegorical बुझे । बिनि नायजाबफोरखौ गाहायाव होनाय जाबाय ।

बर' नायजाब	नायजाब बिथा
1. दैमाली	जलेर मेये ।
2. अखां गोदान	नब स्वर्ग ।
3. फोजोबनाय मोदाइ	ध्वंसेर देवता ।
4. हिन्जाडनि गोदो	रनसन्दि ।
5. फाफनि बाहागो	कर्मेर फल ।
6. हाजारी हिन्जाड	पाहारेर मेये ।
7. औबनि फाड	अनन्त महात्म्य ।

गसिबो बर' फावथाइयाव गुबुन फावथाइनि गोहोम गोगलैयाखै । गोबां बर' फावथाइयानो लिरगिरिफोरनि गाव गावनि सोरजिनाय । बर' फावथाइनि आयदा (subject matter) फ्रा बर हारि, बर' माहारी आरो बर' जारिमिननि लानाय । खायसे फावथाइफ्रा मोगथां आरो सानबोलाउरि रनसायनाय । 1960 निफ्राय बर' फावथाइया बर' हारि आरो बर' माहारिनि जाथाइफोरनि सायाव फसंनानै लिरनाय फावथाइ । जैर कमल कुमार ब्रस्मनि गोदान फैसालि, हरवादि खोमसि, मिमांनि सिमां । मन रेन्जन लाहारीनि आनारी, हांमां हांसा बाइदि बाइदि ।

### 1.5 सार बाहागो (Summary) :

फावथाइया जिउनि जाथाइफोरखौ दिन्थियो । सायमेनासालियाव एबा धियेदार हलाव दिन्थिनायखौ नायजाब बुझ । फावथाइखौ राइजोफोरनी लिरनायतो जायो । चे गोजोन होनायनि मोनसे बिजो (mode of entertainment) । फावथाइखौ फरायनोबो लिरनाय जायो । थैवबो गाहायै दिन्थिनोसो लिरनाय जायो । फावथाइया गाहाइयै मोन्ने रोखोमनि : (1) समाजरि फावथाइ, (2) जारिमिनारि फावथाइ । फावथाइया मोनथाम महरनि दं (1) खौरां गाबा, (2) खौरां गाथाम आरो (3) खौरां गासे ।

'बांला नाटक' नि model लानानै एबा राव सोलायनानै माखासे बर' नायजाबगिरिया नायजाब लिरदोमोनब्लाबो माखासे । बर' हारिनि जोहोलाउफोरखौ लानानै रनसायनाय फावथाइबो दं । बर' फावथाइया बर' थुनलाइनि मोनसे गोनां दालाइ । आधिखाल गोनेखोआरि (science and technology) मुगायावबो बर' फावथाइनि साहिदा गैयाब्लाबो बेनि बेसेना जामाखै । बर' नायजाब सोरिजिनायबो थावथायाखै आरो थाबथानायबो नड ।

### 1.6 सोदोबधि (Glossary) :

1. फावथाइ, धुनफावथिना। बेखी नायजाबबो बुडे ।
2. खीरों act, नुगा scene, 3. रायज्जायनाय dialogue, 4. हाबां action
5. tragedy दुखु दाहा, दानथारनाय सुथारनाय फावथाइ। 6. comedy फावथाइनि जोबनायाब मिल एबा गोरब हैनाय 6. Tragic-Comedy दुखु-दाहाबो दं, मिल जाहेनायबो दं। 7. आखलफोर characters 8. सानथी सानसि philosophy
9. देलाय बाजोना कनसार्ट music 10. खसाब भावरियाफोर गान्नाय-जोमनाय।
11. मोनथाम गोरबथा three unities समनि गोरबथा, हाबानि गोरबथा आरी थावननि गोरबथा।

### हेफाजाब बिजाब (Reference Books) :

1. W. H. Hudson : A Study of Literature
2. M. R. Lahory : भावथिना सानथी ।
3. M. R. Lahory ; बर' धुनलाइनि जारिमिन ।

### Suggested Readings :

1. Alardice Nicoll : (a) World Drama  
(b) An Introduction to Dramatic Theory.  
(c) The Theory of Drama.
2. Dr. Sadhan Kr. Bhattacharya : नाटक लेखार पुलसुत्र।
3. T. S. Eliot : Drama and Play
4. Addison : Modern English Drama..

\*\*\*

## Block-II / Unit-2

### अबंनि फाव

### भबेन फोरोंगिरि

### (Obongni phao & Bhaben Phwrwnggiri)

#### 2.1 बेखेवनाय (Introduction) :-

“अबंनि फाव” आ गांसे दिन्थिफुं नायजाव। बेयाव गासै बालाबबा (बालाबगाबा) दं। बालाबगासेयाव दिन्थिगाबा, बालाबगानैयाव जखायसे दिन्थिगानै, बालाबगाथामाव जखायसे दिन्थिगाथाम, बालाबगाबैयाव दिन्थि जखायनै आरो बालाबगाबायाव जखायसे दिन्थि गाथाम दं।

गोजाम थाखोनि (पौरानिक) बे फावथाइखौ बोद्लानानै नायोब्ला सान्थिफुरि हादोरनि राजा सितांफानि सायाव अबंनि गेलेनाय फावखौ नुनो मोनो। जुगनि (मुगानि) गुस्लायसुला आखुजों लोगोसे सुबुं समाजा सैथौ आरो धोरोमखौ नेवसिनानै असैथो आरो अधोरोमनि फासे आगान सुरलांगासिनो दं - सुरलांगांगौ - बेनो दाफर जुगनि थिन्नाय। सैथौ जुगाव जेरै सैथोनि जै जादोंमोन थामहिनबा बयबो मानसिया सैथोजों सोलिदोंमोन, थिग बिब्दिनो दिनैनि दाफर जुगाव जुगनि राजा दाफराबो असैथो आरो अधोरोमजों सोलिनांगौ होन्नानै बुंदों। थोंजोडै बुनो थाडोब्ला सैथो-धोरोमजों अरीथो-अधोरोमनि जुजिलायनायखौ फावथिनागिरि बिथाड गेवलाडै फोरमायनो नाजादों।

बे रोखोमनि असैथो, इनाय अनागारजों साग्लोबजानानै सान्थिफुरिनि राजा सितांफाया जोबोद दुखु जारला गोल्नैनांदों आरो बिथांनि राजा उलाफादा एबा नखरा थेर बेथेर जानांदोंमोन। उनाव नाथाय सैथोनि जै जाहैनायसै। थामहिनबा राजा सितांफानि जै जाहैनायसै। फावथाइगिरि बिथाड गुबैयै सैथो-धोरोम आरो असैथो-अधोरोमनि जुजिलायनायाव सैथो धोरोमादि अराय जै जायो बेखौनो रोखायै फोरमायनो नाजादों।

#### 1.2 थांखि (Objective) :

“अबंनि फाव” बे नायजावखौ (फावथाइ) फरायनो सुबिदा होनायजों लोगोसे बेनि बोसोन - सोलोथाइ एबा गिवानफोरखौ होनायानो बे unit नि गुबै थांखि। बे unit खौ फरायोब्ला गाहायाव होनाय खोथाफोरखौ मिथिनो हागोन।

(क) अबंनि (गैसाइनि) फावखौ बुजिनो हागोन।

- (ख) सुबुं समाज असैथो-अधोरोमनि गादबनायाव बेसेबां हालांखार जानाडे बेखी बुजिनो हागोन।
- (ग) अबंनि सोमोगोनां बिफाव (role) खीं नुनो मोनगोन।
- (घ) सैथो - धोरोम आरो असैथो-अधोरोमनि जुजिलायनायखीं नुनो मोनगोन, बुजिनो हागोन।
- (ङ) असैथो आरो अधोरोमनि दान्दिजोर (temporary) देरहानायखीं नुनो मोनगोन।
- (च) असैथोजेँ थावायग्रा अनागारिफोरखीं फेँनो नाजानायखीं नुनो मोनगोन।

### 2.3 अबंनि फाव आरो बर'फावथाइ (Obongni phao & Boro drama):-

“अबंनि फाव” आ गांसे आबुं फावथाइ (full length drama)। बालाबगाबानि बे फावथाइया गोजाम थाखोनि। बेनि सल'लिं (plot), जाथाइ आरो आखुथाइफोरखीं नायोब्ला बेयो जाथोसे सोमोगोनांथावना आखुनि फावथाइ (mythological) ब्लाबो नाथाय allegorical (रूपक) थाखोनिसे बादि नुसिनो। अबडा गावनो गुबुन रुप महर (अन्जालु मुडे) लानाने गावनि खोथाखीं बोरै फालिनांगौ सैथो-धोरोमजेँ बोरै सोलिनांगौ बेखीं गावनो बुंधिदों।

इशोरा सुबुंजेँ नुजानाय, मेगन एखल जानायखीं मेगन होब्रबनाने फाहामनाय एबा मेगन नुहोफिन्नाय, जिउ होब्रबनायफोरखीं दिनेनि सुबुड फोथाया एबा वेफोर मोगथाडव जाथावथाव नडा। नाथाय वेफोरबादि जाथाइखींनि बे फावथाइनि गेजेरजेँ दिन्धिदों - अबंनि फाव हिसाबे।

“अबंनि फाव” बे फावथाइनि सल'आ सुंद'ये एरैबायदि :- सान्धिफुरि हादोरनि राजा सितांफाया सासे अबं फुजिग्रा, सैथो दोहोरोमनि लामाजेँ हान्धिग्रा गोमो गोथार आरो गेबे गोसोनि मानसि। अबंखी सिबिनाय, अन्नाय-मोजां मोन्नाया बिथानि गुबै दोहोरोम (परम धर्म)। बेबादि गोरा गोसोनि राजाखीं गावनि आधि सिडव लाने नाजानाया मुगानि राजा दाफरनि थांखि। बेनिखायनो राजा दाफरा सान्धिफुरि हादोरनि सितांफा राजाखीं फाफनि अगेन लामाजेँ हान्धिहोनो नाजायो। गमामायैनो गानसेखलि सितांफा राजानि राज अन्दराव फेनाने राजाखीं गावनि थिन्नाय बादिदे अबं फुजिनायखीं गारनाने अगेननि लामाजेँ आगान सुरनो थिनो। गनायकनै लाथिलाय सितांफा राजाखीं हुमखि होसे होनाने जुगुमनाने थाले। बेनि थिग एसे उनाव सोरबां हादरनि राजा मुसेंफाया सान्धिफुरि हादोरखीं गाएलोबो। नाथाय सान्धिफुरिनि सान्धि गाहाय बेरेनजेँ दावहायाव जेन्नानाने खारलांफिन्नाडे।

बेनि उनाव सितांफा राजाया मैहराव थाले। गुबुन फारसेधिंजाय दाफर राजानि सोलो बादिदे गावनि बिसिगि बाउन्दोड मुहुनि मुनि महर गोसा जिरखेनाय

सिख्ला सासेखीं हाग्रायाव धिनहरनायसै। जैरे सान्नाय एरे खामानि-हायना गोनां मुहुनिया थोजासे मुहुनि सारफावनानै सान्थिफुरि राजा सितांफाखीं बरायनायसै। रानि गदाय हिसाबे जुलि लालायसै। मुहुनिनि सान्नाया जाफुनायनि लामायाव फैनायसै।

लोगो लोगो गावनि लुबैनाय बादियै सैथो-धोरोमजों सोलिग्रा आरो अबं फुजिग्रा राजानि गोसोखीं गुस्लायहोनो हानायसै। राजा सितांफाया अबंखीं गावजिनो बावगारनायसै। मुहुनिया राजखुंगुर अमरखीं मेगन एख्लनानै खाना खालामनायसै। रानि खैफोद, फिसाज्ता अमर मोनखीं एन दान्दालि हाग्रायाव होखार हरनायसै। सान्थिफुरि हादोराव हालांखार जानायसै। मुहुनिया गावनि गोसो बादियै मोनसेनि उनाव मोनसे फोजोबझांनानायनि लामा लानायसै।

मुहुनिनि फाव फान्दायनाय आरो धिन्नायावनो सान्थिफुरि हादोरनि गोरा गाहाइ खुनजुखिखीं दाय गैया-फोदो गैया जोबथेसालियाव जोबथेनानै जिउ फोजोबनायसै। उनाव सान्थि गाहाइ बेरेननो मुहुनिया गावनि मोजां मोन्नायखीं जासियो। अबं फोथायग्रा, सैथो दोहोरोमजों सोलिग्रा बेरेनाखि बेबादि हाबायाव आखाइ होयो ? गैया बेरेना मुहुनिनि बिदि रावखीं सहायनो हायाखैसै आरो राजि जायाखैसै। बे खावुवावनो सुथा नागिरनाय मोसा बुन्दि बादि रानि गदाय मुहुनिया खिधेर होखारनायनि सोलो मोन्नायसै - राजा सितांफानो उल्थायै एरना होनायसै। नालिस होनायसै।

राजानि आजोला बिफाव आरो मुहुनिनि उदखारि आखलखीं सिबाय बेरेना सहायनो हाया हाया मोन्दोंमोन। जेबो जाधारनाय नॅलिया, राजानि खर आव जेबो गॅलिया बेखीं आन्दास मोन्नाय, राहागोधे हादर अनफावरि, राजा सिबिसुला बेरेना गावखीं आनजायथनो थाखाय सासे बैरागि जाफलानानै हाग्रायाव खारनानै थाहैनायसै। बिब्दिनो लासै लासै सान्थिफुरि हादरा धेर बेधेर जाजोबनो हमनायसै, बेनि फोरजाफोरा हालांखारव मोदें हुगारनो गोनां जानायसै। मुहुनिनि सान्नाय लुबैनायफोर मोनसे उनाव मोनसे जाफुंबोनो हमनायसै। नाथाय मोनसे हास्थायनाय आरो लुबैनायखीं बियो मावफुंनो हायाखैसे- बे जाबाय बेरेनखीं जुलि लानाय। बेनिखायनो बेरेनखीं नागिर नागिर मुहुनि सैनाया हाग्रायाव, ओरोन बारियाव थानायसै आरो बेयावनो फाबजों बुंफबनाय मुहुनिया खुरिया बेमार जाजानायसै।

बे समावनो सोरबां हादोरनि राजा सुसेंफाया सान्थिफुरि हादोरखीं खेबसेबाव गाग्लोबनायसै। बे निदाननि समाव बैरागि महर लानानै थानाय सान्थि गाहाय बेरेना बार बादि फैनानै सुथुरफोरखीं होसां हरनायसै। नैथि खेबनि थाखाय सान्थिफुरि हादारा बासाय बावनायसै।

फैयै फैयै आबं सिबिग्रा, मोनसे समनि गोम गोम सान्थिफुरि हादोर त्रयजोंबो मुगैजाथाव थाव बायहं जिहं धेर बेधेर जाजोबनायसै। फाफनि खोमांसि फैसालिजों साग्लोब जानायसै। मुहुनियाबो राजा सितांफाखीं नेवसिनो हमनायसै। राजायाबो



बावसियाबादि गोदाव सोराव जानो हमनायसै।

बेफोरबादि गासै जाथाइफोरा मोनफा मोनफा बाबेनलांनारयनि उनाव राजा सितांफानि मेगना गेवनायसै गोसोआ बोरैबौ गिदिंफिनायसै। फाफनि सारलोबखार खोमसि सायाखौ सिनायनो रौनायसै। गावनि गोरोनथिखौ बुजिनायसै। इनायनि- फावनि साजाखौ रुजुनो गावनो नागिरनायसै। उनदाहाजो बिखा-खामगिलनायसै आरो फिसा अमर, रानि खैफोदखौ ओरोन बारियाव खाराव माराव नागिर हैबायनायसै।

बेयोदि अबनि फाव आरो गेलोनाय-मानसिया बेखौ बोरै मिथिनो ? हजो फारसेथि ओरोन दान्दालिनि मुलुगाव रानि खैफोदा मेगन गैयि खाना फिसाक्ता अमरखौ लानानै मादि मैया खैफोदाव गोग्लैदो बेखौ गावसो मिथिसिगौ। माब्लाबा उखैनायनि दुखु-दाहा, माब्लाबा जुनादजो जाजानो नागिरनायनि दाहा। बिदिनो बिसेरनि जिउनि जारिमिना बाबेन लांदो हाग्रा गुदुआवनो। सानसेखालि आरोबाव बिमाया उन्दुलांफुनायाव अमरखौ सोरबा खावनानै लांबावनायसै। फिसा गोमाजानाय दाहायाव रानि खैफोदा गावनि मेगनखौ गावनो एखलना लानानै आरोबाव खैफोदखौ जावसिन्नानै लांबावनायसै-दुश्रीखौ नागिरसे नागिरनानै मोनो हाथियाव।

बेफोरबादि सहायख' हायि दुखु जारलानि समावनो सानसेखालि सान्थि गाहाइ बेरेना अमरनि जिउखौ रेखा खालामफैतो मोन्नायसै - ओरोन दान्दालि हाग्रायाव दान्थारहां खालामनाय समावनो। फारसेथि राजायाबो रानि खैफोद आरो फिसा अमरखौ खाराव माराव नागिरनानै हाग्रायाव सफैनायसै। अबनि फिदिनाय बादिवै राजा सितांफाया रानि खैफोद, फिसाला अमर, सान्थि गाहाय, बेरेन (बैरागी रूपवै), सन्दमालि, अन्जालु गासिबखौबो लोगो मोन्नायसै। बेयावनो मुगानि राजा दाफरआ बेरेनसिंजो जेनानानै खरं गंग्लायै निमाहा बिनांनारयसै आरो सैथो दोहोरोमनि लामाजो आगान सुरगावजो लोगोसे अबं सिबिनो राजि जानायसै। बे जोबधि दिन्थियावनो अतजालु रुप लानाय अबळ अमर आरो खैफोदनि मेगनखौ फाहामनानै होफिनायसै। राजा सितांफानि जै जानायसै। जोबधियाव बिबिदो सैथो दोहोरोमनि जै जानायसै।

#### 2.4 बर' फावथाइ आरो अबनि फाव (Boro drama and Obongni Phao):

बर' धुनलाइनि गुवार फैलाव फोथाराव फावथाइनि जारिमिनखौ बोदलानानै नायोब्ला जोबोद गुसेब बादि नुनो मोनो। बेनि मादाव बे रोखोमनि फावथाइया मुलिनो आन्था बे गांसेयानोल'। फायसालिनि सोलौंथाइ गैयै भवेन फोरोंगिर (सर्गीयारी) बिथाडादि बर'धुनलाइनि फोथाराव बे रोखोमनि जाधोसे जोलै फोनानै गलांदो बेयो जोबोद बाख्नायथाव।

बे फावथाइया बांला फावथाइ "अनन्त माहात्म" निफ्राय राव सोलायनाय। बर' धुनलाइनि लांदां बाखियाव बेनो बे रोखोमनि। राव सोलायनायब्लाबो फोरोंगिर

विथाड सुबुं माहारिजों गोरोबपलेनाय आखु सोसन्नो हादों आरो जाथाइखौ नंगुबै खालामनायाव जाफुंसारदों। मानसिफोरनि मुंफोरखौ बर' मुं खालामनानै होदों।

अबं सिबिसुला राजा सितांफाया अबं सिबिनो गारनाय लोगो लोगो फावनि सायाया सान्थिफुरि हादरखौ सागलोवसारो - हादराव हालांखार जायो - राजा, सान्धि, गोरा गाहाइ आरो फोरजाफोरनि गेजेराव थानाय अनलायनाय सिबिलायनायनि गोथौ गोरा बान्दोआ थबस जलाडे। हादरा बायहं जिहं, धेर बेथेर जालाडे। बेनि गुदि जाहोनानो जाब्राय रानि गदाय मुहुनिनि फाव। बिनि सैथो-दोहोरामनि बेरेखा फावआनो गुबै जाहोन। बिनो न'खरनि, राजानि, हादरनि सुधुर। बर' धुनलाइनि फोथाराव नुजानाय जोहोलावारि फावथाइ (legendary drama) जैरे- सोमदोम जोहोलाव, दैमालु जोहोलाव, जारिमिनारि फावथाइ जैरे- राजा इरागदाव, समाजारि फावथाइ जैरे -गोदान फैसालि, आनारि बायदि फोरवाव नुनो मोन्नाय हादर गोमानाय, राजाया जेन्नाय, न'खर बायनायनि गुदि जाहोननि मादाव बेयो मोनसे मख'थाव।

नाथाय "अबंनि फाव" बे फावथाइयाव नुनो मोन्नाय बादिब्ला जोबथियाव एबा जोबनाय फासैथिं राजा सितांफानि धेर बेथेर, आलाय सिलाय सान्थिफुरि हादरा जै जै मै मै जाफिनो। बेयाव गोजोनि बार बारफिनो- अबंनि अन्नायाव। सितांफानि साद सुधुरा जेब्ला सैथो दोहोरामजों जेनो अब्ला बेनिफ्राय राजा सितांफायावो अबं मुंखौ लाफिनो, सिबिफिनो।

## 2.5 फावथाइनि गुबै आयदा (Theme of the drama) :-

सैथो - असैथो आरो दोहोराम - अदोहोरामनि जुजिलायनायाव सुबुडा दुखु जारला (हालांखार) जानाडे। दिनैनि संसार मुलुगावबो बे रोखोमनि दावहाया सोलिगासिनो दं। सैथो दोहोरामा असैथो - अदोहोरामजों सोलिनाय सुबुंखौ गेबेई फेनो नाजागोन आरो असैथो - अदोहोरामा सैथो - दोहोरामनि हेंथायै गसंगोन। उनाव नाथाय सैथो दोहोरामनिनो जै जायो। बे फावथाइनि गुबै आयदा (Theme) आवो बेनो।

राजा सितांफाजों लोगोसे सान्थिफुरि हादरनि रानि खैफोद, सान्धि गाहाइ बेरेन, खुनजुखि आरो गासै फोरजाफोरा सैथो दोहोरामजों सोलिग्रा अबं सिबिसुला। नाथाय मुगानि राजा दाफर, मुहुनि मोनहा जेब्लावो असैथो - अदोहोरामखौ जै खालामनानै फाफनि खोमसि फैसालिखौ जोखलोवनो नाजाग्रा सुबुं। विसोर बादि रोखोम मानसिनि जोहैनो बे दाडावाजिखौ फावथाइगिरि विथाड गायसन्दों।

समनि फाखनाव आजोला सितांफा राजाया अबंखौ गाबजिनो बावगारदों रानि गदाय मुहुनिनि मायायाव गब' हाबनानै।

ठनाव अबं इशोरा गावनो सासे मानसिनि (अन्जालु गथ') रुप / महर

लानानै असैथो - अदोहोरोमजों गबनानै थानाय फाफिफोरखी साजा होयै होयै सोदाडे एबा फेडे। अगेनजों गव हवानानै थानाय सुबुंखी फोसावनाय, फोधारनायानो अबंनि गोथार हाबा आरो बेखी फोरमायनाय धांखियैनो फावथिनागिरि रंसारि भवेन फोरोंगिरि (सर्गीयारी) बिथाड बे फावथाइखी लिरदों।

मानसि हारिया लुबैसुला, आजोला, बद गैयि अगियान। बेनिखायनोथ' अबं सिबिग्रा राजा सितांफाया मुहुनिनि हायना गोनं समायना महरखी नुनाने गावरखी, रानि खैफोद, फिसाज्ता अमर आरो सान्थिपुरि हादरखी बावनो हादोंमोन। ग्रोम ग्रोम गोगोमे सोलिनाय सान्थिपुरि हादारा बेयावनो थेर - बेथेर जालांमोन। फोरजा फिसाफोरनि उटैयाव ओखाम दे गैया जादोंमोन, मेगनाव मोदै गदोंमोन। सुबुड बिदिनो जायो। बेखीनो पोरोंगिरि बिथाड बे फावथाइनि जोहै फोरमायनो नाजादों बेनो बे फावथाइनि गुवै आयदा।

## 2.6 आखु दानाय (Characterisation) :-

“आबंनि फाव” बे फावथाइयाव गासै नैजिथाम सा सुबुंनि आखुथाइ नुनो मोनो (मोसाग्रा रंजालिफोरनि अनगायै)। बेनि मादाव सैथो- दोहोरोमजों सोलिग्रा माखासे दोहोरोम सिबिसुला सुबुंनि गेवें आरो मोजां आखु आरो बेनि हेंधावै असैथो, अदोहोरोमजों सोलिग्रा फाफि, गात्रि आखुनि सुबुं आरोवाव मोनवावो फेरला (Comedian) रोखोमनि साथामसो सुबुंनि आखुथाइ।

सैथो दोहोरोमजों सोलिग्रा, अबं सिबिसुला सान्थिपुरि हादरनि राजा सितांफा आरो फोरजा फिसाफोरानो फावथाइनि बिथा एबा जाथाइ थिल। सैथो। दोहोरोमखी फोथानानै लाखिनो थाखाय सान्थिपुरि हादरनि राजा सितांफा, रानि खैफोद, सान्थि गाहाइ बेरेन, अन्जालु गथ', धोरोम, सैथो, दुश्री आरो धान्दैगोननि गोगो आखु सोनाने होदों। राजा सितांफाजों लोगोसे सान्थिपुरि हादरनि फोरजा फिसाफोरखी विसोरनो दिथो होवाय थादों - दोहोरोमखी लाखिनो आरो सैथोजों सोलिनो थाखाय। विसोरनि बिफावा जेव्नावो सैथो दोहोरोमखी फोथानानै लाखिनाय, जै जाहोनाय आरो अबं सिबिहोनाय।

अन्जालु गथ' (महरि अबं) आनो बे फावथाइनि protagonist। चिनो राजा सितांफाजों थाफनानै बामजानानै राजाखी अवंनि नाम लानो आरो सिबिनो बुंदों।

गुबुन फारसेथिंजाय गुगानि राजा दाफरा गावनि जुगानि नेम - असैथो, अदोहोरोमजों सोलिनानै फाव हाबा मावनायफोरखी सान्थिपुरि हादराव फोसावनो नाजादों आरो गावनि गोहोमखी खोलैनो नाजादों। बेयावनो दाडाबाजिया सोमजिदों। बे रोखोमनि गात्रि हाबायाव दाफरखी हेफाजाव होदांमोन माखासे गात्रि मोटाइ जेरै -

बाउन्दों, खोलि, फाव आरो मुहुनि मोनहा। बाउन्दों आरो खोलिनि मददजों दाफरनि गोसोआ गोरा जादों - अबं फुजिग्रा राजा सितांफाखौ हेंथा होनो थाखाय। आरो बे थांखिजोंनो बे (contrast) / हेंथा आखुखौ दानानै होनाय जादों।

बिदिनो सोलिनि लुवैनाय बादियै बाउन्दोंनि हेफाजाबजों मुहुनि मुनि महरगोसा सासे सिखलाखौ दाहोनानै राजा सितांफाखौ बरायनो बिथोन होनाय जायो। राजा सितांफाया मैहुराव थानाय समाव मुहुनिया गाबनि हायना गोनां जिरखं नाय महरजों राजाखौ बरायो। मुहुनिनि हायना मुहुनि नानानै राजाया गावखौनो बावगारी आरो मुहुनिखौ रानि गदाय हियाबै हावा लायो। लासै लासै अबंनि मुं लानो बावगारो, असैधो - अदोहोरोमनि लामाजों आगान सुरो। मुहुनिया लासै लासै देरहाबोयो। सुनि आरो फावा सान्धिफुरि हादरखौ साम्लोबसारो।

फैवै फैवै फारनैनि गेजेराव जुजिलायनाय जायो। सिगां सान्दैया मुहुनिनि बेरेखा फावफोरनिनो देरहासार जायो। नाथाय अबंनि गेलेनायाव - लासै लासै मुहुनिनि बैफोर गाग्रि गोहोआ गैया जाबोयो - फाबनि सायाखौ रुजुनखं हायियाव हालाय हाफाय जानाछे। हारसिडै खुरिया रुग जानानै फाग्लि बादि जायो। थाडै थाडै मुहुनिया जेन गुबै जेनाछे आरो सैथो दोहोरोमनि जै जाहैयो।

फावथाइनि जाथाइया मुहुनिनि गेजेरजोंनो थिखिनिसिम दावगादों आरो बिनि गोहोआ जोबनाय लोगो लोगोनो नायजाबनि जाथाइयाबो रयलांदों। मुहुनिया जेव्ला राजा सितांफाखौ सैथो - दोहोरोमनि बेरेखा लामाजों दैदेनलाछे अब्ला अबंनि थान्दैफोरा दसे एसे आन्त्रायना थाथनायखौ नुदों एवा बिसोर inactive जादों। अब्लाबो नाथाय धोरोमा दोहोरोमनि बाथाखौनो दाफरनो बुंबोदों, सैथोया सैथोनि खोधाखौनो फोरमायबोदों। दाफरा नाथाय बेफोरखौ खेर खेरायाखै।

गुबुन फारसेधिंजाय बिमा माइनावा दश्रीनि महर लानानै रानि खैफोद आरो अमर मोनखौ ओरोन दान्दालियाव जोथोन लानाया, अन्जालु गथ'आ खैफोदनो सान्धिफुरि हादरनि खौरां हैनाया सैथो दोहोरोमखौ गोजोरै फोथानानै लाखिनो नाजानायनि सिंनि / आन्दोनि मोनसे बिदिन्थि। बिसोरनि आन्त्रयना थाथनायनि जाहोना हयथ' / जानोहागौ मुहुनिनि थिफुदलि आखुखौ नोजोर होनाय एवा अबंनि फाव बादियै मुहुनिनो जि गोहो लिंरनानै होदों बे गोहोखौ जाफुहोनाय। मोनसेनि उनाव मोनसे मावफुंनारनि उनाव थाडै थाडै मुहुनिनि गोहोमा हारसिनो रयलाछे। उनाव जेनहैनानै गाबनि दायनि थाखाय गाव हारसिनो उनदाहा जानो गोनां जादों आरो दायखौ सिमान लासै लानानै निमाहा बिनांगौ जादों। सैथोनि देरहानायाबो बेयावनो रोखा जादों।

## 2.7 धुनफावथाइनि धुनलाइचारि गोनांथि (Literary importance of the drama :-

“अबंनि फाव” बे दिन्थिफुं फावथाइया जाय रोखोमनियानो जायाथों मानो

वर' थुनलाइयाव नुजानाय फावथाइनि खंख्ला बाखिखी आवुं खालामनायाव रोखीमसे अबदान होदों वे खोथाखी सैमान जानांगोन। वर' थुनलाइनि फोथाराव वे जाथोनि फावथाइया आधिखालसिम वे गांसेयानोल'।

बेफोर जिखियानो जायाथों मानो वे फावथाइयाव थुनलाइयारि चिट्टे हिमावे सुबुं समाजाव सोलिग्रा माखासे बिदैफोरखी मोनसोबनो हायो। बेफोर जाबाथ -

- बाधा बुंनाय (dialogue) नि जुजिलायनाय जुक्ति, बनवुंथायखी नुनो खोनानो मोनो।
- फेस्ला बिदैखी सरन - नारन - लेंग्रामोननि बिफावनि गेजेरजों नुनो, खोनानो आरो मिनिनो मोनो।
- फाफि एबा गात्रि सुबुडा दसेनि लागैनो गोगानाय दुग्गा मारिनाय आरो जेव्ला जेनो अब्ला हाफामुवा जानाय सावगारिखी दाफर- मुहुनिनि आखुनि गेजेरजों नुनो मोनो।

## 2.8 सार बाहागो (Summary) :-

सैथो आरो दोहोरोमनि हेँथायै असैथो - अदोहोरोमनि जुजिलायनायानो वे फावथाइनि गुबै थांखि। आयदा। सान्थिफुरि हादरखी खालामनाने बेनि राजा सितांफानि जिउनि गेजेरजों वै मोनैनि गेजेराव जुजिहोलायनाय अबनि फावखीनो वे फावथाइनि गेजेरजों फोरमायनायखी नुनो मोनो।

नायजाबनि बालाबगासे- दिन्धिगासेयाव एबा जागाव जेन्नायावनो जुगनि राजा दाफरनि नारास गोसोखी नुनो मोनो। थामहिनबा सान्थिफुरि राजा सितांफाखी गावनि थिन्नायखी फालिहोनो हायिनि एबा अबं फुजिनायखी गारहोनो हायिनि दुखु खालामनायखी। बिनि दुखुखी नुनाने फेबाय खोलिया बिखी हेफाजाव होनो सिगां बोयो। मुहुनिनि हायना गोनां महरजों आं बिखी बरायगोन होन्नाने खोलिया बुडे। खोथा होयो। बिसोरनि गात्रि फावखी मिथिना, खोनानाने धोरोमा बिसोरखी हाखां होयो। अब्लानो खालिजों धोरोमा जुगुम जायो।

सानसेखालि राजा दाफरा सितांफा राजानि राज अन्दराव कैमारनायसे आरो सितांफाखी अबं फुजिनो नागारनो थिन्नायसै। वे खोथाखी खोलिया नंगी नंगी वुनाने हेफाजाव होफेनायसै। नाथाय सितांफाया खालिखी थांखिनाने फित होनायसै - "वे जुगनि राजा दाफरनो रिन्थाहेँथां वे नेमखी फालियानो सितांफाया होन्नाने। आं मिथिगी वे अन्जालु अबंखी। नडा आंनो जेवो मुवाखी। नागिराखी आं अबोरामानि जेवो सुखुखी। आं थैसान्दै वै अन्जालु अबंखी खुलुमबाव थानो मोन्थोल'।" वे जाहोनावनो सितांफाखी जुगुम लाडे। सितांफाया सिमां नोगथां चांदि मोनफाडे।

थारनो दाफर, खोलि बाउन्दों मोना खौसे जानाने राजा सितांफानि हेंथायै  
बेरेखा हाबा मावनो सोलो खालाममारनायसै। दाफरनि बिसिगि वाउन्दोंडा दानाय  
गिरिनायाव मुहुनि मुनि मुहुनि गोनां समायना सिख्ला दाहोमारनायसै आरो सितांफाया  
जेव्ला मैहुराव थांगोन अब्लानो मुहुनिया राजाखौ बमन्नायगोन आरो असैथो अदोहोरामनि  
लामाजों दैदेनगोन।

जै सान्नाय एरै खामानि। सानसेखालि राजाया बेरेन सान्थि गाहाइखौ  
लोगोआव लाफानानै मैहुराव थांमारनायसै। अब्लानो मुहुनिया खाबु लानायसै। राजाया  
जेव्ला मैनि खिथु खिथु होसोयो अब्ला मुहुनिया आखाइनि खारखौ हमथानायसै।  
बुंनयासै “सोर नोंथाडा? ावगा गोदान जोहोलाव। जोबोद मोजांथार नोंथांनि  
महरा.....। मा नागिरनानै फैखो बे हाग्रा गेजेराव मानो मेगन जोहाब जासे नायबाय  
थाखो आनि मोखाडाव? अ: मै नागिरनानै फैदोंमोन नामा बे हाग्रा गेजेराव? मोन्नाय  
नख मैखौ हगारगार नोंनि बोरला धिरखौ।.....गिनो नाडा जोहोलाव।..... महाराजा  
रावबो गैया आंहा बे हाग्रा गेजेराव आनि होन्नाय। बिखायनो बुंदों आं, नोंथाडा आंखौ  
थैसं थांसनि जिउनि लोगो खालामनानै लादो। मै जोआ फैनानै नोंथांनि सेराव नुजाफैदों।  
लादो राजा मै जोखौ हमनानै। मुहुनिनि बिदि बरायनायाव राजा सितांफाया रानि गदाय  
खालामनानै लाना फैयो।

मुहुनिया गावनि सान्नायखौ मावफुंनारनि खाबुखौ मोनो। राजाखुंगुर अमरखौ  
मेगेन एरखल नानै खाना खालामो। बिदिनो सित्रांफानि हादराव सुनिया डाबफैयो,  
फावनि सायाया नांजेनो। मुहुनिनि बेफोर हाबाखौ रानि खैफोद, बिफा खुन्जुखि जयै  
सावरायलायो। लासै लासै राजाया अबंखौ फुजिनो गारबाय, फोरजाफिसाफोरखौ  
नायलिया- बोथिसे ओंखामनि थाखाय बिसोर लामा दथा दथा मोदै रुखु रुखु बेसेबांवा  
गावनांवाय - बेफोरनि थाखाय बिसोर जोबोद दुखु मोनो।

नाथाय मा खालामनो बेफोर गासिबो अबंनि फाव। बेनिखायनो रानि गदाय  
मुहुनिया राजा सितांफा आरो सान्थिफुरि हादरनि हालांखार, खैफोद आफोदखौ नुनानै  
खुसिसो मोन्दों, मिनिथिदोंसो। मानोना आथिखालाव बियो जेयो गोसो बेखौनो मावनो  
हानाय जादों।

बिदिनो बियो राजा सितांफाखौ गावनि आखाइ थालखायाव मोसा होदों।  
आफोद आफोद सानसेखालि रानि खैफोद, अमर मोनखौ आन खाना ओरोन दान्दालियाव  
होखार हरनायसै, खुन्जुखि बोराइखौ जोबथेसालियाव जोबनानै फोथेनायसै।

बेफोरबादि गुलाय गुलाय हालांखार जाबाय थानाय समावोनो सानसेखालि,  
गुबुन फारसेथिंजायनिफ्राय सोरबा हादरनि राजा सुसैफाया सान्थिफुरि हादरखौ  
गाग्लोबफैयो। नाथाय बेरेनसिडा। नाथाय बेरेनसिडा वासायो। मुथुरफोरखौ  
होसांहरों।

गासिबखौबो आलाय सिलाय, मेरखाय बेरखाय खालामनायनि उनाव मुहुनिया बेरेनसिखौ जुलि लानायनि खोथाखौ सान्नायसै। सानसेखालि गावनि लुबैनायखौ बेरेननो थारैनो फोरमायनायसै। नाथाय राजा सिबिसुला, अबं फुजिया बेरेनारिख बोफोरबादि खोथाखौ खोनासंनो हायो? गनायनानै लानो हायो? मुहुनिया हमखबबायदोमोनब्लाबो सान्धि गाहाइ बेरेना बिखौ नाखानानै थाडे।

नाथाय जाखुन्दि मुहुनिया बे खोथाखौनो फावफान्दायनानै राजा सितांफानो उल्थायै एरसन्ना होनानै थामहिनबा बेरेना गावखौ गावनि (बेरेननि) खालामनो सान्दोमोन, नाजादोमोन, होन्नानै बेरेनसिनि होंथायै नालिस होयो। खर आब एम्फौ नांफ्रामनाय राजा सितांफाया बेरेननि गुदु थैखौ नागिरो।

साग्रिद सानै आरो समरनि आखाइयाव बेरेना जेन्नानै खाजानाडे। राजानि बिथोन बादियै दान्थारुआ बेरेनखौ दानस' नो नागिरो। बे समावनो अबंलावरि भोरोरमनि मुं गाबजिनानै गावखौ खानाय जिनजिखौ बस'यो आरो दान्थारुनि दाहालखौ लानानै राजाजों दावहा नाडे। बे दावहायाव मुहुनियाबो लोगो लाफादोमोन। नाथाय बेरेननि गोहोजों धावरिनो, जुजिनो हायिलाय राजा सितांफाया मुहुनिखौ आखाइयाव हमना बोना खारखुमालानो गोनां जायो।

गुदुन फारसेधिंजाय अमर-खैफोद मोनहा राना-रोनावा ओंखाम उखैहाव, दें गांहाव बेसेबा गुदु ओरोन दान्दालियाव मोसा मुफुरजों जुजि जुजि दुखु खस्थ मोनांगसिनो दं। दुश्रीनि हेफाजाबजो मब्लाबा फिथाइ जानानै उखैनाय उदैखौ बुरखायदों, माब्लाबा मोसानि खुगांनफ्राय बारग'नो जुजिनांदों। बेनि गेजेरावनो सानसेखालि अन्जालुआ नुजाधिफैदों आरो सान्धिफुरि हादरनि दुखुनांथाव जालांखार खौरांखौ खोनालानै खैफोदा आरोबाव दुखु नांसिनदों। सहायखं हाया हाया मोन्दों।

मुहुनिया बेरेनखौ मोनिनि गोसोखौ थावनाय मोनाखैसै। गोसोखौ बुरखायनो हायिनि दाबा लानानै बेरेनखौ खाराव माराव नागिरदावबायो। रिबथु रिबथु खारफाबानाय राजा सितांफखौ मुहुनिया मोसौ होन्नानै रायो। आं नोंखौ गोदोसो मोजां मोनोमोन आधिखालाव आं मोजां मोनलिया। नों आंनि सेरनिफ्राव भावरे धां। होनी होनी राजाखौ रायै रायै बेरेनखौ नागिरनो ओंखारलाडे।

बे समावनो सोरबां हादोरनि साग्रिदफोरा सान्धिफुरि हादरखौ गारलोबफैयो। सान्धिफुरि साग्रिदफोरा दावहायाव जेन्नानै खारलांजोर्बो। दावहानि दावराव दावसिया सितांफानि खोमायाव हाबहैयो। मा खालामगोन मा मागोन गोदाव सोराव आला गला जायो। जावलिया बादि गोब्रामला बायनोसो हमो। बे समावनो अन्दर महलसिम सुसेंफा आरो सान्धिफोरा हाबफैयो। सुसेंफानि सान्धिजों गोरा गाहाइया दावहा होयो, फारसेधिं सुसेंफाजों सितांफाजों दावहा नाडे। सितांफाया नाथाय गावनि एम्फिखौ गारनानै खाजायो। एसेयावनो सासे बैरागिया फैनानै सितांफाखौ खेवनानै होफैयो। नाथाय बे

बैरागिया बेरेन सान्थि गाहाइसो। बैरागिजों दावहा जायो। दावहायाव सोरबां सान्थि फालोआ जेन्नानै खारलांनो गोनां जायो। बेरेनसिंङ होसो लाङ्गे। बेखिनियावनो अबंनि फावखौ सान्नानै बेरेना गोमोयो।

लासै लासै राजा सितांफाया गावनि गोरोन्थिखौ हमदांनो हायो। बुजिस नो हायो। ओंखायनो बे दार्यन साजा नागिरो। बे समावनो मुहुनि सैनाया खुरिया बेराम जाजानानै नुजाफैयो आरो गावनि दुखु आरो साद जाल्ला मोन्नायखौ सैमान लाफैयो। रानि खैफोद, अमर मोनखौ हाग्रायाव होखार हरनाय, बेरेनसिनि गोथार आरो गेबें गोसोखौ उल्थायै गात्रि होन्ना एरसनना होनानै बुथारहोनो नागिरनाय सोलो-फाव फोरादि मुनिनिमोन बेखौ सैमान जाजोबफैयो। गावदि सासे फाफजों बुंफबनाय फाफि हिन्जाव आरो बे फाफनि साजाखौदि गावनि नांगौ बेखौ नागिरो।

बेनिखायनो मुहुनिया गाठन सालिनि आयफोर आफाफोरखौ गाव बादि जानो नाङ होन्नानै खावलायो। हाखौ होयो बियो। बियो अबंखौ गाबजियो- गावनि गोरोन्थिखौ निमाहा होनो अबंखौ खावलायो।

फारसेधिं हाग्रा राण्योआव दुखुथिया खैफोदा फिसाला खाना अमरखौ फाबजों खावनानै लांजायो। बिनि दाहा दिखारावनो गावनि मेगनखौबो दुश्रीया लानाय थिरजों एख्तनानै लायो। बैथिं फाबा अमरखौ दान्थारनो नागिरो। दान्थार जानोसै समाव अमरा अबंखौ गोसो होनानै गाबजिसायो। लोगो लोगो अन्जालु अबङ नुजाथिफैयो। सानैखौबो दानो नाथाय बीवा। नैथि खेब दानबावनाय समावनो बेरेना सफैयो। बेरेनजों फाफजों दावहा जायो। बेरेना फाफखौ फेजेन्नानै होखार हरो। अमरमोनखौ बासायनानै बिमानि खाथियाव लाना थाङ्गे।

राजा सितांफायाबो रानि खैफोदखौ एरन दान्दालि फारसे नागिरनानै फैयो आरो गोलो मोनफैयो। गासिबबो दुखु जारला, खैफोद आफोदफोरखौ राजा सितांफाया मिधिफैयो।

मोनसे समाव बिसोर गासिबो लोगो मोनलाय लायो। बे हाग्रामा गेजेरावनो अखाफोर गावदाङाव खैफोदनि लुबैनाय बादियै हाग्रा / अरन बिबारजों अबं / ग'साइखौ फुजियो। गाबजियो। अमः अबंलावरि अमः अबंलावरि।

एसेयावनो अन्जालु अबं फैयो। गासिबबो दुखु जारलाफोरखौ सां खालामफैयो। खैफोदनि, अमरनि मेगनखौ फाहामनानै होयो। राजा सितांफाया अन्जालुखौ बामो। फिथाइ जाहोयो।

सैथोआ फैनानै अन्जालु अबंङानोदि मानसिनि रुफ लानानै (अन्जालु गथ')सितांफाखौ जे हेफाजाव होफेदों बे खोथाखौ फोरमायनानै होयो। बिनि गेलेनायावनोदि मानसिनि दुखु जारला, खैफोद, अफोद, राजा सितांफानि सान्थिफुरि हादराव हालांखार जादों बेफोरखौ बुजायनानै होयो। बिदिनो फावथाइया जोबो।



## 2.9 हेफाजाब विजाब (Reference Book) :-

1. फोरोंगिरि, भवेन : अंबनि फाव, 2002 ।
2. लाहारी, मनरेन्जन : भावथिना सान्धौ, अनसुमै लाइबरी, कंकराझार, 2000 ।
3. बर', भौमिक चन्द्र : बर' फावधाइ धुनलाइ विजिरनाय, 2004 ।
4. बर', नबीन मल्ल' (सु) : गल दै, बड' साहित्य सभा, अदालगुरि जिला, 2002 ।
5. बाग्लारी, विजय : सुंद'यै धुनलाइ विजिरनाय, सान्जारे पब्लिकेसन्स, शानितपुर, 2003 ।
6. Hudson, W. H. : An Introduction to the study of Literature, Kalyani Publishers, Ludhiana, New Delhi, 1995.

\* \* \*

### Block-III / Unit-1

## जारिमिनारि धुनफावथाइनि उन नु (Background of Historical Drama)

#### 1.1 बेखेवजेननाय (Introduction) :-

जारिमिनारि धुनफावथाइनि उन नु (Background) खौ सावरायनायनि सिगां धुनफावथाइ माखौ बुझे, बियो मोनबोसे आरो मा-मा बेखौ मिथिगोनांगौ जायो। धुनफावथाइनि सोमोन्दै भरत मुनिय्या गाबनि नाट्यशास्त्र बिजाबाव और फोरमायदों -

*योहयं स्वभाव' लोकस्य सुख दुख समन्वित  
सोहजाधिभिनीयो पंतो नाट्यमिताभिधीयते।*

एबा, गसिबो जिब मुलुगनि सुख - दुख, मिनिनाय रागाजोनाय बायदि गोरबोनि साननायफोरखौ जेब्ला सुबुनि गोसो रंजा होनायनि थाखाय दिन्थिनाय जायो बेखौनो धुनफावथाइ बुनाय जायो।

विथोनि अनगावैबो सोनाबारि धुनलाइ बिजिरगिरिफोराबो धुनफावथाइनि सोमोन्दै गुबुन गुबनि बिबेखेवथि हेलांदों। जै -

Cicero नि बादिब्ला, Drama is a copy of life, a mirror of custom, a reflection of truth. (धुनफावथाइया जादों जितनि मोनसे सेबखांनाय (नकल), आखलनि मोनसे आउना, आरो सैथोनि मोनसे साइखं)।

आरो Willam Hunry Hudson नि बादिब्ला "The Drama is not a pure literature. It is a compound art in which literary element is orginally found with the elements of stage setting and historic enterpretation". (धुनफावथाया मोनसे नंगुबै धुनलाइ नड। बियो मोनसे दाजाबथा आरिमु, जेराव धुनलाइयारि गोना मुवा सायमारा फसंनाय आरो जारिमिनारि राव बुंफोरथिया नांदेरनानै थायो)।

धुनफावथाइया गोजाम, खिरिमिनारि, मिजिडरि, जारिमिनारि, समाजारि, बेफोरबादि बायदि बायदि रोखोमनि थायो। नाथाय बेवहाय जौनि सावरायनांगी आयदाया बेफेरनि सोमोन्दै आवुडै सावरायनाय नड। जारिमिनारि धुनफावथाइनि उन नु (Background) नि सोमोन्दैसो।

जारिमिनारि धुनफावथाइयाव बबेबा मोनसे हारि एबा हादोरनि जारिमिनारि सैथो जाथाइखौ लानानै लिरनाय जायो। बेयावहाय जारिमिननि सैथो जाथाइखौ लानानै लिरनाय जायोब्लाबो बेबादि धुनफावथाइयाव राजखान्थियारि, समाजारि, रांखान्थियारि

बे मोनथामनि बाधायानो फेयो । राजा एबा हादर देदेगिरिनि सल आरो हारि मोनसेया जौगानाय गोग्लैनाय बाइदि जाथाइफोरखीं लानाने जेब्ला गांसे फावथाइ बिजाव लिरजाथो बेनि जारिमिनारि फावथाइ । जारिमिनारि थुनफावथाइयनि सल' आरो बाधाफोरा सरासनस्रायै बिदे गैयै जायो । जारिमिनारि फावथाइनि जाफुंसारनाया जायगा, सम, आरो आखुखीं दानो हाथाव थासारि सोमजि होनायनि सायाव गोवां सोनारो ।

### 1.2 थांखि (Objective) :

जारिमिनारि थुनफावथाइ सोरजिनायनि गाहाइ थांखियानो जादों गोजाम आयदा एबा खान्थिनि आवगाय जोहोलावफोरनि मावलांनाय खामानिनि बाधा आरो नुथाइफोरखीं गोसोखांहोनाने हादर एबा हारिनि उन जोले सुबुं फोरखीं गोसो खांहोनाय आरो गावनि आंगो हारि हादरनि फारसे अनफावरि गोसो सोमजि होनाय । बे नोजोरें बिजिरनो थाडोब्ला बर' माहारिनि नायल' जाल' गांसेल'थार जारिमिनारि थुनफावथाइ राजा इरागदाव थुनफावथाइनि खोधाखींनो बिजिरनो हायो । मानो होनोब्ला बे राजा इरागदाव थुनफावथाइयाव बर' हारि आरो हादरखीं रेखा खालामना बिमानि मानखीं लाखिनो थाखै बर'नि माखासे राजा आरो जोहोलावफोरा थै-थां दावहा नांनाने माबादि गावसोरानि जिउखीं हारिनि थाखै बावलांदोंमोन बिनि रोखा नेरसोन मोनो हायो ।

जारिमिनारि थुनफावथाइया बिदे गोयैबो जानो हागी अब्ला बे बिदे गोयै थुनफावथाइयाव बिदे सोदेरफानाने फावथाइखीं गोदान जिउ होनो हानायासो जारिमिनारि थुनफावथाइनि जाफुंसारनाया सोनारो । जारिमिनारि थुनफावथाइनि देरहानाया जायगा, सम आरो आखुथाइ दानो हाथाव थासारि सोमजि होनो हानायनि सायावबो गोवाडेंनो सोनारो । राजा इरागदाह थुनफावथाइयाव बर' राज्यो दानाय, बायनाय, आरो गोमानाय बे मोनथाम जारिमिनारि जाथाइनि फोरमायथि दड' । वियाव लिरगिरिया बर' राज्यो गोमानाय आरो बायलांनयनि खोधाफोरखीं गावनि गोथौ सानस्रियारि गाब फुन्नायनि गेजेरजों समायनासिन आरो खहाब गोनांसिन खालामदों जाय समनि जाथाइखीं थुनफावथिनायाव दैखानाय जादों बै समजों गोरोकनाय सानाय-हनाय, राव-फाव दिन्थिनाय फोरानो जारिमिनारि थुनफावथाइनि गोनांथि जायनि गेजेरजों नायगा आरो फरायग्राफा थार थुलुंगा मोनो हायो ।

### 1.3 बर' समाजाव जारिमिनारि थुनफावथाइनि गोहोम (Influence of Historical Drama on Boro Society) :

बर' माहारिनि गेजेराव जारिमिनारि थुनफावथाइनि गोहोमनि सोमोन्दे बिजिरनो थाडोब्ला जों जारिमिना मा बिखीं गिवियावनो मोनथिनांगोन ।

गुवार ओंथियाव जारिमिन होन्नाने बुडोब्ला जों राजखान्थियारि, समाजारि, आरो रांखान्थियारि बे मोनथाम आयदायानो गोसोआव फेगोयो । बे मोनथाम आयदानि

गेजेरावबो जारिमिन होन्नाने बुंताय लोगो लोगोने राजखान्थियारिनि बाश्राखौनो गिबिये सानग्रोनांगी जायो। राजा, महाराजा, एबा हादरनि दैदेनगिरिनि सल, जाथाय आरो मोनसे हारिनि जेन्नाय फोरानो जारिमिनारि फावथाइनि सल' महरै जायगा मोनो। मुलुग धुनलाइनि धुनफावथिना जागाय जेन्दोमोन ग्रिस हादरनि दायनासियास मोदाइ सालियाव।

बर'माहारिनि गेजेराव जारिमिनारि धुनफावथाइया गिबिये नुजादोमोन ई 1919 मायथाइनिफ्राय। बे जांखिथाइखौ लाबोदोमोन सतीस चन्द्र बसुमतारीया। जाय समाव बर' सुबुंफोरा गुबुनजो नाखेबजादोमोन, इनाय अनागार खालाम जादोमोन बे समाव बर'नि माखासे गोरों गोरु सुबुंफोरा बर' माहारिखौ सौसे आरो सांग्रं खालामनो थाखै धुनफावथिनानि गेजेरजो फोरमायनो नाजादोमोन। बिदिनो माखासे सानगोरों लिरगिरिफोरा गोबां जारिमिनारि जाथाइफोरखौ लानाने धुनफावथाइ सोरजिदोमोन माखासेफ्रा गुबुन रावनिफ्राय राव सोलायनाने गावनि आंगो (बर'नि) महर होनो नाजादोमोन। बिफोरनि गेजेराव, दड' द्वारेन्द्र बसुमतारी लिरनाय स'नानि माइबां कमल कुमार ब्रह्म लिरनाय, राजा इरागदाव फोरानो मुखे जाथाव। बर' माहारिनि गेजेराव जारिमिनारि धुनफावथाइ गोबां मोन्नो हायाखै एबा गैयाखौनो होनजायो। जा गांनैसो दं बिफोरबो थार जारिमिनारि धुनफावथिना नंजोबा माखासेया गुबुन रावनिफ्राय राव सोलायनाने आंगो महर होनायसो। दासिम जो मोन्नो हानाय थार जारिमिनारि धुनफावथाइया बर' धुनलाइयाव गांसेल' ओंखारदों, बेनो जाबाय कमल कुमार लिरनाय राजा इरागदाव। बे राजा इरागदाव धुनफावथाइया बर'फोरनि थार जारिमिनारि जाथाइजो आबुं महर मोन्नाय गांसे धुनफावथाइ।

जाय समाव बर' हरिया गुबुन हारिनि नाखेबनाय आरो फाव फान्दायनाथाव आलाय-आथानि जानादोमोन बै समनि बाश्राजो लोगोसे बिनि सिगां समा एबा बर'फोरहा गावआंगो हादर, राजा थानाय समनि खोथाखौ जो बे राजा इरागदाव धुनफावथाइयाव मोन्नो हायो। लिरगिरिया बैफोर जारिमिनारि खोथाखौ जारिमिन बिलायाव मोन्नाने गोसो थुलांगाना इयुन जोलैनो फोरमायनायजो लोगोसे जारिमिनारि आगात संलांनो एबा खौसे जानो थाखाय खावलायनायनि इसाराखौ लानाने धुनफावथाइखौ सोरजिदोमोन। बे धुनफावथाइया बर' माहारिनि गेजेराव गोबां थुलुंगा लाबोनो हादोमोन बेनिफ्रायनो बर'रावाव लासैनो धुनफावथिनानि दाहारा जागायबोनो हमो। गोबां लिरगिरिफोरा गुबुन गुबुन आयदा एबा जारिमिनारि जाथाइखौ लानाने धुनफावथाइ लिरनो जागायनो हमो। आधिखालाव लिरगिरिफोरनि बांसिन धुनफावथाइया गोजाम आखलनि एबा सल'फोरखौ लानाने लिरनाय, दैत्य दानब, दाउ अमा, मोदाइफुरी फोरनि जाथाफोरखौ बेफोर धुनफावथाइयाव नुनो मोनो।

बर' सामाजाव जारिमिनारि धुनफावथाइनि गेहोम होन्नाने बुडेबला सरासनफ्रा अधिखाल बर'समाजनि मोगथां मुलुगाव जाफ्लेवाय थानाय गोहोनि राजखान्थियारि

गेले लायनाय, सासे गिदिर जानायखी सासेया सैनो हायै, बिखीं बि सैलायै, साफ्रोमबो राजमासि (खुंनायनि) बिबानाव थानानै हादोर एबा राज्या खुंनो नाजानायनि जाहोनाव फोरजा फिसाफोर आलाय सिलाय जानांनाय, खेवल गावनिनल स्वार्थ रेखाणि थाखाय फोरजा फिसा फोर दुखु-दाहा भुगिनांनाय, बेफोर सावगारियांनो आधिखाल बर' समाजाव रोखायै बेरखांबाय धादों। जारिमिनारि धुनफावथाइयनि बादिनो बर' समाजावबो दैदेनगिरिनि मासिनि थाखाय सोरबा दुखु मोननांदों आरो सोरनिबा जिउ गोमानोबो गोनां जादों। जैरेबादि राजा इरागदावनि फंबाय सोमबोरा गाव राजा जानो लुबैनानै गावनिनो असे बिदा इरागदावनि सिं सिं बेरेखा हाबा मावदोंमोन, सान्थिगाहाइ तुलारामाबो इरागदावनि बेरेखायैसो गावनि गोसोनि साननायखी जाफुंहोने थाखाय मानफोरजों लोगो जाखुमादोंमोन, राणि इन्दुप्रभायाबो फिसायनि बेरेखायै गसंधेखोमानानै फिसायखी मानजों सिधारजाहोदोंमोन। बेफोरबादि जाथाइ आधिखालनि बर'समाजनि बेलाशवबों तम एसेयैब्लाबो जाफ्लेबाय धादों।

#### 1.4. बर' जारिमिनारि धुनफावथाइयाव हादोर सिबिनायनि सावगारि बेरखांनाय (Nationalism on Boro Historical Drama) :

जारिमिनारि धुनफावथाइनि सोमोन्दै जों आगोलावनो सावरायबोरखावाय। बेवहाय बबेबा मोनसे हारि एबा हादोरनि समाजारि जाथाइ, रांखान्थियारि अबस्था आरो राजखान्थियारि हाल-सालनि सैथो जाथाइखी लानानैनो लिंरनाय गायो। बबेबा मोनसे हादोरनि राजा एबा हादर दैदेगिरिनि सल' आरो हारि मोनसेया जौगानाय गोभलेनाय बायदि जाथाइफोरानो बेवहाय जायगा मोनो। बेफोरबादि हाल सालनि थाखाय बिसोरो बाइदि बाइदि जाथाइनि मोगा मोगि जानाडो। जेराव हादोर सिबिनायनि सावगारिफोरा रोखा रोखा बेरखाडो। बिदिन्थियाव कमल कुमार ब्रह्मनि राजा इरागदाव (1963) धुनफावथाइनि जाथाइखीनो लानाय जाथों।

राजा इरागदाव धुनफावथाइनि सल'आ बर'नि जोवथा राजा गविन्द चन्द्र थामहिनबा इरागदावनि राज्या खुंनाय समनि सल'। बे फावथाइनि सल'खी असाम जारिमिननि इं 1814 मायथाइनिफ्राय इं 1826 मायथाइनि गेजेराव जानाव जाथाइफोरखी लानाय जादों। जाय समान राजा इरागदावा बिदा कृष्ण चन्द्र धैखांनायनि उनाव काछार राज्यांखी खुंनायनि बिबानखी मोनदोंमोन। बे समान बिधाड नखरनि आरो बायजोनि सोरगिदिं सुधुरफोरनि मन'नो खुगा बलां-बलां सिनायनि मोगा मोगि जानांदोंमोन आरो उनथाराव काछार राज्यांआ लान्दां-फान्दां जालांनांगी जादोंमोन।

बेखिनि जाथाइयावनो राजा इरागदाव, खोमदोन, कहिभन आरो बेलसिमोननि आखुआव हादोर सिबिनायनि (Nationalism) सावगारियाबो रोखायै बेरखांनायखी जों नुनो मोनो।

इरागदावा काछारनि जोबथा बर' राजा। बिहा गावनि आरो फोरजा फिसाफोरनि फारसे गोथौ मोजां मोननाय दड'मोन। आगु बर' राजाफोरखौ बियो गोथार गोसोजौ सिबियो आरो अनसायोमोन। जाय आखुनि थाखाय बियो सोरबाफोर हारि आरो हादोरनि बेरेखा खामानि मावोव्ला बिसोरखौ निमाहा होवामोन। नांगौव्ला गावनि जाति बंशआनो जाथौ, नांगौव्ला गावनि असे बिसियानो जाथौ थेवव्लाबो हारि आरो हादोरनि बेरेखा खामानिनि थाखै इरागदावनि आखाइयाव निमाहा गैयामोन। बेनिखायनोथ' बियो गावनिनो सान्निध गाहाइ तुलारामनि बिफा कहिधनखौ हादोरनि माबा मोनसे बेरेखा खामानि मावनायनि थाखाय बुथारदोंमोन, गावनिनो बिसि इन्दुप्रभानि बिदा गम्भीरसिंखौ काछारनि अंगालनि हाबा मावनायनि थाखाय काछारनिफ्राय होखार हरदोंमोन, सान्निध गाहाइ तुलारामाबो सिं सिं राज्यो आरो राजानि बेरेखा खामानि मावनायनि थाखै दान्दिसे समनि थाखायव्लाबो खाजादोंमोन आरो बिदाखौ हादोरनिफ्राय होखार हरनायखौ अजद दैखानो धानायावनो गावनिनो बिसि राणि इन्दुप्रभायाबो राज्योनिफ्राय होखार हरजादोंमोन।

**कहिधन :** गावनि हारि, हादोर आरो राजाखौ मोजां मोननायनि थाखायनो बेलसिनि बिफा यैलाबोर तुलारामनि बिफा कहिधनि आखाइयाव जिउ बाउनादोंमोन। मानोना कहिधना यैलाबोरनि आखाइयाव धुंग्रि दैना होनाइ इरागदावखौ सुथारनो धिनसेयावबो बियो हारि आरो हादोर सिबिसुला राजा इरागदावखौ सुथारनो राजि जायाखैमोन।

**बेलसि :** गावनि हादोर आरो हारिखौ मोजां मोननायनि थाखायनो बेलसियाबो बिफा बुथारजाखानायनि उनाव फाग्लिनि महर लाफ्तानानै हादोरनि मोजांनि थाखै गिदिडै गिदिडै बे खर'निफ्राय बै खर'सिम हादोरनि मोजां गाजिनि खौरां लानानै खोमदोननो लावोनानै होफैयो। राजा इरागदावनि फंबाय सोमबोर सोरनिबा अर सुनायाव जोखानानै गावनिनो असे बिदा इरागदावनि बेरेखा जानाय समाव बेलसिया बिखौ बुजायदों आरो राजाखौ अराय सुखु-दुखुआव मदद होलादों।

**खोमदोन :** गावनि हारि आरो हादोरखौ मोजां मोननायनि थाखायनो खोमदोनाबो लेडाइ सान्निध गाहाइ जासेयावबो राजानि सुखु-दुखु मोननैबो समावनो साया महरै गसंफादोंमोन। तुलारामा सान्निध गाहाइ महरै राजाखौ जाबादि मदद होदों बिनिखुइ बांसिन मदद होदों खोमदोना। राजाया तुलारामखौ गावनि बेरेखा होनना मिथिसेयावबो बिनो दावहानि समाज सान्निध गाहाइनि बिबान होनायनि बेरेखा खालामदोंमोन हादोरनि खैफोद लाबोगोन होनना। जेव्ला समाज राज्योनि बयबो राजाखौ नायनो वानाय जादोंमोन आरो बिनि बिसि, फंबाय सिन्थायनो बिनि बेरेखा जादोंमोन ये समावबो बियो राजाजौ गसंफादोंमोन। गावनि हारि आरो हादोरखौ गोरबोजौ मोजां

मोननायनि थाखायनो सान्धि गाहाइ तुलारामनि फाव फान्दायनाय आरो मनपुरि सान्धिफोरनि गाग्लोबनाय समाव राज्योआव राजा इरागदाव बादि राजानि मोनांधिखौ हमदां हादोंमोन आरो बिनि जिउ रेखांनि थाखाय राज्योनिफ्राय बेलस्त्रिजों लोगोसे गुवुन राज्योयाव खारखोमालांहोनानै गाव सुधुरफोरजों जुजियै जुजियै जिउ खोमानानै लानांगी जायो । बिनि हारि आरो हादार अनफावरि आखुखौ धुनफावथाइनि नैवे रावनि गेजेरजों हमनो हायो-

आं- हायाखिसै-आंनि समायखौ लाखिनो हायाखिसै माहाराजा - आंखौ निमाहा होदो ! आं ! आं !..... तुलाराम- नों हारिखौ फनबाय, वर राज्योखौ खोमोग्गो नागिरनाय नौनि आखुआ वरनि गेजेराव जेब्लावो मुग्गिथाव जानानै थागोन तुलाराम ! थांनासै जोनोमफुरि !.....

**सैनानि माइबां** धुनफावथाइखौबो जारिमिनारि धुनफावथाइ होननानै हमनानै लायोब्ला माइबांनि राजागुरु देवगिरि, सान्धि गाहाइ सुरसिं, राणि गिबि दर्याथि, राजखुंग्रि रंमालि, बिसोरनि आखुआव हारि आरो हादोर अनसुला गोसो सान्धिखौ बेरखानाय नुयो ।

**देवगिरि :** माइबांनि राजगुरु देवगिरिया रानी गदाय बर्धमनिनि आखुखौ मिथिनानै हादोरनि मोजांनि थाखाय राजा हावलाबोरखौ सांघां थानो विथोन होखादोंमान । रानी गदाय बर्धमनिया फाव फान्दायनानै **सैनानि माइबां** राज्योखौ सिलिंखार खालामनो नाजानाय बाश्राखौ राजानो सांघां खालामना होनारनि गेजेरजों बिनि राज्यो एखा हादोर अनसुला आखुखौ हमदां हायो । बियो राजाखौ फोजाखानाय रावजों बुडे-

दाबो सम दांबावो, वे नोरोख फुरिनिफ्राय चारगनायनि । महाराजा । रंजालि हिन्जावफोरजों रंजानाय, जो लौंनायखौ नागारदो । आफाखि सोलाघा सैंग, फान्दायमुलाफोरखौ राज्योनिफ्राय होखार हरदो । नडब्ला समायना-रमायना माइबां राज्योआ लान्दा-खान्दा जानोसै..... ।

**सुरसिं :** सान्धि गाहाइ सुरसिंनि आखुआवबो अराय सम हादोर मोजां मोननायनि सावगारिया बेरखांदों । बियो हादोरनि मान सनमान रेखांनि थाखाय अराय सम सुधुरनि बेरेखायै दावहा नांलांनानै उनथासाव बांगाल सान्धिफोरनि आखाइयाव जिउ बाउनाडे । बिनि हादोर मोजां मोननायनि फोरमानखौ बिनि बुंलांनाने नैवे रावनि गेजेरजों रोखा जानो हायो-

रंमालि बांगाल सान्धिया खामान लानानै जेरेबां बेंखन फैजाबकाय । हे वर हादरनि बिमा । गोहो बोली होयो वरसाफोरनो बिनानि मानखौ लाखिनो एखा जिउ गारनो । एसेल सान्धि लानानै एसेबां बांगाल सान्धिखौ फेजेननानै हुहरनो हानायखौ गोब्राव नुथारबाय आं । थेंवबो जिउ थासेआव जुजिगोन आं रंमाली ।.....

दयाधि : हावलाबोर राजानि गिबि बिसि दयाधियाबो सासे गेबे गोसोनि हादर अनसुला आइजो महरे बेरखांदो। बियो अराय सम राज्यो आरो राज्योनि फोरजा फिसाफोरनि मोजोनि थाखाय आरंज गाबलांदोमोन।

बेफोरबादिनो राजा निलाम्बर धुनफावथाइखौबो गांसे जारिमिनारि धुनफावथाइ होननाने हमनाने लायोब्ला राजा निलाम्बर, फंबाय अनबोर, सान्धि गाहाइ दावहाराममोननि आखुआव हादर अनसुला सानस्त्रिया बेरखांनयखौ रोखायै नुनो मोनो।

राजा निलाम्बर : राजा निलाम्बरा गावनि राज्योखौ गोथी गोसोजे मोजा मोनोमोनखायनो गावनि सिमा नायदिदि हैदोमोन, फोरजा फिसाफोरनि सुखु-दुखुनि खौरां लादोमोन आरो रावबो दायनिगिरिया बिनि गोरा आखायजे बेंनायनिफ्राय बारगनो हायाखैमोन। गोरा गाहाइ शचिपात्रखौ राजानि बेरेखा मावनायनि थाखाय जोबथेसालियाव जोबनाने दोनदो, बांगाल नबाबनाव थानाने हादोरनि बेरेखा मावनायनि दयाव नन्दखौ सिधारनाने बिनि वेदरखौ संनाने बिफानो जाहोदो। थेवब्लाबो विथाइ बांगाल नबाबजे हादोरनि थाखाय थै-थां दावहा नानाने उनथारव दावहाधिलियावनो जिउ गारनांगी जायो।

बेबादिनो फंबाय अनाबोर, सान्धि गाहाइ दावहारामाबो खोमथाफुरि हादोरखौ गोथार गोसोजे मोजा मोनोमोनखायनो बिसोरो बांगाल नबाबजे दावहा नानाने दावहा धिलियावनो जिउ बाउनांगी जायो।

बेफोरबादिनो हारि आरो हादोर मोजा मोननायनि सावगारिया बरनि जारिमिनारि धुनफावथाइ राजा इरागदाव, सनानि माइवां आरो राजा निलाम्बर बाइदि धुनफावथाइफोराव रोखा रोखायै बेरखांदो।

### 1.5. जारिमिनारि धुनफावथाइनि गुबै बाथा (Summary of the Historical Drama) :

दिनेसिम बर, धुनलाइनि गुलुगाव गुबुन गुबुन आवदाजे रजुयोब्ला नुनो मोनोदि धुनफावथाइनि बिसानानो वयनिखुइ खमसिन आरोबाव बिनि गेजेरावबो खमसिनबाव जे बिजिनो लानाय जारिमिनारि धुनफावथाइ। सरासनसायै जारिमिनारि धुनफावथाइयाव मोनसे हारि एवा हादरनि जेन्नाय, देरहानाय गोमानाय मौल्लाय गावनाय मिनिनायफोरानो रोखायै बेरखांजे। बिनिखायनो जारिमिनारि फावधिनाखौ माहारि एवा हारि जाखिखांनयनि आयना होन्नानेबो बुंनय जायो। जारिमिनारि फावधिनाखौ सुजुनाय खामानिया सानो रोडेब्ला जोबोद गोरले मानोना बियाव सल'आ धियारि थाखावो। बिनि आनगायैबो माखासे नांज्लायनाय होनो हानायनिबो खानु दड'। जारिमिनारि फावधिनायाव सानबोलावरिया उदाडे गेलेनो राहा मोनजोबा। मानो होनोब्ला



फावथिनागिरिया सानबोलावरिजों आखुथाइ आरो जाथाइखौ सोरजिब्लाबो जारिमिननि सैथोखौबो लाखिधारनांगौ जानानै फँयो । जारिमिनारि धुनफावथिनाया इलेण्डनि रानो एलिजाबेथनि मुगायाव जोनोम जादोमोन । दा बाध्राया जावाय बर' धुनलाइयाव जारिमिनारि धुनफावथाइनि विसाना वेसेवां आरो मा मा होन्नानै बुडोब्ला बिनि फिनथि महरै जों बुंनो हायोदि, दासिम जों मोन्नो हानाय धार जारिमिनारि धुनफावथाइया गासेवो बिनो जावाय कमल कुमार ब्रह्म लिरनाय राजा इरागदाव धुनफावथाइ वे धुनफावथाइखौ ई 1963 मायथाइयाव लिरनाय जादोमोन । बिनि अनगायेबो अलंबार मुगानि लिरगिरि द्वारेन्द्र बसुमतारी लिरनाय स'नानि माइबां, राजा निलाम्बर वे गांनै धुनफावथाइखौबो जारिमिनारि धुनफावथाइ महरै बिजिरनो हायो । वे गांथाम धुनफावथाइखौ जारिमिनारि धुनफावथाइ महरै गाहायाव सुंद'थै बिजिरलांनय जाबाय ।

### 1. राजा इरागदाव :

राजा इरागदाव धुनफावथाइखौ बर' माहारि आरो बर' राज्यो गोमानायनि थार जारिमिनारि जाथाइ एबा आसाम जारिमिननि 1814 मायथाइनिफ्राय 1826 मायथाइनि गेजेराव काछार राज्योआव जानाय दुखुनांथाव बर'नि जारिमिनखौ लानानै लिरनाय जादो । काछारनि बर' राजा कृष्ण चन्द्रनि फंवाय गबिन्द चन्द्र थामहिनवा बर'नि जोवथा राजा राजा इरागदावनि राज्यो खुंनाय आरो राज्यो गोमानायनि बाध्राखौ रोखायै दिन्थिदों । जाय समाय राजा इरागदावआ काछार राज्योनि राजा जादोमोन वै समनिफ्रायनो राजा इरागदावआ सोरगिदिं सुधुरनि नोजोराव गोग्लैदोमोन आरो गावनि सान्धिफोरखौ साधिद जानो थाखै खावलायदोमोन एरै-

नांगौ तुलाराम ! नौनो हांगौ सान्धि गाहाइ नौ बर' राजानि, बोलेगोरा जोहोलाक नौ बर' बिमानि । नौनो होनांगोन मिजिक नौनो फोजोनांगोन बिमानि मुरिखौ ।

( खौरां गांसे नुगाथाम, बि. 23 )

काछार राज्योनि इसिं, नसु' आरो बायजो हादरनि माखासे सुधुरफोर समायना रमायना बर' राज्योखौ सेनानै गावसोरनि आंगो खालामनो खानु लाबाय थादोमोन बिदिनो सोरगिदिनिफ्राय सुधुरनि नाखेबनायाव राजा इरागदावा गावनि राज्योखौ नांगौ समावबो बासायनो हायाखैमोन । अनागारि सुधुंफोरनि फाव फान्दायनायखौ मोनथिब्लाबो राहा मैथै जानानै दंमोन । राजानि वे हालोदखौ नुनानै गावनि सान्धि फोरखो दुखु खालामनो गोनां जादोमोन एरै :

खोमदोन : ना जावावनो बेलसि बर'नि धोरोम बर'नि राज्यो गासैबो मुगासे उनावनो गोमा लांसिगोन (दुखु)

( खौरां गांने - नुगाथाम, बि. 48 )

उनथाराव गमामायैनो बर' राज्योआ ई 1926 मायथाइयाव *Doctrin of Lapse* खान्थिनि गेजेरजों इंराजनि आथिं सिडाव थानो गोनां जादोंमोन ।

बेफोर गासेबो जाथाइखौ फारि फारि बिजिरना नायोब्ला रोखायै मोन्दां हायो राजा उरागदाव धुनफावथाइया थारैनो बर'नि गांसे जारिमिनारि धुनफावथाइ ।

## 2. राजा नीलाम्बर :

राजा नीलाम्बर धुनफावथाइया जारिमिनारि धुनफावथाइ नंगौना नड्ड बिखौ लानानै गोबां गुलाय गुजाय जागासिनो दड', मानोना लिरागिरिया बे जारिमिनारि सल'खौ गुबुन रावनिफ्राय राव सोलायनानै बर'नि गुवै आंगो मुंफोरखौ धिसननानै होदों । राजा निलाम्बर धुनफावथाइनि सल'आ खोमथाफुरि (कमतापुर) नि खेन फोलेरनि जोबधा राजा राजा नीलाम्बरनि समनि जाथाइखौ लानानै लिरनाय जादों । मोनसे समाव राजा नीलाम्बरनि राज्योआ ग्रोम ग्रोमथारमोन । बिनि सान्थ्रिफोरनि गोहोजों रावबो हायामोन । नाथाय बांगाल नबाबनि सान्थ्रिफोरा बर'नि बे समायना खोमथाफुरि राज्योखौ सेनो नागिरनायनि मोन्दांथिखौ हमनो हानानै बांगालखौ फोथायनो गोब्राव मोन्दों । बिखायनो सान्थ्रि गाहाइयाबो बुंनो गोनां जादों एरै -

*दावहारम :* अनाबोर बांगालखौ फोथायनो हाया ।

हारि आरो गावनि आंगो हादरनि फारसे गोथार अन्नाय गोनां राजाया गावनि जिउखौ गथायनानैबो हारि आरो हादरनि मानखौ लाखिनायनि खोथाखौबो जों गाहायाव दिखांना होनाय सिरिफोरनिफ्राय मोन्नो हायो ।

*नीलाम्बर :* फोथायखेवस' बांगाल, अगेन अथार बांगालजों आं एसे दलर खाजानो ? दाबो आनि देहानिफ्राय जिउआ वारग'थाखै । थुंग्रिया बायबाय आंहा । थुंग्रिनि खलथाया दाबो दं आनि मोदोमाव फेदे दावगा ।

## 3. सनानि माइबां :

जारिमिनारि धुनफावथाइ होनोब्ला जोंनि गोसोआव रांखान्थि आरो राजखान्थिनि बाथायानो फेग्रोयो । सासेया सासेखौ गादबना दोन्नाय आरो गोहो गोराया राज्यो खुंनाय बाइदि बाइदि जारिमिनारि जाथाइ मांखासेयानो द्वारेन्द्र बसुमतारी लिरनाय सनानि माइबां धुनफावथाइयावबो दलाम जायगा आवग्रिनानै लानो हादों । बिदिन्थि बादियै *बर्धमनि* नि बुंनाय बाथाखौ लानो हायो ।

*बर्धमनि :* जेरै हागाँ एरै मालायखौ गादबनानै मालायनि देरसिन रासिन जानानै राइजो जानायानो बीरनि खामानिया । बे संसारा गोहो

गोलोन्दा गिख' बावदानि नड। बिछायनो जैरेबो गोरों गोरा  
जानानै रानी गिबिनि फिसाज्ताखौ गादब- नारदबनानै बे  
माइबां राज्योनि राजा जाथारनांगोन नों आफा।

बे सिरियाव जारिमिनारि धुनफावथाइनि मेजेरजों थारै बेरखांदों गोदोनिफ्रायनो  
बर'फोरा माइबां राज्योआव राज्यो खुंदोंमोन होन्नानै जारिमिन विलाइयानो फोरमायखांदों।

गोजौआव बिजिरबोनाय मोनथाम धुनफावथाइखौ। जों बियाव नांगीवादि  
जारिमिनारि फोरमायधि आरो नेरसोनधिफोरखौ मोन्नो हाथे।

#### 1.6 हेफाजाव लानाय बिजाबफोर (Reference Books) :

1. बर' फावथाइनि बिजिरनाय - स्वर्ण प्रभा चैनारी।
2. बर' हारिमु आरो धुनलाइ बिजिरनाय - इन्द्रमालती नारजारी।
3. धुनलाइ आरो गहेना - मनरेन्जन लाहारी।

#### 1.7. सोंधिफोर (Questions) :

1. धुनफावथाइ माखौ बुडे। बियो मोनबोसे रोखोमनि आरो मा मा बिजिरना  
लिर।
2. जारिमिनारि धुनफावथाइ माखौ बुडे? बर' धुनलाइयाव मोननो हानाय  
जारिमिनारि धुनफावथाइनि सोमोन्दै सावरायना लिर।
3. राजा इरागदाव धुनफावथाइनि लिरगिरिया सोर? बेखौ गांसे जारिमिनारि  
धुनफावथाइ महरै सावराय।
4. जारिमिनारि धुनफावथाइ माखौ बुडे? बर' समाजाव जारिमिनारि  
धुनफावथाइनि गोहोमा माबादि सावरायना लिर।
5. जारिमिनारि धुनफावथाइनि थांखिया मा। बर'नि जारिमिनारि धुनफावथाइयाव  
हादोर सिबिनायनि सावगारिया सोर सोरनि आखुआव माबादिये बेरखांदों  
सावरायना लिर।

\* \* \*

**Block-III / Unit-2**  
**जारिमिनारि धुनफावथाइ “राजा नीलाम्बर”**  
**(Raja Nilambar)**

दारेन्द्र नाथ बसुमतारि

**2.1 बेखेवनाय (Introduction) :-**

बिबार मुगाखौनो जुदि गुथै बर'धुनलाइनि गोदानै जावरि खांफिन्नाय रेनेसा मुगा होननानै जो गनायनानै लायो, अब्ला बै समखौनो बर' फावथाइ धुनलाइनिबो मोनसे गोसो खांजाथाव मुगा होननानै साननानै लानो हायो मानोना बै मुगायावनो जोनोम मोनदोमोन धुनफावथाइगिरि, खन्थाइगिरि, सल'गिरि, मेथाइ लिरगिरि, मेथाइ रोजाबगिरि, देखो होगिरि बिथां दारेन्द्र बसुमतारीया। बिथाइ क'क्राझार जिलानि सिडव थानाय गदामारी गामियाव 1902 मायथाइयाव सभाराम बसुमतारी आरो बसुमतारीनि गोबोआव जोनोम मोनो।

बिथाइ शतीस चन्द्र बसुमतारीनिफ्रयनो फावथाइनि आदब खायदाखौ सोलोनानै लानो हादोमोन। बिथानिनो “दोरसोन फाल्ला” फावथाइयानो दारेनखौ बर' फावथाइ मुलुगाव गोबां धुलुंगाखांहोदो। बिथाइ फावथाइनि फारसे गोबां रोंगोधि लानो जोबोद गोसो जादोमोन। बेनिखायनो बियो न'खरनि रावबो मोनथिया जासे कलिकातायाव थानानै बांला गाउननि रोंगोधि लाहैदोमोन। बेनिफ्राय फेफिननानैनो बिथाइ बर' फावथाइ लिरनाय आरो फोरोंनायाव गोसो होदोमोन। दारेन्द्र नाथ बसुमतारीया गदामारिनि साहा थानाय शौलमारि गामिनि बुधबारीजो हाबा जायो। नाथाय मानिवा जाहोनाव गारलायफिनो। उनाव बिथाइ पाटाकाटानि बर'फोरनि मुंदांखा करेन्द्र नारायन ब्रह्म मण्डलनि फिसाजो लेउबासिजो नैथि खेव हाबा जायो। बिथानि लिरनाय धुनफावथाइफोरव मानसिजो सोमोन्दो थानाय - जारिमिनारि, समाजारि आरो धोरोमारि सानसियानो रोखा रोखायै बेरखाडे। बिथाइ थैजासिम गासै गां थामजि (30) फावथाइ लिरलांदो। बिथाइ बेफोर फावथाइफोरखौ लिरनायनि अनगायैबो गामि गामि थानानै फोरोंहैदोमोन।

फावथाइगिरि, फोरोंगिरि, रोजाबगिरि मेथाइ लिरगिरि आरो देखो होगिरि बिथां दारेन्द्र नाथ बसुमतारिया नबेम्बर दाननि 1972 मायथाइयाव बे बहुमनिफ्राय गोमालाडे।

## 2.2 थाखि (Objective) :

दारेन्द्र नाथ बसुमतारीनि राजा नीलाम्बर जारिमिनारि फावथाइयाव सोलौनो मोनगोन कमतापुरनि खेन फोलेरनि बाध्ना। कमतापुरखौ धुनफावथाइगिरि बिथाड खोमथाफुरि बर' मुं होनातै लिरनायखौ मोननो हायो। बेनिनो खेन फोलेरनि जोबथा राजानि राज्योआ जोबसां लानानै मानादियै बांगालनि आखाइयाव थानायनि दुखु गोनां जारिमिनानो बे फावथाइयाव रोखा रोखा बेरखांदों। बेनि अतगावैबो बर'फोरनि गावजों गाव नायलायनो हायै, सासेया सासेनि देरनाय एबा मोजां हास्थायै, गावजों पाव खेसार सालायनानै खैफोदाव खोख्लैनाय जाथाइफोरानो फावथाइयाव जायगा मोनदों। जासुला फारियानि आखलखौ मिनिहोनो थाखाय सोरजिदोंब्ला बिहा फावथाइयाव गोरोम जायगा आवगिना लानो हादों मानोना बियो मिनिहोनायजों लोगोसे इयुनाव जानो गीनां माखासे खोथाफोरखौ बुंग्रोखायामोन। नाथाय बियो बेफोरबादि बाध्नाजों रावजोंबो फोथायजायामोन एबा गनायजायामोन। बुंनो थाडेब्ला बिथाड सासे इयुन बानि होया महरै फावथाइयाव नुजादों। बांसिन गोजाम फावथाइफोराव बेफोरबादि मिनि होनो थाखाय आखल सोरजिनायखौ नुनो मोननाय जायो।

बे फावथाइयाव मोनबावनो हायो फावथाइनि गेजेर गेजेर मेथाइ रोजाबनानै फावथाइखौ नायथाव खालामनाया। फावथाइनि गेजेर गेजेराव मेथाइ सोदेरनाया जाबाय गोजाम फावथाइनि मोनसे आखुथाइ बादि।

## 2.3 दारेन्द्र नाथ बसुमतारी आरो बर' फावथाइ (Dwarendra Nath Basumatary and Bodo drama) :

बर' फावथाइ मुलुगाव दारेन्द्र नाथ बसुमतारीनि मुंखौ मोनथियै रावबो गैया। बिथाड फावथाइ लिरगिरिल' नडामोन बबेखानि खन्थाइगिरि, सल'गिरि, मेथाइ लिरगिरि, मेथाइ रोजाबगिरि, देखो होगिरि आरो फावथाइ फोरगिरिमोनबो। बिथाड बिबार मुगायावनो फावथाइ लिरजेन्दोंमोन। बिथाड लासै लासै दावगाबोनाय बर' रावनि धुनफावथाइ सुजुनाय दिन्थनायाव सांग्रां राव गोनां। बिथाड शतीस चन्द्र बसुमतारीनिफ्रायनो फावथाइनि माखासे आदब खायदाफोरखौ सोलौनानै लानो हादोंमोन।

बेनि उनाव बिथाड फावथाइनि सोमोन्दै गुवारै मोनथिनो आरो मोजाडै रंगौथि लानो कलिकातायाव थानानै बांला गाउननि सोमोन्दै रंगौथि लानानै फैयो। कलिकातानिफ्राय फैफिनमारैनो बिथाड फावथाइ लिरनो आखाइ होयो। बेबादिनो बिथाड गंसेनि उनाव गांसेयै गासै गां 30 फावथाइ बिजाब लिरदोंमोन होनानातै गावनि

दोंसे लामानिनो दावबायारि आंगो सोलोंसा अलंबार पुगानि मुंदांखा फेस्ता लिरगिरि काली कुमार लाहारीनो गावनि आखाइजोंनो लिरहरनाय गांसे लाइजामनिफ्राय रोखा मिथिनो हायो। बिथाडा सोरजिलानाय गासै गां 30 फावथाइनि गेजेराव गांनैसोआ जाबाय-राजा नीलाम्बर, सुखारु-दुखारु, बिमा-बाधुल, जुली-बिजुली, सित्रांगदा, रंगालु जोहोलाव, आनासन-खालासन, निहारी, दानेक राजा, सनानि माइबं, रामसिं हाउदाल, बनबीर, सत्रसिं राजा बेफोरनो मखजाथाव।

बिथाडा, फावथाइफोरखौ लिरनानैल गालाडाखैमोन, बवेखानि भाउलिगुरि, मालागुरि, पब्वंतजरा, सौलमारि, बिनसिजरा, बालिपारी, नायसाबारि, दुलीगामि, गरजान, बेलगुरि, पाताकाटा, नारायपुर, सेरफांगुरि, खुगगुरि, बिन्याकाटा गामिफोराव बिथाडा फावथाइ फोरोंदोंमोन।

#### 2.4. फावथाइनि गुबै जाथाइ (Theme of the Drama) :

दारेन्द्र नाथ बसुमतारीनि “राजा नीलाम्बर” फावथाइनि गुबै जाथाइया राज्योनि बेरेखा हाबा मावनायनि गोरा गाहाइ शचीपात्रआ जोबथेसालियाव होनजायो। बिनिसिजरा नन्दआ राजानि हेंथायै गसनो थाखाय नबाबनि खाथियाव मदद बिहैयो। फूसैथिं नन्दखौ मोजां मोनग्रा गंलापीया गावखौ दोनखारलानांगौ समावनो नन्दआ थाब सफैफिनैलाय रानि फुलमुथिखौनो गांसे लाइजाम लिरहोयो। थाखाथिख राजा नीलाम्बरा बे लाइजामखौनो मोनो आरो रानिया नन्दजों मोजां मोनलायो होननानै हाग्रायाव होखार हरो। नन्दआ जेबला गिदिंबोफिनो अब्ला राजाया बिखौ मानसि लागायनानै बुधारहोयो आरो बिन बेदरखौ संनानै बिफानो जाहोयो। बेखौ मिथिनानै शचीपात्रआ रागाजों जेबलाउखाडे आरो जोबथेसालिनिफ्राय सोलोजों खारखोमानानै नबाबनि मददजों खोमथाफुरिखौ गोम्लेबो। नन्दखौ बुधारखानायनि उनाव गंलापीनिफ्राय थार बाध्राखौ मिथिनानै राजाया रानिखौ लाबेहोफिननायनि राहा खालामो। दावहायाव राजाया जिउ गारो आरो फोथायखेबस' गोरा गाहाइयाबो बांगालफोरजोंनो सिधार जायो।

#### 2.5. फावथाइनि आखु (Characterisation)

राजा नीलाम्बर थुनफावथाइयाव गासै सा जि (10) हौवा आरो सानै हिन्जाव आखुफोर दं। राजा नीलाम्बर फावथाइयाव सासे गोखों हादर बेंगा आरो गोखों बिजिरगिरि महरै नुजादों। सासे हादर बेंगा महरै नीलाम्बरआ गावनो राज्योनि सिमा नायदिहैनायजों लोमोसेनो फोरजानि सुखु-दुखुनि खौरां लादों। दायनिगिरिया जायानो जायाथों मानो

बिनि आखाइनिफ्राय रावबो बारग'नो हाया। गौरा गाहाइ शचीपात्र, नन्द आरो गावनि अनसुलि रानि बिसौरबो दाय मावनायनि धाखाय राजा नीलाम्बरनि बिजिरनायनिफ्राय निस्थार मोनाखौ। बांगाल नबाबआ फोथायखेबस' खालामनानै गाम्लोवफैनाय समाय बियो थै-थां दावहा नांना दावहाथिलियाव जिउ गारनाडे।

अनाबोर राजा नीलाम्बरनि फंबाय। बिबो सासे गोहो चोत्तो आखा-फाखा दावहारुमोन। बिदा-बिबाजै, फोरजा-फिसा आरो राज्योनि फारसे बिहा गोथौ अननाय दंमोन। बियो बिदानि बाध्राखौ अराय मानिग्रामोन। बेनिखायनो राजा नीलाम्बर रानिखौ हाग्रायाव दोनहैनानै फैनो होनायाव मानिनानै दोननानै फेहैरो। राज्यो आरो फोरजा फिसाफोरनि फारसे गोथौ अननाय धानाय अनाबोरा सुथुरजों दावहा नाईनो दावहाथिलियाव जिउ गारनांगी जादों।

दावहारामा खोमथाफुरि राज्योनि सान्धि गाहाइमोन। बिहा खोमथाफुरि राज्योनि राजा, रानि आरो राज्योनि फारसे गोथौ अननाय आरो सिबिनाय दंमोन। बेबादिनो राज्योनि फारसे गोथौ अननाय आरो सिबिनाय गोनां दावहारामा दावहा नाई नाई दावहाथिलियावनो जिउ गारनांदोंमोन थेवब्लाबो बियो सुधुरनि सेराव खर' गेस्लाय फेराखैमोन।

बर' राज्योनि फेस्ला फारिया आरो बांगाल राज्योनि चान्दा तस्तरपखौनि गेजेराव गोबां गोरुबलायनायखौ नुनो मोनो। जासुला फारियाया फेस्लाब्लाबो बियो इयुनाव जागोनखौ सानखां हरनो हायोमोन, नाथाय बिनि खोधाखौ रावभो मानिफेरामोन। गेजेर गेजेर राज्योनि राजाखौबो मोजां मोजां बोसोन होनायमोन नाथाय गनाय जाफेरामोन।

राज्योनि गौरा गाहाइ शचीपात्र आरो बिनि फिसाब्ला नन्दाबो फावथाइयाव गोसो गाजि महरै नुजादों। बिसोर जैरै गोसो गाजि बेबादिनो बिसोर मावनायनि फिधाइखौबो मोनजानायखौ नुनो मोनो।

खिजिरखौआ गिबियाव नबाबनि सान्धिमोन। बियो जामालखौनि उनाव सान्धि गाहाइमोन। बियो गावनि सोलोजोंनो खोमथाफुरि राज्योखौ सेनानै लानो हादोंमोन।

फुलमुधिया फावथाइयाव रानि हिसाबे रानिनि मावनो गोनां एबा राजा, राज्यो आरो फोरजा फिसाफोरखौ अननाय आरो सिबिनायखौ नुनो मोनोब्लाबो साज्रां बादिसो मोननो हायो। हाग्रानिफ्राय फेफिननायनि उनावसो बिनि आखलखौ फावथाइयाव मोजाहै मोननो हायो।

गैलापनि आखुआ फावथाइयाव गोनां जायगा आवथिना लानो हायाखै।

गावनि लुबैनायखौल' सुफुनो लुबैग्रा, नन्दनि धाखाय जावलिया महैरत' बिनि आखुआव बेरखांदों।

## 2.6. धुनफावथाइनि धुनलाइयारि गोनांधि (Leterary importance of the drama) :-

राजा नीलाम्बर धुनफावथाइया बिबार मुगायावनो फावथाइगिरि, खन्थाइगिरि, सल'गिरि, मेथाइ लिरगिरि मेथाइ रोजाबगिरि, देंखो होगिरि 'दारेन्द्र' नाथ बसुमतारीनि सोरजि। सिगाडावनो बुंखानाय जादोंदि थानानै थासान्दियाव बिथाड गासै धामजि (30) गां धुनफावथाइ लिरलांदोंमोन होननानै गावहानो अलंबार मुगानि मुंदांखा बिथाड फेस्ता लिरगिरि 'कालि कुमार लाहरिनो लिरनानै हरनाय लाइजामाव सिमान जादों। बेफोरनि गेजेराव राजा नीलाम्बर फावथाइयानो बयजोंबो अनसायजाग्रा आरो बयनिखुइबो गोसो खांजाथावसिन जानानै दड'। बे फावथाइनि सल' बिथाया खेन फोलेरनि जोबथा राजा नीलाम्बरनि समनि जाथाइखी लानानै लिरनाय। नीलाम्बरआ खेन फोलेरनि जोबथा राजामोन। बिथाड 1498 मायथाइयाव गड़नि नबाब हुछेइनसाजों दावहायाव फेजेनजानानै राज्योखी सेनानै लाजायो होननानै बिथां Sir Edward Gait साहाबा History of Assam बिजाबाव लिरलांदों।

खेन फोलेर आरो कमतापुरनि राजा नीलाम्बरनि जाथाइब्लाबो धुनफावथाइगिरिया धुनफावथाइयाव एफा-एनै सोलाय-सोल' खालामनानै। लिरदों। धुनफावथाइयाव कमतापुरनि मुंखी खोमथाफुरि होननानै लिरदों।

धुनफावथाइयाव 'दारेन्द्र' नाथ बसुमतारीया जासुला फारियानि आखुखी इंराजि धुनलाइनि मुंदांखा धुनफावथाइगिरि अइलियाम सेक्सपीयारनि मोननो गोसै आखुथाइ सोरजि Falstaff बायदिनो दारेन्द्र नाथ बसुमतारीनि जासुला फारियानि आखुथाइयाबो बर' धुनलाइनि फोथाराव मोननो गैसै सोरजिथाइ। बेफोर बादि गासैबो आखुथाइफोरखी गोबानानै लानो हानायनि धाखायनो 'दारेन्द्र' नाथ बसुमतारीनि नायजाबा दिने जोंनि आंगो, अनसायजाथाव जानानै थालांबाय। बेनि अनगायैबो राजा नीलाम्बर धुनफावथाइ बर' धुनफावथाइ मुलुगाव गोगोम गोहोम खोखनैनानै गालांबाय। बुंनो थडोब्ला बिथाडनो बर' धुनफावथाइनि माइल खुन्थिया गायसनगिरि।

## 2.7. फोजोबानाय (Sum up) :-

राजा नीलाम्बर फावथाइया गांसे दिन्थिगाथाम जारिमिनारि फावथाइ। गोदान फावथाइनि आदाबखी उन होसोनानै फावथाइगिरिया दिन्थिगाथामाव रान्दों। गोदान



आदबजों लिरनायब्लाबो बेयो गांसे गोजाम फावथाइनि सारिवावनो गोग्लैवो । जारिमिनारि फावथाइयाव आखुनि बैसो होनाय थायो- आरो समाजारि फावथाइनि बादि प्तेजनि जेवो रोखा फोरमायनाय थाया । एये-बेये आरो गावबुं बाश्राखौ गोजाम फावथाइयाव नुनो मोनो । बेनि अनगायैबो फावथाइगिरिया फावथाइनि सलखौ कमतापुरनि जोबथा राजा खेनफोलेरनिफ्रुङ्ग लादोंब्लाबो फावथाइयाव सम आरो धासारिजों खाव जाहोनायै एफा-एनै सोलाय सोल' खालामदों । धेवब्लाबो फावथाइनि गुनखौ जेवो खहा जानाय बादि नुवाखै । बेखायनो 'राजा नीलाम्बर' फावथाइखौ गांसे आवुं जारिमिनारि फावथाइ बुंनो हायो ।

**2.8. नायनो गोनां आरो फरायनो गोनां बिजावफोर (Reference and suggested readings) :-**

1. राजा नीलाम्बर - दारेन्द्र नाथ बसुमतारी ।
2. बर' फावथाइ बिजिरनाय - सर्ण प्रभा चैनारी ।
3. हिस्टरी अफ आसाम - सार इडवार्ड गेट ।
4. गोदान नोजोर आरो गोदान मोन्दांथि - उश्रिसार खंगुर बसुमतारी ।
5. गोसोखांथाव बर' सुबुंफोर - धनन्जय बसुमतारी ।

• • •

## Block-III / Unit-3

### जावलिया देवान- (Jaolia Dewan)

मंगलसिं हाज'वारि

#### 3.1 बेखेवनाय (Introduction) :

मंगलसिं हाज'वारिया गाँवसो जारिमिनारि फावथाइ लिरनानै सासे राफोद फावथाइगिरि महरै मोनथिजाबाया। बिथाइ गोदोनि बडाइगाव आरो दानि सिरां जिलानि सिडाव थानाय बिजनि ओनसोलानि बामबुरबारि (सिलबारि) गामियाव इं 02-03-1954 मायथाइयाव जोनोम जायो। बिफा खासिया हाज'वारि आरो बिमा खुलि हाज'वारिनि बिथाइ दुइसिन एवा जोबथा फिसाज्ला। 1970 मायथाइयाव मेट्रिक पास खालामनानै फारियै पि.एड. 1972, बि.ए. 1975, बि. टि 1977, एम.ए 1978 आरो "Traditional Festivals of the Boros" आयदायाव Research खालामनानै गौहाटि मुलुग सोल्लोसालिनिफ्राय 1999 मायथाइयाव Ph.D डिग्रिबो मोननो हाबाय। 1971 मायथाइयाव बिथाइ मुस्रीमा बिन्देश्वरि हाज'वारिजों जुलि जानानैबो फरायनायखौ नागराखैमोन। 1971 माइथायनिफ्राय गुदि फरायसालियाव फोरोंगिरिनि साखि मावनानै उनाव 1978 मायथाइयाव गोजौ फरायसालियाव फोरोंगिरिनि साखि मावो। बिनि उनाव बिथाइ 2000 मायथाइनिफ्राय दिनैसिमबो क'क्राझारनि Govt. College of Teachers Education नि डिन्सिपाल जानानै दं। आधिखानाव बिथाइ क'क्राझार नोगोरनि सिडाव थानाय बागानसालियाव गोजोर नबधि खालामबाय।

गावनि मुखुब संसार आरो साखि मावनायनि गेजेरजों बिथाइ हरिनि माखीसे खामानियावबो बिहोमा होबोदों। बिजनि बर'बाजार गुदि बर' थुनलाइ आफादनिफ्राय जागायनानै मिरु थुनलाइ आफादसिम बिथाइ मावफुं सोद्रोमा जाबोदों 1974 मायथाइनि र'मान हांखोनि सोमावसारनायाव Action Committee निबो सोद्रोमा जाबोदों। बिनि उनाव बिथाइ 1988 मायथाइनिफ्राय 1996 मायथाइसिम बर' थुनलाइ आफादनि सिडाव थानाय दालाइ आफाद Bodo Publication Board निबो Convenor आरो Secretary जाबोदों। वै समनि राजखान्थि हान्जा P.T.C.A. निबो मावफुं सोद्रोमा जाबोदों। गोदोनि बोखावजायै ग'वालपारा जिलायावबो बिथाइ ABSU नि

Founder Member, Central Member, Debating Secretary, आरो Treasurer बने (1970) जाबोदों। बिथाइ 1998 मायथाइयाव Gauhati University Kokrajhar Campus नि Advisory Board नि बो आफादगिरि जाखांबाय। 1990 मायथाइनि 16 मे खालि क'क्राझाराव जानाय "क'क्राझार बाथौ सिबियारि आफाद" नि लिंनाय Convention निबो Convenor मोन। वै Convention- आवनो बिथांखौ दुलाराय बाथौ गौधुम (ABRU) नि Chief Organising Secretary सायख'यो। वै बिबानाव धानाय समाव बाथौ दोहोरोपरजौ फोसावनायनि थांखियै नागालेण्डनि डिमापुर, भुटान, मेघालयनि टिक्रिकिल्ला, नेपाल, सोनाब बँगल आरो आसामनि दब-दाब जायगायाव गिदिहैदोंमोन। 2005 मायथाइनिफ्राय दासिमबो बिथाइ दुलाराय बाथौ गौधुमनि आफादगिरि बिबानाव दं।

हारिनि बाइदि खामानियाव नांथाबनाय समावबो बिथाइ बर' राव थुलाइखौ सिबिनो आरो सोरजिनो नागाराखौ। बिथांनि गोखौ आखाइनि गेजेरजौ गौनैसो बेसेन गोनां फावथाइ सोरजिनोदों। बैफोर जादों - "सिमान" (गांवा दिन्थिगासे फावथाइनि जथायनाय) 1982, सोमदोन (खौरंगाबा, Full Length) 1984, जोहोलाव देमालु (खौरां गाबा), 1990, जावलिया देवान (खौरां गाबा) 1991, हारिमु आरो सोदोमसि (खन्थाइ-राइथाइ) 1992, जथाय बिदां (रायथाइ) 1996, बैफोरनि अनगायैबो बिथाइ मुसुखा, गोदान थान्दै, बिसम्बि, खनसाय बिदां, लाइथुन बायदि बिजाबखौ सुजुनानै दिहुनदों। बिथांनि मख'जाथावसिन सोरजिया जादों - "जिउनि मोगथां बिसम्बि आरो आर'ज" (2006) जायनि थाखाय बिथाइ 2006 मायथाइयाव भारत हादोरनि मानगोनां थुनलाइयारि बान्था, "साहित्य अकाडेमी" बान्था मोननो हाबाय।

### 3.2 थांखि (Objective) :

थुनलाइनि जायखि जाया आयदायाव गावबा गावनि थांखिफोर थाखायो। बेखायनो Cicero आ बुलांदों -- "Drama is a copy of life, a mirror of custom, a reflection of truth." जौबो बुनो हायो जावलिया देवान फावथाइयावबो माखासे थांखिफोर दं। बैफोरखौ गाहायाव होनाय जाबाव-

- 1) बर' राय्योनि जारिमिनखौ मोन्थिहोनाय।
- 2) हारिनि जारिमिनारि आरो रिजिमिनारि जोहोलाव (Legendary hero) फोरखौ मोन्थिनाय आरो सिबिनो सेलौनाय।
- 3) हारिनि आंगो बाथौ दोहोरोमनि सोमोन्दै मोन्थिनाय।
- 4) समाजनि आसार-खान्थिनि सायाव गियाव होनाय।

- 5) हरिनि हरिमुनि सोमोन्दै गियान सोलौनाय ।
- 6) भुटान आरो बर' राज्योफोरनि गेजेराव गौरोबलायनायनि खौरां होनाय ।
- 7) भुटानिज आरो बर'नि आसार- खान्धि एबा हरिमुनि सोमोन्दै मोनथिनाय ।
- 8) खोमसि फोथायनायनिफ्राय गोजानाव थानाय ।

### 3.3 मंगलसिं हाज'वारि आरो बर' फावथिना (Mangalsing Hajowari & Boro Drama).

मंगलसिं हाज'वारिया आथिखालाव सासे राफोद फावथागिरि महरै मोनथि जाखाबाय । बिथाङ्कनो बर' फावथिना थुनलाइयाव मैखोम जारिमिनारि फावथाइ सोरजिदों बुंजायो । बर' थुनलाइयाव फावथिनानि अनजिमाया जोबोर खम । बेनि आंखालखौ हाज'वारि बिथाङ्क एसेब्लाबो सुफुंनो हादों । बिथानि "सिमान" दिन्धिगासे फावथाइनि अनगायै गांधाम जारिमिनारि आयुं फावथाइ (Full length drama)जों मोननो हादों । बे गांधाम फावथाइया बर' फावथाइ थुनलाइनि धरफा-धरफा सेना फिथर । बेनो जादों-- "जावलिया देवान, सोमदोन आरो जोहोलाव दैमालु" । बिथाङ्क गावनि फावथाइनि गेजेरजों खिरिमिनारि जाथाइखौ जारिमिननि आबिर सारफावनायै मोगथाङ्कव लाबोनो हाबाय । लोगोसेनो फावथाइनि गेजेरजों बर' हरिनि मोजां-गाञ्जि सावगारिफोरखौ एरखानानै फोसाबनायनि राहा लादों । हाज'वारिनि बैफोर फावथाइनि अनागायैबो जारिमिनारि बिथा गोनां गांफा गांनै फावथाइफोर जेरै-दारेन्द नाथ बसुमतारिनि "राजा निलाम्बर" आरो अनिराम बसुमतारिनि "गामवारि सिखला" आरो कमल कुमार बस्मनि "राजा इरागदाव" फावथाइखौ जों मख'नो हायो । बे गांधाम फावथाइयाबो बर' थुनलाइयाव बेसेन दं । नाथाय मंगलसिं हाज'वारिनि फावथाइया गोजी थाखोआव दंसिनो । मानोना बै गोजाम फावथाइफोरनि फोरमायनाय आदव (Technique), राव बाहायनाय (Literary terms), रायज्लायनाय (Dialogue), आखु दानाय (Characterisation) आरो माखासे बिथिङ्क गोजी थाखोनि जादों । थारै थुनो थाङ्कला बिथाङ्क बैफोर फावथाइयाव थार Dramatic situation आरो Sensation लाबोनो हादो । हरिनि थाना थानायनि गुदियानो (Origin) जादों जारिमिन । बेनि गोनांथिखौ फावथाइगिरिया समाजाव नांसार लाबोनो हादों । हाज'वारिनि मोनसे मख' जाथाव खामानिया जादों गावनि जारिमिनारि फावथाइनि गेजेरजोंबो बर' हरिनि माखासे हरिमु एबा आसार खान्धिन सावगारि एरखानाय । नाथाय गुबुन जारिमिनारि फावथाइयाव बेखौ नुनो मोननाय जाया । बे नोजोरजों जों बेखौनो थुनो हाजोदि फावथाइगिरि हाज'वारि बिथाङ्क गावनि फावथाइनि गेजेरजों हरिनि जारिमिनखौ फोथानायजों लोगोसे

हारिनि हानिमुखीबो फोथांनो नाजादों। बिथांनि फावथाइनि बेसेनखौ नायोक्ला वरं फावथाइ धुनलाइनि फोथाराव मंगलसि हाज'वारिनि मासिया अराय गोजौआव थागोन।

### 3.4. फावथाइनि गुवै बाश्चा (Theme of the drama) :

जावलिया देवान फावथाइया जारिमिनारि थैसाम गोनां दुखुनांथाव दोंसे खिरिमिनारि (legendary) धुनफावथाइ। नाथाय आधिखालाव जों बेखौ जारिमिनारि फावथाइखौनो बुनाय जायो। कुबिर आरो देवमिनि संसार जानायनि बेसेबा गोबावनि उनावसो एबा बोराइ बुरै बैसोआव बाथी बोराइनि अननायाव जावलिया देवाना जोनोम मोनदोंमोन। बेखायनो गामिनि राइजोफोराबो बेखौ गनायनो गोब्राब मोनदोंमोन आरो बेखायनो गथं गोरलैखौ खाथिनि जावलिया हाग्रामायाव गारहैयो। बेखौनो हायेन सिमा नायगिदिनो फैनाय सानै गंगार जंदादुफा आरो लथादुफा मोना गथ'खौ नुनानै लाना थाङ्गे आरो गिदिर-गोलाउ खालामहैयो। बोराइ बुरैया गथ'खौ जावलिया हाग्रामायाव मोननायखायनो जावजें एबा जावलिया मुं दोननायसै। गथं गथाय गैजायैलाय बोराइ बुरैया जावलियाखौ जोबोर अनसोगारोमोन। सानसेखालि जावलयानि उन्दै समनि सोलो बोलोखौ नुनानै भुटान राजा देवधर्मवा सोमो नांदोंमोन उनाव सानसे गावनि राजदरबाराव लानानै फेंदेरहैयो। बै समावनो जावलयानो धुग्रि सिबनाय, गराइ दाब्रायनाय, हाजो गाखौनाय आरो दावहानानाय खामानिखौ फोरोंदोंमोन। राजफोलेराव धानाय समावनो जावलयया माखासे गोमोथाव खामानि गावनानै दिन्धिबावदोंमोन। बेखायनो राजायाबो जोबोर गोजोननाय मोनदोंमोन। जावलयियाखौ जेरैबो आखा फाखा नुनानै राजाया सानसे हायेन राज्योनि देवान खालामो। लोगोसेनो गांसे गोरोबथा (सनद)नि गेजेरजों हायेन राज्योखौ जावलिया देवाननो हगारनानै होयो। राजानि बे खामानियाव राज्योनि बयबो गोजोनदोंमोन। नाथाय सान्धि गाहाइ सेंसी खामफारा एसेबो सहायनो हायाखैमोन। जाथनि थाखाय बियो राजदरबारनि जधुमनायाव अजद दैखांदोंमोन। हायेन राज्योनि देवान जानाय लोगो लोगोनो जावलिया देवाना हायेनाव फैनानै बाबाथि गामिनि गोर गहाइ बेमाफारियारि न'आव साननैसो थाफिथ'यो। बै समावनो गाव लाबोफानाय थामानि गोरबथा बिलाइखौ नांगौक्लानो लांफिनगोन होननानै बेमाफारियानो दोनथ'नो होयो। लोगो लोगो फारियाबो गोरबथा बिलाइखौ मोननो लुवैबाय। हायेन राज्योनि देवान जानायनि सिमां रनसायबाया। बेनि आसायावनो नंखायै गावनि फिसाजो सिबिरि आरो देवानजों मोजां मोनलायनायनि दाय फोनानानै देवानखौ गाजि गाजि रायनानै गावनि न'निफ्राय होखार हरो। देवाना थानोसे समान गोरबथा बिलाइखौ बिफिनदोंमोन। नाथाय बेमाफारियाया होफिननो राजि जाथाखिसै। फारियानि बेबादि आखलाव देवाना

बर' एवा हायेन राज्कोखी गाग्लोबनायसै। लोगो लोगो हायेन राज्कोआव अल'खद फेनायसै। जावलिया देवाननि हेंथायै गसनो बेमाफारियायाबो इराज सान्धि गाहाइ दगर पेनल'जो सिरि सिरि सावरायनानै हेफाजाव बिहैयो। लोगो लोगोने जावलिया देवान आरो इराज सान्धिनि गेजेराव गिलु बालु दावहा जायो। फोरसेथिं बे दावहानि बाध्राखी खोनानानै भुटान राजाया सेंसौ खामफानि दैदेननायाव रोजाब्रै सान्धि दैथायहरदोंमोन। सेंसौ खामफायाबो बे सनानि खाबुखी नागराखिसै। जावलियो देवाननि सायाव खिथेर होखारनो राजाया हरनाय सान्धिफोरखी इराज सान्धिजोंसो गोरुबहोनानै जावलिया देवाननि हेंथायै दावहा नाडे। जायनि थाखाय जावलिया देवाननि सान्धिफोर दावहायाव जेननांगी जायो। जौबथारनाथाव दावहायाव मंग्लनाय आरो दै गांहावनाय देहाखी धाजिम खालामनो जावलिया देवाना आलाइखुंग्रि दैसायाव मोनहैदोल'सोमोन। अब्लानो फोथायखेबस' सेंसौ खामफाया इराज सान्धिखी बिथोन होनानै जावलिया देवानखी थबस दानस'थो। लोगो लोगो जावलिया देवाना संसारनिफाय अरायनि थाखाय गोमोरलाडे। आलाइखुंग्रि दैसानि दैयाबो जावलिया देवाननि गोजा थैजों जाहावलाडे। अदेबानि सेंसौ खामफायाबो गावनि वै खामानिनि थाखाय भुटान राजाया थार बान्याखीनो होदोंमोन।

### 3.5 आखु दानाया (Characterisation)

आखु दानाया फावथाइनि मोनसे गोनां आयदा मानोना आखुथाइ गैयाब्ला फावथाइनि सल'खी फसनांगौवा गोब्राव। बिदिनो सल' नझब्ला आखुफोरखीबो बेरखांहोनाया जाफुंसारा। जावलिया देवान फावथिनायावबो माखासे आखुफोर दं। नाथाय बेवहाय जावलिया देवाना गाहाइ आखु (Hero) महरै जायगा मोनदों। बेखीनो जों Round Character जो बुंनो हायो। माखासे आखुफोर Flat एवा Type Character महरै जायगा मोनदों। जावलिया देवाना फावथिनानि गाहाइ मानोना बिनि गोहो गोलोन्दां मावनाय दानाय, साननाय हनाथा फावथिनायाव जागाय जेननायनिफाय जौबजासिम जोहोलावनि सानसि दं। जावलिया देवाननि मावफारिखी नोजोर होयोब्ला बे फावथिनाखी William Shakespeare नि Macbeth बादिनो आखु गाहाइ (Character based) फावथिना बुंनो हायो। बे बिथिझव फावथिनागिरिया देरहासार जादों।

बे फावथिनायाव थानाय माखासे Type Character फोरनि बाध्राखी एंगार जाया। मानोना बिसोरबो फावथिनानि जाथाइखी दावगालानायावल जोबोर हेफाजाव होदों। जावलयानि बिमा बिफा कुबिर आरो देवसिया सानबोलावरिजों सोरजिजानायब्लाबो बिसोरनि गोजेरजों गामियारि साधसन (Simple) जिउ खानायनि

सावगारिया बेरखांदों आरो फावथिनाखीबो साधारन एबा गोरलै आबहावाजों जागाय जेननायाव (exposition) हेफाजाव खालामदों। गंगार बोराइ बुरै जंदादुफा आरो लथा दुफा लोगोसेनो भुटान राजा देवधर्म आखुफोरनि गेजेरजों एबा हेफाजावाव जावलिया देवाननि गोहो बोलोआ मोगथाडव आवुं महर मोनदों आरो जावलिया देवानखी साने गाहाइ आखु (Hero) जानायाव हेफाजाव होदों। वै आखुफोरनि गेजेरजों फावथिनानि खारथाइया दावगानायाव Rising Action, Growth of Action, Complication) सहैनो हादों। बिसोर नडमोनक्ला जावलियायाबो देवान जाहैनाय खाबुखी मोननाय नडमोन। फावथिनानि आरोबाव सासे गुवै आखुआनो जादों बेमाफारिया। बेखीबो फावथिनागिरिया नांगौ बादिथै सोरजिदों। भुटान राजाया जावलिया देवाननो हरफानाय गोरोबथा बिलाइखी मोननो लुबैनानै बेमा फारियाया फानदायदोंमोन। फारियानि मावनायनि गेजेरजों फावथिनाया जौथा-जेना एबा थिखिनि जेनायाव (Climax, crisis, Turning point) दावगाफैयो। फारियाया बे खाबुखी लादोंमोन सिखिरि आरो देवानजों देबोरसे मोजां मोनलायनायनि गेजेरजों। नाथाय खामफाया बुनो नागिरो सेंसौ खामफाया जावलियाखी देवान खालामनायाव मंगन सानाय समनिफ्रायनो फावथिनाया Turning point जादों। बे जानो हाया मानोता वै सम लोगो लोगो सेंसौ खामफा आरो जावलिया देवाननि गेजेराव जेबो रोखोमनि मोगा मोगि Action) जायाखै। अदेवानि जेक्ला सेंसौ खामफानो भुटान राजाया रोजाब्रै सान्धिखी जावलिया देवाननो हेफाजाव हैनो थिनहरो अक्ला खामफाया इराज सान्धिजोंसो लोगो जाहैयो। सेंसौ खामफानि बे मावनायाव फावथिनानि खारथाइया जेना जोवथांखि (Falling Action, Resolution, Denovement) एबा जोवनायाव फैयो। खामफानि बे खामानिनि थाखायनो जावलिया देवाननि गोसोआबो थेर बेथेर जानाइ। जोवथारनायाव इराज सान्धिफोरा जावलिया देवानखी आलाइखुंघि दैसायाव थुंघिजों दानसनाय खामानिया फावथिनानि खारथाइखी फोजोवनायाव (Conclusion, Catastrophe) लाबोदों। जों नुनो मोनबायदि फावथिनानि गासै मावनाय (movement) एबा खारथाइखी थांखिखानाय सिमना हांखो (dramatic line) नि मोननप्रोमबो बाहागोखी बंफोर आखुजों फावथाइगिरिया बेरखांहोदों। बिदि होननानै फावथिनानि गुबुन माखासे आखुफोरखी बेसेन गैया बुंजाया। बिसोरबो फावथिनानि जाथाइ आरो गुवै आखुफोरखी दावगानाय आरो जाफुंसारनायाव हेफाजाव खालामदों। फावथिनानि गासै आखुफोरखी नायानानै जों बुंनो हायो फावथिनागिरिया नांगौ बादिनो आखु सोरजिनानै नांगौ समाव बाहायदों। फावथिनायबो आवुं महर मोनदों आरो त्तिरागिरियाबो देरहामार जादों।

### 3.6 फावथाइनि थुनलाइयारि बेसेन (Literary importance of the drama)

बर' थुनलाइनि बैसोआ दाबो गोरलैखीनो बुंजायो। बर' थुनलाइयाव फावथिनानि बैसोआ आरोबाव गोरलैसिन। फावथाइ थुनलाइनि बिथिंखी नोजोर होब्ला जों दिन्थि गासे फावथिनाखीनो (One Act Play) मोनग्रोयो। 1940 मायथाइयाव ओंखारनाय आनन्द मोसाहारि "लेखा गोरों हौवा आरो लेखा रोडै हिन्जाव" फावथिनायानो गिबि दिन्थिगासे फावथाइ महरै ओंखारो। 1960 निफ्रायसो बर' थुनलाइयाव आबुं फावथाइनि (Full length drama) जोनोम जायो। दासिम ओंखारनाय फावथाइफोरनि जाथाइ आरो टाखुथाइफोरखी (Characteristics) नायनाने समाजारि, विरिमिनारि एवा जारिमिनारिनि बाहागोआव राननो हागौ। नाथाय बैफोर फावथाइया दाबो बर' फावथाइ थुनलाइनि बाखिखी नांगी बायदियै सुफुनो हायाखै।

डः मंगलसिं हाज'वारिनि सोरजि 1991 मायथाइयाव दिहुननायय "जावलिया देवान" फावथाइयावो गांसे बर' थुनलाइनि गोगोम सोरजि। लिरगिरिया गावनि थुनलाइयारि गोखों आदबजों हारिनि खुगायाव रोमै रोमै खोनानाय बर' हारिनि जोहोलावनि धार जारिमिनखी मोगथां महर होदों। गोमालानाय जोहोलाव जावलियानो जिउ होफिनदों। बे खौरांखी फावथाइगिरिया फावथाइनि गेजेरजों फोरमायनायाव देरहासार जादों। हारिनि गेजेराव नांसार (sensation) लाबोनो हादों। फावथाइयाव बाहायनाय सब (language) आखु सोरजिनाय (Characters) बाथा रायज्जायनाय (dialogue), सावगारि एरनाय (creation of dramatic situation) बेफोर बाख्नायथाव आरो फरायथाव जादों। सोमदोन, जोहोलाव दैमालु, राजा इरागदाव, गामबारि सिख्ला, राजा निलाम्बर, सनानि माइबां बैफोर जारिमिनारि फावथाइनिखुइ जावलिया देवान फावथाइनि मासिया एसेब्लावो हारिमुखीबो फोथानाने लाखिनो नाजानायखी नुनो मोननाय जायो। फावथाइनि गासै बिथिंखी नायोब्ला जों बुंनो हायोदि फावथाइ एवा थुनलाइनि जा थांखि (aims & objects) थायो आरो थुनलाइनि मोनसे बाहागो हिसाबै "जावलिया देवान" फावथाइयावो बे थांखियाव देरहासार जादों।

दिने "जावलिया देवान" फावथिनाखी मेगन गुनु लेखा गोरों राज्योफोराल' फरायनाने बिनि बिदैखी सोबनो हादों। जावलियाया देवान फावथाइनि अनगायैबो बर' थुनलाइनि गुबुन गुबुन फावथाइफोरखी सायनासालियाव दिन्थिनायनि राहा खालामोब्ला हारिनि बयबो बिनि गोदै बिदैखी सोबनो हागोन आरो हारिखी फोसाबनायजों लोगोसे फोजौनायाव बेसेबा मदद होगोन। जायखि जाया फावथाइगिरि मंगलसिं हाज'वारिनि "जावलिया देवान" फावथाइया बर' थुनलाइनि मोनसे बेसेन मोनां माइलखुनथिया। जावलिया देवान फावथाइनि बोसोना (message) बर' हारियाव अराय गोसारथों। बे जादों थुनलाइनि दोहोरुम।



### 3.7 सार बाहागो (Summary)

जावलिया देवान फावथाइया मोनसे दुखुगोनां जाऱिमिनजों सोमोन्दो गोतां खिरिमिनारि फावथाइ। कुबिर आरो देवसिनि बेसेबा गोबाव संसार जानायनि उनाव आफा बोराय बाथौनि बोर मोननानै देवसिनि गोरबोआव जोनोम मोननाय आगोमा फिसा बेनो जादों जावजें एबा जावलिया। बेनो उनाव जावलिया देवान जाहैयो। कुबिर आरो देवसिनि बोराइ बुरै बैसोआव गथ' जोनोम जानायलाय जावलियाखौं गामिनि राज्योफोरा गनायनानै लानां हायाखैमोन. जायनि थाखाय जावलियाखौं जावलिया हाग्रामायाव जोनोमनि उनाव गारहैदोंमोन। बै समावनो भुटान राज्योनि सिमा नायदि फैनाय गथ' गैजारोडै सानै गंगार बोराइ बुरै जंदादुफा आरो लथादुफा मोना जावलियाखौं लानां खाहैयो।

गोजोनथाव बाश्नादि जंदादुफा आरो लथादुफानि आलो आलो अननायाव जावलियायाबो सानफा एफा देरबोनो हमबाय। बिनि सोलो बोलोयाबो बारनिफ्राय बारा जाबोनो हमबाय। मोसौ गुमनायाव गेलेनाय, खमलायनाय बाइदि आयदायाव बयखौंबो फेजेनग्रा जाबाय। बेखायनो लावखाफोराबो जावलियाखौं सैया जाबाय। जावलियानि सोलो बोलोखौं नुनानै आफा बोराइ बाथौआ जोबोर गोजोनदोंमोन आरो सासे बोराइ मानसिनि महरै नुजानानै जावलियानो माखासे गोहो बोलो जानायनि बोर होलाडे।

भुटान राज्योनि राजा देवधर्मवा सानसेखालि राज्योनि सिमा नायदिनो फैनायाव जावलियानि उन्दै समावनो बेबादि सोलो बोलोखौं नुनानै सोमो नांलाडे। उनाव राजाया गावनि राजफोलेराव लानानै गिदिर गोलाउ खालामहैयो। राजफोलेराव थानाय समावबो जावलियाया माखासे सोमोनांथाव खामानि मावनानै दिनथिबावदोंमोन। भुटान राज्योनि सान्धि सादोरसिं आरो रुपसिं सानैखौं थुंग्रि दानथेलायनायाव जावलियाया गोरलैयैनो फेजेनदोंमोन। बिनि अनगायैबो लखा, मोसाखौं हारसिनो बुधारनानै गावनि गोहो बोलोखौं दिन्थिदोंमोन। मैदेराव खेबसेयैनो बारखोना जना दिन्थिदोंमोन। भुटान राज्योनि गोथार सान लसाल रंजाथाइयाव सान्धि गाहाइ सेंसौ खामफाखौं खमलायनाय, थुंग्रि सिबनाय बादायलायनायाव फेजेननो होदोंमोन। थारै बुनो थाडेव्ला जावलियाया लेखा फरायाव, दाहाल थुंग्रि सिबनायाव, हाजो गाखोनायाव, दावहायाव, दैयाव, अराव, जेरावबो आखा फाखामोन। जावलियानि बेबादि गोहो बोलोखौं नुनानै भुटान राजा देवधर्मवा जोबोर गोजोनदोंमोन आरो सानसे खालि गोथार फुरनिमा अखाफोर दानसेरां मोनाबिलिनि जथुमाव गाजा गोमजायै बरायना जोहोलाव जावलियाखौं गावनि आगदा आखानथि खालामनायजों लोगोसे बै साननिफ्रायनो दुलाराय हायेन राज्योनि देवान खालामबाय होननानै फोसावो। लोगो लोगोनो मोनसे गोरबथा बिलाइ (सन्द) नि गेजेरजों हायेन

राज्योखौ जावलिया देवाननि मुझव हगारना होयो। जावलियानो बे देवाननि चान्था होनायाव भुटान राजदरबारनि बयबो गोजोनदोंमोन। नाथाय सान्धि गाहाइ सेंसौ खामफाया राजानि बे खामानियाव एसेबो गोजोननाय गैयामोन। जायनि थाखाय बे साननिफ्रायनो सेंसौ खामफाया जावलिया देवाननि सुथुर जानानै थायो। जावलिया देवाना हायेन राज्योनि देवान बिबानखौ मोननानै जोबोर गोजोनदोंमोन आरो हायेन राज्योअँ लोगोसेनो भुटान राज्योखौ फेहेरनायनि सिमां रनसायदोंमोन। देवाननि खामानिखौ मावफुंनो थाखाय जावलिया देवाना गिबियाव बल्लामगुरि आरो उनाव बावधि गामिनि बेमा फारिया न'आव खालामोन थालामी फैलाय बिदिनो जावलिया देवान आरो बेमाफारियाअँ फोथाराव दावहा नाडे। राज्योनि रोखा रोखा सावगारि गोनां सानजाहा मानास दैमा, सोनाबहा संक'स दैमासिम, खोलाहा बुरलुंबुथुरसिम सिमना थिखानाय भुटान राजाया जावलिया देवाननि मुझव हगारना होनाय थामानि गोरोबथा एबा सनदखौ दोनथ'नो होदोंमोन। बे गोरोबथा बिलाइयाव खाजोना खांनायअँ लोगोसे मैदेर हमनाय, आरो दंफां मइलनिबो मोनथाइ दंफायोमोन। बे गोरोबथा बिलाइया इयुननि मोनसे गोनां बिदिन्थि जानानै थागोन। बेखायनो बिहा गोथां बेसेन दं। नांगौ जाप्लानो बेखौ देखांना लांफिननायनि बाध्रा। दुखुनाथाव बाध्रा बे गोरोबथा बिलाइयानो जावलिया देवाननि जिठ आरो बर' राज्योआव अल'खद लाबोयो। बे गोरोबथा बिलाइखौ बेमाफारियाया मोननो हांखुर जादोंमोन आरो हायेननि देवान जानायनि सिमां नुदोंमोन। जावलिया देवाननि बेरेखायै गसंनो सिरि सिरि सुलु नागिरदोंमोन बेमाफारियाबो बे खावुखौ लोदोंमोन जावलिया देवान आरो सिखिरिमोननि दाबोरसे मोजां मोनलायनायनि गेजेरअँ। जावलिया देवानखौ नंखाय दाय फोनांनानै बेमाफारियाया गात्रि गात्रि रायनानै न'निफ्राय होखार हरो। थानोसे समाव जावलिया देवाना गोरोबथा बिलाइखौ बिफिनदोंमोन। नाथाय बेमाफारियाया बेखौ हरनो रात्रि जायाखिसै। बेमा फारियानि बे आखलनि थाखायनो जावलिया देवाना हायेन राज्योखौ गाम्लोबनो गोनां जायो। फारसेथिं बेमाफारियाया जावलिया देवानखौ फेजेननायनि थांखि लानानै बृटिसनि सान्धि गाहाइ डगर पेनल'नि खाथियाव हेफाजाब बिहैयो। लोगो लोगो जावलिया देवान आरो बृटिस सान्ध्रिनि गेजेराव गिलु-बालु दावहा जायो। बे खौरांझ भुटान राजदरबारावबो गोसारहैदोंमोन।

जावलिया देवान आरो बृटिस सान्ध्रिनि गेजेराव जानाय दावहायाव सान्ध्रिनि गोनांथिखौ मोनथिनानै भुटान राजा देवधर्मवा इराजनि बेरेखायै दावहा नांनो रोजात्रे सान्ध्रिखौ सान्धि गाहाइ सेंसौ खामफानि दैदेननायाव हायेनसिम थोनहरदोंमोन। नाथाय सेंसौ खामफाया बे सान्धि हान्जाखौ लानानै इराज सान्धि हान्जाअँसो लोगो जाहैनायसै। दुखु नांथाव बाध्रा, जावलिया देवाना देरहानायनि लामायावसैमोन। सेंसौ खामफानि बे फोथायखेबस' खालामनायाव जावलिया देवाननि गोरबोआ रोहो रोहो खामगिलयो।

थाना थानायनि सिमाडव खेरबेथेर जानायलाय थानाने थानो गोसो गैया। बेवादि जेरबो मोग्लिनाय देहाखी थजिम खालामनो जावलिया देवाना आलाइखुंग्रि देसायाव दे लोनो नागिरदोमोन। फोथायखेबसं सेसै खामफाया बेखीबो खाबु होवाखिसै। वे समावनो सेसै खामफाया इराज सान्श्रनि आखाइजो जावलिया देवाननि गौदनायाव धवस दानसथो। लोगो लोगो जोहोलाव जावलिया देवाना वे संसारनिफाय अबधिस गोमोरलाडे। नाथाय बेमाफारिया आरो सेसै खामफानि हायेननि देवान जानायनि सिमाडवो थेर बेथेर जालाडे। वे समनिफायनो हायेन रान्योआ इराजनि आखाइयाव थाडे।

### 3.8 हेफाजाब बिजाबफोर (Suggested readings) :

- 1) सोमदोन - मंगलसिं हाजवारि
- 2) जोहोलाव दैमालु - मंगलसिं हाजवारि
- 3) राजा इरागदाव - कमल कुमार ब्रह्म
- 4) धुनलाइ बिजिरनाय - गुनेश्वर मोसाहारि
- 5) भावथिना सानथौ - मनरेनजन लाहारि।

\*\*\*

**Block-IV / Unit-1**  
**गोदान थुनफावथाइ**  
**(Background of the Social Drama)**

**1.1 बेखेवनाय (Introduction) :**

आसामाव बृटिश खुंथाइया जागायनाय लोगो लोगोनो असमीया थुनलाइयाव अंकीया नाट सुजुनायनि दाहारा बोहैगानो लामा लार्दोमोन आरो गोदान थुनफावथाइ सुजुनायनि दाहारा बोहैनो हमदोमोन। गामि गफाफ्राव अंकीया नाटनि गोजाम दाहारा एफा एनैवै सोलिदोमोनब्लाबो नोगोरनि गोरों गोरफोरनि गेजेराव सोनाबारि गोदान थुनफावथाइनि दाहारा बोहैनो हमबायमोन। बेनिखायनो वै समाव खायसे थुनफावथाइखौ असमीया रावजों गुबैवै सोरजिनायनि अनगावैबो इराजी आरो बांला रावनिफ्राय राव सोलायनायबो जादोमोन।

असमीया थुनलाइनि बादि बर' थुनलाइयाव गोदान थुनफावथाइनि दाहारा एफाग्राव थावै बोहैयाखैमोन। मानोना बर' थुनलाइनि जोनोमानो बेसेबांबा गोबावजोंसो जाखादोमोन। बर' थुनलाइ जोनोम जानाय सिगां (बिबार मुगानि सम) जोनोम मोननाय थुनफावथाइफोरा गोजाम थुन फावथाइमोन आरो बैफोर बांसिनावनो भोगथाइव जाथावि माखासे जाथाइफोरखौ फावथाइनि महर होनाय जादोमोन, बांसिनाओ इनायनि जेननाय, सैथोनि देरहानायखौ फोरमायनाय जादोमोन। बबेखानि वै समनि बांसिन थुनफावथाइनि लिरबिदांखौ मोनिनि जाहोनावबो गोदान थुनफावथाइया जोनोम मोनमारदोना मोनमाराखै बेखौ बुंनो गोब्राव जायो। नाथाय जा गांफा गांनैनि लिरबिदांखौ मोनदों बैफोर गासैबो गोजाम थुनफावथाइनि सारियावसो गोलैयो।

बर' थुनलाइखौ गाहाइयै मोननै बाहागोआव राननो हागौ। बैफोर जादों- (क) गोजाम थुनलाइ आरो (ख) गोदान थुनलाइ। बर' लिरनाय थुनलाइनि जोनोमनिफ्राय बर थुनलाइ आफादनि जोनोमसिम गोजाम थुनलाइ आरो बर' थुनलाइ आफादनि जोनोमनि उननिखौ गोदान थुनलाइ होनना हमनाय जायो।

समाजारि थुनफावथाइया गोजाम थुनलाइनि सिडव सावरायजानाय आयदा नड, गोदान थुनलाइनि सिडव सावरायजानाय आयदासो। बेनिखायनो गोदान थुनलाइनि सायाव बर' रावाव मा बादि मा बादि समाजारि थुनफावथाइफोर लिरनाय जादों बेखौसो बेवहाय सावरायनाय जागोन।

**1.2 थांखि (Objective) :**

- (क) बेयाव बर'नि समाजारि थुनफावथाइनि फोरमायथि होनो नाजानाय जागोन।
- (ख) बेयाव बर'नि समाजारि थुनफावथाइनि जारिमिनखौ फोरमायनो नाजानाय जागोन।

- (ग) बेयाव समाजारि थुनफावथाइया गोदान थुनलाइनि मोनसे बाहागो आरो समाजारि थुनफावथाइनि बेंखनावनो न'खरारि थुनफावथाइ मुनि रोखोमसे थुनफावथाइ थावावनायनि थाप्राखौबो फोरमायनो नाजानाय जागोन ।
- (घ) बर' थुनलाइयाव मा बादि सल' गोनां समाजारि थुनफावथाइ मोनो बेनि सोमोन्दैबो बेयाव फोरमायनो नाजानाय जागोन ।
- (ङ) समाजारि थुनफावथाइया बर' समाजाव मा बादि गोहोम खोलैदों एवा खोलैयाखे बेनि सोमोन्दैबो बेयाव फोरमायनो नाजानाय जागोन ।
- (च) समाजारि थुनफावथाइया मा मा आखुथाइ दड' बेनि लोमोन्दैबो बेयाव फोरमायनो नाजानाय जागोन ।

### 1.3 समाजारि थुनफावथाइनि जारिमिन :

समाजारि थुनफावथाइ गोदान थुनफावथाइनि मोनसे बाहागो होननानै आवगायावनो मुख बोखानाय जादों । गोजाम थुनलाइनि समाव बर' रावजों मावाफोर समाजारि थुनफावथाइ सोरजि जादोंमोनब्लाबो रोखा फोरमाननि आखात्ताव बर' थुनलाइयाव समाजारि थुनफावथाइनि जोनोमखौ गोदान थुनलाइनि समनिक्रायसो हमनाथ जादों होननानैबो एसे सिगाडवसो मुख' बोखानाय जादों । बे बादियैनो माखासे बर' थुनफावथाइनि लिरबिदांफ्रा बिदिन्थानि बिखायाव गोमालांवाव ।

बर' थुनफावथाइखौ सिगां सिगाडव लांदां सायनासालियाव (Open Air Stage) दिन्थिनाय जादोंमोन । लांदां सायनासालियाव दिन्थिनाय समाव बेफोरखौ जात्रा गान एवा जात्रा गावन होननानै मिथियोमोन । 1952 मायथाइनिफ्राय बर' जात्रा गावननि साहिदाया जोबोद बांबोदोंमोन । हावा-हुखा, भ'ज, खेराइ-जेरावबो बेफोरखौ दिन्थिनाय जादोंमोन । गोबां बर' गानिक्रावनो जात्रा गान दिन्थिया हान्जा आरो फोरोंग अस्तादफोर जोनोम जादोंमोन । जात्रा गानफ्रा मोनाबिलिनिफ्राय सोरंजामिम सोलिगामोन । मानसिफ्रा बेफोरखौ नायनानै आबु गोजोननाय लागामोन । थुनफावथाइफ्रा बांसिनानो जारिमिनारि आरो मिजिं जारिमिनारि (Imaginary historical) आरो सानबोलाउरिनि गाव गोनांमोन । नायग्राफोरखौ गोजोन होनायातों जात्रा गाननि गाहाइ थांखि जानायलाय थुनफावथाइनि गेजेर गेजेर मिनि होनो हाया साफा सानै फेरला आखुखौ सोफानाय जावोमोन ।

1960 सोयाव बर' थुनफावथाइया लांदां सायनासालिनि सोलाय फावथिना सालियाव (Theatre) गाखोयो । गोलो लोगोनो थुनफावथाइनि सम आरो आयदायाबो एफ्रा एनै सोलाय सोल' फेयो । जात्रा गानाव हरफा थाला थुनफावताइ दिन्थिनायनि जायगायाव फावथिनासालियाव बेनि समा सुंनाने धन्टा मोनने-मोनथामसो जाफैयो आरो आयदाया जारिमिनारि एवा मिजिं जारिमिनारिनि सोलाय बांसिनानो समाजारि जाफैयो । कमल कुमार ब्रह्ममोन बादिनि नाजानायाव कक' राजाराव बिधराय आफाद आरो जेबारि आफादफोर बादि फावथिनासालियाव फावथिना दिन्थिया आफादफोर

जोनोम लाना राइजोफोरनि गेजेराव गोदान आदबनि थुनफावथाइनि थावनायखौं एनसावनानै होदोमोन । नाथाय दुखुनांथाव बाथाया जादो थुनफावथाइ आयदाखौं जौगाहोनो थाखाय बै समाव बर' ओनसोलफ्राव थोजासे फावथिनासालिनि आंखालमोन आरो बे आंखालानो दासिमबो दोंगासिनो दडं । आधिखालाव साफा सानै गोसो गुदुं मानसिफोरनि नाजानायाव मोनफा मोननै थियेटार हान्जाफोर जोनोम लाना जायगा लायै जायगा अरायथा नडि फावथिनासालि खालामनानै दिन्थिनो लार्दोब्लावो बर' थुनलाइयाव थुनफावथिना आयदाखौं जौगा थाखाय जायगा लायै जायगा माखासे अरायथा फावथिनासालि जोनोम होनाया गोनांथार ।

गोजाम थुनलाइनि समाव 1940 मायथाइयावनो बर' थुनलाइयाव समाजारि सावगारि एरखानाय थुनफावथाइनि जोनोम जाखावायमोन । नाथाय बेथो आवुं थुनफावथाइ नडामोन, गांसे खौरां गांसे थुनफावथिनासोमोन । बेथो जादोमोन आनन्द मुछाहारीनि लेखा गोरों हौवा, लेखा रोडै हिन्जाव । बेनि उननिक्राय गोजाम थुनलाइनि समाव समाजारि सावगारि गोनां गांसेबो खौरां गांसे थुनफावथाइ ओंखारखैमोन होननानै बुंजायो । गोदान थुनलाइनि समावसो 1960 नि उननिक्राय बेफोर बादि खौरां गांसे थुनफावथाइया ओंखारफिननो हमो । बेराफारसेथिं खौरां गाथाम एवा खौरां गाबा समाजारि थुनफावथाइफ्रावो बर' थुनलाइयाव 1960 नि उननिक्राय ओंखारजेननो लामा लायो । बेफोरनि गेजेराव मनरेन्जन लाहारीनि हांमा-हांसा (1959) आसे आनारी (1993) कमल कुमार ब्रह्मनि गोदान फैसालि (1963), मिमांनि सिमां 1995), हरबादि खोमसि आरो जतिन्द्र नाथ बर'नि सिगुन राजा (2006) फोरानो मुंख'जाथाव । बेफोरखौं नोजोर होयोब्ला नुयो बर' थुनलाइयाव समाजारि थुनफावथाइ जोनोम जावायब्लावो बेफोरनि अनजिमाया दासिमबो आसि बिजौआव सानजोबनो हानायावनो दड' । बेनि जाहोना नांगौ ज'खानि फावथिनासालिनि आंखाल आरो थुनलाइनि गुबुन बाहागोफोरनि गेजेराव थुनफावथार सोरजिनाय आरिमुवा गोब्राबसिन जानायनि थाखाय होननानै सानजायो । समाजारि थुनफावथाइखौं मोननै बाहागोआव बोखावबावनो हांगौ । बेफोर जादो- (1) मिनि होनाय एवा मिनिनाय बिदैगोनां आरो (2) गोमजोर सामाजारि थुनफावथिना । सुबुं एवा समाजनि सायाव गोथौ नोजोर होवालासिनो सा साज्रां नोजोरजो बायजोनिफ्राय नुनाय गेना गोरोन्थिफोरखौं फुंखा बादि लाना मिनिथाव सावगारि बीयोब्ला बेफोर बादि फावथाइया मिनिहोनाय एवा मिनिनाय बिदै गोनां समाजारि थुनफावथाइ जायो । बेफोर बादि थुनफावथाइयव सुबुं एवा समाजनि सिडव थुनफावथाइगिरिया हावनो नाजाया । बर' थुनफावथाइयाव दासिमबो बे रोखोमनि समाजारि थुनफावथाइ नुनो मोननाय जायाखै । मिनिहोनायजो लोगोसेनो बेफार बादि थुनफावथाइयाव समाजखौं फोसावनायनि थांखिबो हावफाना थायो ।

गोमजोर समाजारि थुनफावथाइयाव थुनफावथाइगिरिया सुबुं एवा समाजखौं सा साज्राडैल' नायालासिनो सुबुं समाजव नुजानाय जेनाफोरखौं आरो बेफोरनि जाहोनखौं नागिरना दिहुननो हांखुर जायो । समाजारि थुनफावथाइयाव समाजनि गोहोम गोर्लयो

आरो बेजोंनो बेयो दैदेनजायोबो । समाजारि थुनफावथाइयाव माब्लाबा थुनफावथाइनि आखुफ्रा समाजा जैरे लाडे ओरे थाडे । जैरे थिनो बे बादिनो सोलियो आरो माब्लाबा समाजनि बेरेखायै बिग्रायखांनायखौ नुनो मोनो । समाजा जैरे लाडे ओरे थाडेब्ला जोबनाया गोजोन जाहैनायनि मिजिझ बांसिन जायो आरो बेरेखायै थाडेब्ला जोबनाया दुखु गोंनां जाहैनायनि मिजिझ बांसिन जायो । नाथाय समाजनि बादि थाडेब्ला सुखुजों जोबथाहैगोन आरो बेरेखायै थाडेब्ला दुखुजों जोबथाहैगोन होननायेबो नुनो हाग । मानोना माब्लाबा माब्लाबा बेफोरनि उत्था जाहैनायखौबो नुनो मोनो ।

#### 1.4 बर' समाजाव समाजारि थुनफावथाइनि गोहोम :

एसे सिगाडवल समाजारि थुनफावथाइनि अन्जिमाया बर' रावाव दासिमबो आसि बिजौआवनो सानजानो हानायनि सोमोन्दै मुंख' बोनाय जादों । बेफोर थुनफावथाइयाव नोजोर होयोब्ला सम बाग्लायनाय लोगो लोगोने समाजा आरो समाजारि सावगारिया मा बादि सोलाय सोल' जाबोदों बेनि फोरमायथिखौ नुनो मोनो । मनरेन्जन लाहारीनि आनारी आरो कमल कुमार ब्रह्मनि गोदान फैसालियाव गोंनां-गैयनि गेजेराव समाजाव थानाय फारागखौ दिन्थिनाय जादों । गानैबो थुनफावथाइयावनों गाहाइ हिन्जाव आखु सानै फारियै आनारी आरो सोमसिया गामिनियो गोंनां गोथों माहाजोननि नवाव रुवाथि थाहैनादों । नाथाय सानैबो फावथाइगिरिनि बे मोननै आखुखौ नायनायनि नोजोरा आलादा आलादा, फोरमायनायनि आदबा आलादा आलादा । Survival of the fittest थामहिनबा थाना थाथावासो थाना धागोन आरो गेदेर नाया उन्दै नाखौ मन'खाबो होननाय बादि आनारी थुनफावथाइयाव दायो रुवाथि आनारी आरो माहाजोननि फिसाला आनाराम, बे सानैनिबो जासेयावबो समाजा निखावरि खाफाल हावरिया आनारीखौल' दावनिगिरि खालामनाया समाजनि गोसो गुवार आरो निखावरि थाखेनि मानसिफोरनि बिखाखौ मावग्लुं होनो हायो । गैजारोडिनि अननाय-मोजां मोननाया जेबो बेसेन गैया । बिसोरनि अननाय-मोजां मोननाया गोथार आरो सान अखाफोर बादि अराय सैथी जासेयावबो समाजनि जौगा थाखेनि मानसिफ्रा बिसोरखौ फोथायनो, गोथार गोसोजों बोजवनो गोत्राव मोनो । जायनि जाहोनाव गोदान फैसालियाव माहाजोननि फिसाला गोमजोरा सोमसिखौ गोसो गोथारै मोजां मोनसेयावबो आरो सोमसियापो गावखौ गोसो गोथारै मोजां मोनो होनना मिथिसेयावबो बिखौ जेबो दाय गैथिथावबो गोरोन्यि बुजिदों, गात्रि रावजों सोंखारिदों ।

कमल कुमार ब्रह्मनि मिमंनि सिमां- आवबो गाहाइ हिन्जाव आखु बिरलाखौ आनारी आरो सोमसिमोननि बादिनो थुनफावथाइगिरिया बेरेखांहोदों । बिबो गैजारोडिनि फिसा । राहा गैथारिनि हादानाव थानोसै समाव बिमा-बिफाया एसे रानि थाखाय बिखौ माहाजोननि आखाइयाव गथायनानै होलांनादों ।

आनारी, गोदान फैसाली, मिमंनि सिमां थुनफावथाइफ्राव गामियारि समाज आरो बिसोर थाना थानायाव मोननाय वाडिदिसिना सुखु-दुखु, गावानाय-मिनितायरि

सावगारि फोरमायनाय दड'। बे गांथाम आबुं गामियारि सावगारि गोनां थुनफावथाइनिप्राय समाजारि थुनफावथाइया लासै लासै नोगोर मोखां जाबोदों, समाजनि जाम्बा-जाम्बि मानसिफोरनि सोलाय एसे गोरों गोर मानसिफोरनि सावगारि बोनो लादों। बेफोर बादि सावगारिखौ गिबियाव फोरमायगोदोंमोन कमल कुमार ब्रह्मवा गावनि हरबादि खोमसि थुनफावथाइनि गेजेरजों। बे थुनफावथाइयाव नोगोर मोखां जानाय दमन मुनि सासे कलेजाव भावनाय प्रफेसारनि न'खरा मोजां जोथोननि आंखालाव आरो न'खरनि सोन्द्रोमाफोरनि गेजेराव बुजिलायनाय गैयिनि जाहोनाव मा बादि सिलिंखार जालांनदोंमोन बेनि सोमोन्दै फोरमायनाय दड'। प्रफेसार दमननि न'खरखौल' लानानै लिरजानायनि थाखाय बे थुनफावथाइया समाजारि थुनफावथाइनि सिङ्गव थाफानाय गांसे न'खरारि थुनफावथाइ। जाय थुनफावथाइयाव समाजनि थोंजों गोहोम गोलैयो एबा समाजनि गोहोमजों दैदेनजानानै जोबनायथिं दावगालाडे। बेफोर बादि थुनफावथाइया समाजारि थुनफावथाइ। नाथाय जाय थुनफावथाइयाव समाजनि जेबो थोंजों गोहोम गैया ( नाथाय खेंसालिया गोहोम दड') बबेखानि न'खरनि दाङ-बाजि, एना-एनि, गाववा गावनि स्वार्थ बायदिनि सावगारिखौ जाय थुनफावथाइयाव एरखाडे बेफोर बादि थुनफावथाइया न'खरनि थुनफावथाइ। कमल कुमार ब्रह्मनि हरबादि खोमसि थुनफावथाइयावबो समाजनि जेबो थोंजों समावगारि एरनाय आरो गोहोम गोलैनायखौ नुनो मोनाखै। बबेखानि न'खरनि सोन्द्रोमाफोरा गावजों गावनि गेजेराव बुजिलायनाय आरो एना-एनि जानायनि थाखाय प्रफेसार दमननि न'खरा बायलानायनि सावगारिसो दिन्थिनाय जादों।

सिगाङ्गव सावरायनायाव मुख बोनाय जोबथा समाजारि थुनफावथाइया जादोंमोन जतिन्द्र नाथ बर'नि सिग्गुन राजा। थुनफावथाइयाव राजखान्थियारि गोहो सेलायनानै दानि मानसिफ्रा भाबोरि सुबुंधियारि सानसि खहा जालांदों मानो बिबा बिनि जिउखौ लानो हांखुर जादों बेनि सोमोन्दै फोरमायनाय दड'। गाञ्जि खामानि भावग्रा गेदेर- गोलाउफोरा गावसोरनि गुबै महरखौ राइजोफोरनि गेजेराव बोदलाना होजानो भाबोरि गियो आरो राजखान्थियारि दैदेनगिरिनिप्रथ गहाय थाखोनि कन्ट्रक्टर, इन्जिनियार, पुलिस-दार'गा गासैबो राइजोनि दोहोनखौ लुथि लुथि गावसोरनि उदैखौल मा बादि सुफुंगासिनो दड' बेनि सोमोन्दैबो बे थुनफावथाइयाव फोरमायनाय जादों।

थुनलाइनि गासैबो बाहागोफोरानो मानसिनि जिउआव, समाजाव भाबा नङ्ग भाबा मोनसे गोहोम खोलैयो। नाथाय बर' समाजारि थुनफावथाइफ्रा बेफोर बादि भाबा गोहोम खोलैदोंना खोलैयाखै बेखौ खेवसेनो बुनो हानाया गोब्राव। मानोना गोहोम होनना बुडोब्ला बेयो समाजाव भाबा मोनसे सोलाय सोल लाबोनायनि बाथ्राखौ गोसोखांनंगो जायो। जायखौ बर' समाजाव नुनो मोननाय जायाखै। थेवबो बेखौ बुंजायो, बर' समाजारि थुनफावथाइनि सल'फ्रा समाजाव आवगायबो जादोंमोन आरो दाबो जागासिनो दड'। बेनिखायनो बेफोर समाजजों गोरबफलेनाय।

### 1.5 समाजारि थुनफावथाइनि आखुथाइ :

बे बुहुम बिखायाव थानाय मानसि-दुमसि, जिव-जुनाद, बिफां-लाइफां



वयहाबो गावबा गाव जर'खा जर'खा आखुथाइ थानाय चादि थुनलाइनि मोनफ्रोमबो बाहागोआबो गावबा गाव आखुथाइ दड'. बेनिखायनो समाजारि थुनफावथाइयाबो गावनि मोननैसो जर'खा आखुथाइ दड'. बेफोर जादों-

1. समाजारि थुनफावथाइयाव समाजाव जाथावथाव गासैबो जाथाइखौनो थुनफाव थाइगिरिया सोफानो हागौ, मोगथाइव जाथावि जाथाइफ्रा बेवहाय जायगा मोना.
2. गोजाम थुनफावथाइफोराव राजा-रानी, राजखुंगुर एबा जौगा थाखोनि मानसिफोराले गाहाइ आखुखौ मोनग्रामोन। नाथाय समाजारि थुनफावथाइयाव जायसि जाय मानसियानो गाहाइ आखुखौ लानो हायो,
3. आधिखालाव समाजारि थुनफावथाइफोराव खौरां आरो नुथाइनि अनजिमाथा एसेनिक्राय एसेसिन जाबोगासिनो दड'. सेक्सपियेरमोननि फावथाइयाव मोनथा खौरां (Act) आरो बे खौरांफोरनि सिइव माखासे नुथाइ (Scene) धानाएनि सोलाय आधिखालनि फावथाइफोराव खौरांनि अनजिमाथा मोनथाम जाबाव आरो नुथाइनि अनजिमाथाबो एसे जाबोबाय। कमल कुमार ब्रह्मनि गोदान फैमाली आरो हरबादि खोमसियाव मोनथामे खौरां दड' नुथाइनि अनजिमाथाबो एसेल'। जतिन्द्र नाथ बर'नि थुनफावथाइयाव मोनसेबो खौरां गैया नुथाइल' दड'। नुथाइखौ बांसिन मोगथां महरनि खालामनांनयनि थाखाननो नुथाइनि बिबाइ आधिखालनि गोदान थुनफावथाइफ्राव एसे जाबोदों।
4. आवगायनि गोजाम थुनफावथाइफ्राव दाइबाजि (Conflict) खौ मानसिजों का मिथिभायारि गोहोनि (Supernatural power) गेजेराव दिन्थिनाय जायोमोन नाथाय आधिखालनि समाजारि थुनफावथाइफ्राव दाइबाजिका मानसिजों मानसिनि गेजेरावसो जासै।
5. गोजाम थुनफावथाइफोराव थुनफावथाइनि जोहोलावनो (Hero) हारसि गोहो होनाय जायोमोन नाथाय गोदान समाजारि थुनफावथाइफ्राव बेखौ नुनो मोनलिया। गोदान समाजारि थुनफावथाइफ्राव Villain नि आखुखौबो गैया खालामनायखौ नुनो मोनो।
6. उन-नु (Flash back) आदबजों फावथाइखौ फोरमायनायाबो आधिखालनि गोदान समाजारि थुनफावथाइनि मोनसे गोनां आखुथाइ। जायखौ जों कमल कुमार ब्रह्मनि नेखरारि थुनफावथाइ हरबादि खोमसियाव नुनो मोनो।
7. फावथाइयारि जिं बिबुंथि (Dramatic Aside) जायखौ गोजाम थुनफावथाइगिरिफ्रा हाजासे बाहायदोंमोन बेखौ आधिखालनि थुनफावथाइगिरिफोरा जेसे हायो एसे नागरना सोलिनयखौ नुनो मोनो।

#### 1.6 सार बाहागो (Summary) :

- (क) गोजौआव बर'नि समाजारि थुनफावथाइनि सोमोन्दै फोरमायबोनाय जाबाव,
- (ख) बर'नि समाजारि थुनफावथाइनि जारिमिनखौ सुंद'यै फोरमायबोनाय जाबाव।

- (ग) समाजारि धुनफावथाइया गोदान धुनफावथाइनि मोनसे बाहागो आरो समाजारि धुनफावथाइनि सिडव न'खरारि धुनफावथाइया हाबफाना थानायनि सोमोन्दैबो आवगायाव सावरायबोनाय जाबाय।
- (घ) बर' धुनलाइयाव मा बादि सल' गोनां समाजारि धुनफावथिना मोनो बेनि सोमोन्दैबो सावरायनाय जाबाय,
- (ङ) समाजारि धुनफावथाइया बर' समाजाव मा बादि गोहोम खोलैदों एबा खोलैयाखे बेनि सोमोन्दैबो आवगायाव सावरायबोनाय जाबाय,
- (च) समाजारि धुनफावथाइया मा मा आखुथाइ दड' बेनि सोमोन्दैबो आवगायाव सावरायबोनाय जाबाय।

### 1.7 सोदोबधि (Glossary) :

#### (क) अंकीया नाट :

वैष्णव धोरोमनि आदर्श फोसावनायनि थांखिजों संकरदेव-माधवदेवा लिरनाय धुनफावथाइ। सरासनद्या सुबुंफोरखौ मोसानाय-मेथाइ खाननायनि गेजेरजों रंजा होनो नाजानायानो बेनि थांखि।

#### (ख) जात्रा गान :

मानसिफोरखौ रंजाहोनो थाखाय लांदां सायनासालियाव दिन्थिनाय रोखोमसे गोजाम धुनफावथाइ।

#### (ग) समाजारि धुनफावथाइ :

समाजनि गांनाय-उखैनाय, सुखु-दुखु बाइदिजों गोरुवथाव, समाजाव जाथाव जाथाइखौ लानानै लिरनाय रोखोमसे धुनफावथाइ। बेयाव बां मिथिंगायारि गोहोनि बाहायथि थाया।

#### (घ) जारिमिनारि धुनफावथाइ :

जारिमिननि सैथो जाथाइ जैरे राजा-महाराजा बाइदिनि राज्यो खुंनाय समनि जाथाइखौ लानानै लिरनाय रोखोमसे धुनफावथाइ। जैरे-राजा इराग्दाउ, राजा नीलाम्बर।

#### (ङ) मिजिं जारिमिनारि धुनफावथाइ :

मिजिं जारिमिनारि धुनफावथाइया जारिमिननि सैथो जाथाइनि सायाव सोनारनाय नड। नाथाय बेनि सल बिथा आरो आखुथाइफोरखौ जैरेनो जारिमिनारि गाब गानानै लिरनाय जायो। जैरे-दोसोन जोहोलाव, सनानि माइचां।

#### (च) हेंथा (Conflict) :

धुनफावथाइयाव नुजानाय रोखोमसे बरेखा। बे बरेखाया मानसिजों बा मिथिंगायारि गोहोनि गेजेराव एबा मानसिजों मानसिनि गेजेरावबो जानो हागौ। बेनि गेजेरजों धुनफावथाइखौ मोनसे थि थांखियाव मोनहैहोनो नाजानाय जायो। हेंथाया मोनने रोखोमनि दड'। बेफोर जादों- 1. इसिडारि हेंथा (Internal conflict) आरो 2. बायजोयारि हेंथा (External conflict)।

### ( छ ) बां मिथिंगायारि गोहो (Supernatural Power) :

बां मिथिंगायारि गोहोआ जादो मिथिंगायारि गोहोनि बादगा। थामहिनबा मोगयाइव जाथवे जायफोर गोहोफोर जै- सोरनिबा सुखु एबा दुखुनि समाव बोर्जोनिप्रयवा अखां रादाव गोजावबोनाय, मानसिजो मोदाइजो नाजानाय बेफार मोनफा मोनफा बां मिथिंगायारि गोहोनि बिदिन्थि। गोजाम धुनफावथाइयाव बेफोरखौ जेबोरि बाहायोमोन नाथाय आथिखालनि गोदान धुनफावथाइयाव बेफोरनि बाहायथिखौ नुनो मोनलिया।

### ( ज ) उन-नु आदब (Flash back method) :

बे आदबखौ सरसनस्यै धुनफावथाइ आरो सल माफोरव बाहायनाय जायो। जाखांलांनाय बाथा, जाथाइ बायदिफोरखौ जेक्ला आथिखालाव गोसोखाडे एबा फोरमायथियो अब्ला बेखौ उन-नु आदब होननाई बुडे। कमल कुमार ब्रह्मनि हरबादि खोमसि धुनफावथाइयाव उन-नु आदबनि बाहायथि दड'।

### ( झ ) फावथायारि जिं बिबुंथि (Dramatic aside)

फावथाइयारि जिं बिबुंथिया फावथाइनि मोनसे आदब। फावथिनासालियाव बवेबा मोनसे आखुथाइया बुनाय बाथाखौ जेक्ला फावथिनासालियाव थानाय मानसियानो खोनाया नाथाय गोजानाव थानाय नायग्राया खोनायो अब्ला बेखौनो जिं बिबुंथि होननाई बुडे। बवेबा मोनसे आखुनि गोसो सिनि बाथाखौ नायग्रायो मिथिहोनो थाखाय बे आदबखौ बाहायनाय जायो। गोजाम धुनफावथाइयाव बे आदबखौ द्दामैनो बाहायोमोन। नाथाय गोदान धुनफावथाइयाव बेनि बाहायथिखौ नुनो मोनबांलिया।

### 1.8 हेफाजाब विजाब (Reference / suggested reading) :

- (क) लाहारी, मनरन्जन : बर' धुनलाइनि जारिमिन, आलायारन पाब्लिसर्स, ककराझार 1991
- (ख) मोसाहारी, गुणेश्वर : धुनलाइ बिजिरनाय, बड' पाब्लिकेसन बर्ड : बर' साहित्य सभा ककराझार, 1993
- (ग) चैनारी, स्वर्ण प्रभा : बर' फावथाइनि बिजिरनाय, दिव्य प्रकाशन, पाल्वाजार, गुवाहाटी, 2002
- (घ) बसुमथारी, कृष्ण गंगाल (सुजुनाय) : कमल कुमार ब्रह्मनि जिउ आरो सानसि बड' पाब्लिकेसन बर्ड साहित्य सभा, ककराझार 2007
- (ङ) शर्मा, ड० सतोम्र नाथ : असमीया नाट्य साहित्य, सोमाब प्रिन्टि एण्ड पब्लिशिंग प्राइवेट लि: बिहावारी, गुवाहाटी-८
- (च) डै : असमीया साहित्य समीकाङ्क इतिवृत्त, डै १९८१
- (इ) कटकी, ड० प्रफुल्ल : साहित्य आरु संज्ञा, विश्वविद्यालय प्रकाशन विभाग, गुवाहाटी विश्वविद्यालय, द्वितीय संस्करण, १९९८
- (ज) Abrams, M.H. : A Glossary of Literary Terms, Macmillan India Limited Third Edition, 1970

\* \* \*

## Block-IV / Unit-2

### गोदान फैसालि (Gwdan Phwisali)

कमल कुमार ब्रह्म

#### 2.1 बेखेउनाय (Introduction) :

कमल कुमार ब्रह्मआ 1929 मायथाइयाव धाडलिगुरि गामियाव जोनोम मोनो। कमल कुमार ब्रह्मनि बिफाया जादों बर'नि पद्मश्री बान्था मोनगिरि मदाराम ब्रह्म आरो बिमानि मुडर रुपेश्वरी ब्रह्ममोन।

भबानीपुर गामिनि गुदि फरायसालियाव फारायजेननानै कमल कुमार ब्रह्मवा 1950 मायथाइयाव क'कराझार हाइस्कूलनिफ्राय मेट्रिक आनाजादखौ उध्रियो। उनाव धुबुरिनि बि.एन. कलेजाव इन्टारमेडियेट थाखोआव फराय हैयो। बै समावनो बिथानि असमीया रावजों लिरनाय खन्थाइ बिजाव 'दुलाली' (1954) ओंखारो।

इन्टार मेडियेट उध्रिनायनि उनाव कमल कुमार ब्रह्मआ गुवाहाटीनि बि. बरुवा कलेजाव बि.ए. थाखोआव फराय हैयो। असमीया आयदाखौ गाहाइ आयदा महरै लानानै फरायनायाव मुखुब जायो। 1958 मायथाइयाव बि.ए.खौ उध्रिनानै क'कराझार हाइस्कूलाव फोरोंगिरिनि हाबा माखो। प्राइभेटयै 1963 मायथाइयाव गुवाहाटी मुलुम सोलोंसालिनिफ्राय असमीया आयदायाव एम.ए.खौ उध्रियो। बिथाड बैनि उनावनो क'कराझार कलेजनि फोरोंगिरि जायो। क'कराझार कलेजखौ नागारनानै उनाव क'कराझार बेसिक ट्रेडनि सेन्टारनि फोरोंगिरि, गोरानुं जानानै 1991 मायथाइयाव सांखिनिफ्राय जिरायो।

कमल कुमार ब्रह्मआ फरायसा समनिफ्रायनो लिरनाय हुदा खालामबोदोंमोन। बेनिनो फिथाइ बिथानि बिजावफोरा। बिथानि बिहोमाफोरा जादों गोरोंन्धि' (1972, आवुं धुनफावथाइ), 'गोरोंन्धिनि उनाव' (1964, आवुन धुनफावथाइ), 'मान्दारनि मोदै' (1967, रोडिअ' ड्रामा), 'हरबादि खोमसि', (1968), 'थानायनि लामा', 'अमरनि मेथाइ' (एडवार्ड फिटजेरन्डनि अमर खायाम बिजाबनि रावसोलायनाय), 'बर' रावखान्धिजों लोमोसे फारायसालिनि गोवां सुजुनाय बिजाबफोर। बिथानि बेफोर सोरजिथाया बिथांखौ धुनलाइनि जारिमिनाव अराय गोजोरै लाखिगोन। बर'राव धुनलाइ आरो हारिमु जौगानायाव क'कराझाराव जोनोम मोननाय आफाद 'बिथराइ आफाद' आरो जेवारि आफाद'नि मुडर बावथावा। बेफोर आफादनि नाजानायावनो बर'समाजनि गेजेराव मोनसे जांखिखानाय सफेदोंमोन।

कमल कुमार ब्रह्मआ Bodo Text Book Production Committee नि नेहाथारि जानानै बर' राव जौगानायाव गोबां बिहोमा होलांदों। बर' रावखौ मानगोनां राव महरै फसनायाव कमल कुमार ब्रह्मनि बिलोमाया नेवसिजाथावा। 1963 मायथाइयाव बर' रावखौ गुदि फरायसालियाव गिबियै थिसननाय जायो। अचलानो गोनांथि जानानै फैदोमोन बाइदि बिधिइव बिजाबनि आंखाल सुफुनायनि। बेवहाय कमल कुमार ब्रह्मवा गोबाडै नांथाबना थारोमोन। बेनि थाखायनो रायथाइ, खन्थाइ, रावखान्थि, भुम्खौरां, फावथाइ, सल' गासै बिधिइवनो आखाइ होनो गोनां जादोमोन कमल कुमार ब्रह्मवा आरो गासै बिबान माबलांनायाव फासयाखैमोन। सावथुन मुलुगावबो बिथाइ बिहोमा होलांदों। बिथाइ Boro Film Society -नि आफादगिरि (1982-1994) नि बिबानाव दंमोन। 1983 मायथाइयाव ओंखारनाय 'दायना' डकुमेन्टारिनि सल' खौ बिथाइनो लिरदोमोन। 1987 मायथाइयाव ओंखारनाय 'जिउनि सिमां'नि कमल कुमार ब्रह्मआ लोगो डाइरेक्टरमोन। बिथाइ बर' साहित्य सभानि आफादगिरि (1990-1993) नि बिबानाव दड'मोन।

बर'राव थुनलाइयाव होनाय बिहोमानि गनायथि महरै 1990 मायथाइयाव थुनलाइयारि पेन्सन मोन्दोमोन। बर' साहित्य सभानि जौसिन रांसार बान्था'खौ बिधानि फावथाइ 'हरबादि खोमसि'नि थाखाय होनाय जादोमोन।

हारिनि गासै खंखला बिथिखौ सुफुगा, हारिनि राव थुनलाइखौ मानगोनां महरै थिसनलांग्रा गेदेमा मावथि कमल कुमार ब्रह्मआ 2006 मायथाइनि 4 एप्रिलआव जोबथा हां हगारो।

**सोधि :** कमल कुमार ब्रह्मनि सुंद' सिनायथि आरो बिहोमानि सोमोन्दै लिर।

## 2.2 थांखि (Objective) :

- 2.2.1 कमल कुमार ब्रह्मनि समनि समाज आरो नुजाफेनाय गावनांनाय बिबाननि सोमोन्दै मिथिगोन।
- 2.2.2 बर' समाजाव नुजानाय माहारियारि जेताखौ मिथिनो मोनगोन।
- 2.2.3 बर' समाजनि जिउ दावहा आरो माहारियारि सौदावनाय (conflict) खौ मिथि मोनगोन।
- 2.2.4 भारतारि सानसि, जिउनि गुबे लामा, समाजारि सुघांतायनि इसारा मोनगोन।

- 2.2. होदोरोमनि लामाजों आगान सुरना जिउनि गोजोननाय मोन्दांनायखौ मिथिनो हागोन ।
- 2.2.6 लासै लासै सोलायबोनाय बर' माहारिनि समाजारि आरो रंखान्थियारि साबगारि बेरखंनाय-लोगोसे उश्रिनायनि इसारा फावथाइया होनो नाजादों ।
- 2.2.7 'गोदान फैसालि' धुनफावथाइया बर' माहारिनि गेजेराव मोजां मोननाय, हास्थायनाय, दावहानंनाय, संसारनि आगान सुरनायाव स फैनाय गोदान फैसालिनि बाश्चा मिथि होयो ।

### 2.3 कमल कुमार ब्रह्म आरो बर' फावधिना :

बर' फावथाइ मुलुगाव कमल कुमार ब्रह्मवा गोगोम मासि आवग्रिनानै दड' । थार ओंथियाव दिनैसिम कमल कुमारजों समान रावबो बर' फावथाइनि जारिमिनाव विहोमा होनो हायाखै । कमल कुमार ब्रह्मवा गोबां फावथाइ लिरलांदोन ।

**कमल कुमार ब्रह्मनि फावथाइफोरा जादों :** गोरान्थि, गोदान फैसालि, गोरान्थिनि उनाव, राजा इराग्दाव, मिमांनि सिमां, गोसोनि जाइख्लं आरो हरबादि खोमसि ।

गोजौनि फावथाइफोरनि गेजेराव 'गोरान्थि', 'गोरान्थिनि उनाव' आरो 'गोसोनि जाइख्लं' -आ बिजाव महरै नुजायाखै ।

**गोदान फैसालि :** 1969 मायाथाइयाव ओंखारनाय गोदान फैसालिया गांसे समाजारि फावथाइ । फावथाइनि मुडानो फावथाइनि इसाराखौ होदों । बर' समाज जिवाव नुजानाय बाइदिसिना जाथाइ-खैफोद आरो बेनि उनाव नुजानाय गोदान फैसालिखौ दिन्थिनाय जादों । संसारव राफोदयै आगान होनो रोडि लखव आरो बिनि संसार आरो गुबुन फारसेथिं दोहोनि सम्बारु माहाजोन बे मोननै न'खरखौ भिरु खालामनानैनो फावथाइखौ लिरनाय जादों । बे मोननै न'खरा बर' माहारिनि मोननै समाजनि थान्दै । दोहोनि आरो गोरिब । आरो बे मोननै न'खरनि conflict-आनो फावथाइखौ जिउ होदों । लखवा गामिनि सासे गोरिब न'खरनि सुबुं जौ फागला । गावनिनो न'खरखौ साम्लायनो रोडि सासे बिबान रोडि सुबुं । फिसाजो सोमसिजों बिसि गदाइ सिंखावरि बे फिसा न'खरनि बिगोमा । गावनि जौफागला आखुनि थाखाव सम्बारु माहाजोननाव गोबां रां हावलाद लानानै गावनि फिसाजोखौ बैनां होनाडे । वेबोल' नडा समाव एसेल' राहाव गावनि बिथाखौ सेनानै लाजायो । फारसेथिं गावनि फिसाजों माहाजोननि फिसाज्जा गोमजोरनि मोजां मोनलायनाय सोमजिदोंमोन । नाथाय विमा गदाइ सिंखावरिनि फावफान्दायनायाव गोमजोरनि मेगनि जानगाराव लान्थानि न'आव थाहैनाडे । लखवनि बिसुखे लान्था आरो सिंखावरिनि बांसावनायाव गोरान्थि साननानै सोमसिखौ नेवसिना सोमसिनि बिलोगो गयथिखौ बोजवना लायो । ओजोंहाय सिंखावरिया धुनानै फिसाइखौ

सम्बन्ध माहाजोननि न' सावहोनानै बा बोसोर जेल जाहायो। सिंखावरिया गावनि गोसोम गोसोनि हाबिलास सुकुनायनि सिमांजों सेंग्रा गाजोला बुगबजों खारखुमा लाडे। थाबैनो सिंखावरनि गुमुर मोनानै बुगबा सिंखावरिखौ नेवसियो। सोमसियाबो गावनि गोसोनि मोदाइ गोमजोरजों नेवसि जाना जिवखौ फोजोवनो आगान सुरदोंगोन। नाथाय सोरानि आलारिवादि सुबुं संराजानि मेहेरगोनां वाश्रायाव गंग्लाथना आसमाव आसयलाहैना गोदान फैसालि फारसे स हैयो। बा बोसोर जेल जाखानायनि उनाव लखबायो आसमाव फिसाजोखौ लोगो मोनहैयो। फावथाइया ब्रेवनो जोबो।

बे फावथाइया गांसे आबुं समाजारि फावथाइ। बर' समाजनि गाम्प्यारि सुबुंनि सिमां-मिजिं- दुखु-दाहानि थार सावगारि बेरखांहोनायाव लिरगिरिया जाफुंसारदों।

**हरबादि खोमसि :** हरबादि खोमसि फावथायाव दमन गुनि गेजेर थाखो (middle class) नि सुबुंनि जिवखौ लाना सोरजिनाय जादों। कलेजाव फोरोंगिरिनि हावा मानग्रा दमना मोनसे आदर्श गोनां नखरनि बिगोमा जाना रुजु-रसु राइजो जानांगौमोन। नाथाय 'फिसा न'खर-गोजोन न'खरखौ गनायै दमननि न'खराव बिसि, साब्रै फिसाज्ला, सासे फिसाजो आरो मावग्राफोरखौ लानाने मोनसे गेदेर न'खर। साखिनिफ्राय जिरायनायनि उननिफ्रायनो दमननि न'खराव जेना नुजायो। फिसाज्ला गिबि मिनारामा स्कुलनि फोरोंगिरिनि साखिजों न'खरखौ सुंधानो नाजायो। नाथाय गुवुनफोरा खामायनो रोडियाव न'खरनि बिबाना गिलिरद्राय जालांसिनो। बे समावनो इन्बिनिया फाराय हैनाय फिसाज्ला सहेना खैफोदाव गोरलैना आखाइ दमन' जानने न'खरनि बजा जानाने थानाडे। फारसेथिं फिसाज्ला दुइसिन उदुरामनि जौफाग्ला आखुआ न'खरनि गोजोन थासारिखौ सिलिंखार खालामो। फिसाज्ला गेजेरा साखि मोननानै न'खरनिफ्राय जानगार लाडे। उदुरामा गावनि गात्रि आखलनि थाखाव जेल जानाडे। मिनारामा साखि नागारना फालांगिरि बानु हाज'वारिजों फालांगि मावनो कारबि अंलडल थाहैयो। दमननि फिसाजो अनाथिया गाव गोसो थोनाय सेंग्राजों खारखुमा लाडे। बिफानि सोंखारिनायाव दुखु मोननानै बेंगुरा सहेना न'निफ्राय आनग्राय लाडे। बिबिदि दाहायाव बिसि समावसिया गावखौ बुथारना लायो।

जोवनो रोडि दुखु दाहानि लैथोआव गोरलैनाय दमना बानु हाज'वारिनि हेफाजाबाव जेलनिफ्राय गबोनाय फिसाज्ला उदुरामखौ बोजवना लायो। बेवहायनो फावथाइया थुंगेदों।

बिबिदो बिथाखि गैयि न'खरनि फिथाइखौ फावथाइगिरिया दिन्थिनायाव जाफुंसारदों। दमननि जिउआव नुजानाय 'हरबादि खोमसि'नि महर होनावाव फावथाइया देरहासारदों।

**राजा इराग्दाव :** गांसे जारिमिनारि फावथाइ। आसाम जारिमिनाव थानाय 1814 निफ्राय 1826 मायथाइनि गेजेराव जानाय जाथाइखौ गुदि खालामनानै फावथाइनि बिथाखौ फसनाय जादों।

बरनि जोबता राजा इराग्दाव एबा गबिन्द चन्द्र। गबिन्द चन्द्र एबा इराग्दावनि राज्योआ माबोरै सिलिंखार जालांखौ बेखौ फावथाइनि गेजेरजों दिन्धिनाय जादों। बरनि राजा इराग्दावा बिदा कृष्ण चन्द्र शैखानायनि उनाव बिबाजै इन्दु प्रभाखौ जुलि लायो। बेनि खाबु लानानै गोबां मणिपुरिफोरा बर' राज्योआव हाबफैयो। बर' राज्योआव मणिपुरनि थान्दै महरै दफैयोमोन मारजिदसिनि फंबाय गम्भीरसिं। ओजोंहाय सान्धि गाहाइ तुलाराम सेनापतिया गावनि बिफा बुधार जानायनि थाखाय राजानि बेरेखायै खाबु नागिरगासिनो दंमोन। लोगोसे राजा इराग्दावनि फंबाय सोमबोरा राजानि बेरेखा हान्जायाव लोगो नाना फाव फान्दायो। राजा इराग्दावा गावनि मददगिरि बेलसि आरो सान्धि खोमोदोननि गेजेरजों गसैबो गुमुर मोननानै गम्भीर सिं आरो राणी इन्दुप्रभाखौ होखार हरो। मणिपुरिफोरा बर' राज्योखौ गग्लोब फैयो। इराजफोरनि मददजों मणिपुरिफोरखौ होखार हरोब्लाबो राजा इराग्दाव आरो खोमदोन, सोमबोरमोना जिड खोमा नाडे। राजाहा गथ गैयिनि खाबु लानानै Doctrine of Lapse खान्धिनि गेजेरजों बर' राज्योआ बृटिसनि राज्योजों सरजाब जायो।

**मिमांनि सिमां :** मिमांनि सिमां फावथाइया बर' समाजनि मोख्थां सावगारिनि सायाव सोनारना लिरनाय गांसे सामाजिक फावथाइ। बर' समाजनि खारलुं आखु दोहोननि नारसिननाय फाव फान्दायनायाव सिलिंखार जानाय न'खरनि दाहाखौ लोगोसे बर' समाजाब नुजानाय माखासे जेनाखौ मिरु खालामनानै फावथाइखौ फसनाय जादों। फावथाइनि फिथाइखौ सिगांडावनो दिन्धिनाय जादों।

**हादां :** मावनानै जाग्रा सासे आबादारि आरो फिसा न'खरनि बिगोमा। बिसि आरो फिसाला सासे-फिसाजो सासे गासै सात्रै सुबुंजों मोनसे फिसा न'खरखौ बेनो हानंगौमोन हादांड। नाथाय आंखालाव गोम्लैना माहाजोन अनारामनाव मदद लानांगौ जायो। सोरगिटिं आंखाला बेखौ नाखेबो। फिसान्तायाबो जौ-जुवाजों आबुधि गैयि सम बारहोयो। गोजोननि सिमां नुना गुबुन राज्योआव खारलानायनि थांखि लायो। देवानिनि बाध्रायाव फोथायना हा-फिसाजोखौ फानना खारलाडे मिमां राज्योआव। बेवहाय देवानिजों थगायजाना गासिबो खोमा नाडे। गावनि अनजालि बिसिखौ मेहेरसिं माहाजोननि आखाइयाव खोमा नाडे। ओजों अनाराम माहाजोननि आखाइयाव गथायना होबोनाय फिसाजो बिरलाखौ माहाजोननि फिसाज्ता बिदानजों हाबा होगोन होनना सानदोंमोन। मानोना सानैजों गोसो थोलायोमोन। नाथाय माहाजोना गावसो जुलि लायो। बिदना न'नागारना फोरोगिरिनि हाबा माबों। फारसेथिं गासेबो खोमा जानानै हादांड गावनि गामिसिम फैफिनो। बिदनखौ लोगोमोनना बेरामाव गोम्लैनाय बिदनजों थायो। अनाराम माहाजोनखौ खिथेर होखारनो थाखाय गावथारनो थाडे हादाननि फिसाला जहना गावनि बिनानाव बिरलाखौसो गावथारफलाडे। बिफा अनारामा बेनि दायनिगिरिखौ बिदन साननानै अजद होयो। पुतिसा एरेस्ट खालामनो फैनायाव बिदना शैगोवानानै



धैर्यो । गावनि दायनि साजा महरै अनारामा बिब्दि सैना थानाडो । बेवहायतो फावथाइया धुंगेयो ।

#### 2.4 फावथाइनि गुबैबाधा (Theme of the Drama) :

'गोदान फैसालि' फावथाइनि गेजेरजों फावथाइगिरिया जिउआव हरखाव मावफलांनय गोरोन्यि आरो बेनि फिथाइखौ दिन्थिनो नाजादों । लोगोसे संसाराव सुकुंनि लामा आन्दायनाय आरो जिवनि गुबै गोजोननाया बबे लामाजों बेखौ दिन्थिदों । आरोबाव दाय हाबानि दि साजा दड' बेखौबो दिन्थिनायाव फावथाइगिरिया जाफुंसारदों ।

सुबुं जिउआव फैनाय हरखाव दान्दिफोरा माब्लाबा माब्लाथा इयुनि थाखाय धिरांथा लानो खावु होयो बेवहाय गेबें जाब्ला गोजोननाय आरो गोरोन्यि जाब्ला दुखुजों सागलोब जानाडो । गोमजोर, लखब आरो सिंखावरिमोना गावगावनि गोरोन्यि थाखाय उनदाहाजों बुखारजायो । बेफोरनिफ्राय बारगनो गुबै राहा लामाया अबंलावरि होनना फावथाइनि गेजेरजों दिन्थिदों ।

लखबनि फिसाजो सोमस्रिया दोहोनि सम्बार माहाजोननि फिसाजला गोमजोरखौ मोजां मोननायाव जेबो गोरोन्यि गैयामोन । गोमजोराबो सोमस्रिखौ मोजां मोनोमोन । नाथाय सिमां नुनाया गोग्लै नड मोखुथां महर मोननाया गोब्राव । बेवतो माहाजोननि गादबनाय । रां हावलाद लायै लायै ऐलामाव थांजानाय लखबा माहाजोननि न'खराव फिसाजोखौ दोननाडो । बिसि सिंखावरिनि गोसोम आखलनि खैसाराव गोग्लैना सोमस्रिया खोमा नाडो गोमजोरखौ आरो फिसाइ लखबा थाहै नाडो जेलाव । गावहा गेजोननि सिमां लाना बुगबजों खारखुमा लाडो नाथाय नेवसि जानाडो । गासै गोरोन्यिनि थाखाय उनाव बियो फाग्लि जानाडो । नाथाय सोमस्रिया गोमजोरजों नेवसि जाना संराजानि गोहोमाव गोदान फैसालियाव स'हैयो । उनाव बिफा लखबाबो बे लामानिनो दावबायारि जाफैयो ।

सोधि : 1. कमल कुमार ब्रह्मनि फावथाइफोरनि सोमोन्दै लिंर ।

2. कमल कुमार ब्रह्मआ फावथाइनि गेजेरजों बर' माहारिनि पाबादि सावगारि बेरखां होदों ?

3. गोदान फैसालिनि गुबै आयदाया म् ?

#### 2.5 आखु सोरजिनाय (Characterisation) :

'गोदान फैसालि' फावथाइयाव गोबां आखुथाइ दं । बेवहाय सा जि होवा आखु आरो साथाम हिन्जाव आखु दं ।

सम्बारु : ब्रैजि/ब्रैजिबा बोसोर बैसोनि बयजोंबो गिजाया मौजादार ।

मौजादारनि आखलाव नुजादों सोबखना जाग्रानि फान्दायलु आखु । थमेननायनि नुगाबायाव नुजाजेननाय मौजादार गोरिब गुन्द्राफोरनि हाखौ खाजोना होनो हाथैनि खुरुब खालामना लायो । मौजादारनि फान्जारियाव गात्रना खोमाना लानाडे लखब बादि जौफगला सुबुड गावनि आंगो हाखौ । नाथाय बेनि धि बेसेन मोना । गावनि फिसाजो सोमसिखौ बैनां हैहोनानैबो माहाजोननिफ्राय चारगनो हाया । लखबा गावनि मोनथाइ सादिनो थानानैबो सम्बार मौजादारनि गात्र साजा नाजाव नांगौ जायो । संराजानि गेजेरजों दोहोरोमनि बाध्रा मिथिनो नाजादोंबलाबो दोहोरोमनि गुमुरखौ हमस'नो हायाखौ । गावनि सार्थआवसो गोरिब लर्गनि फिसाखौ गोमजोरनो हाबा होदों । गोरिबनि फारसे अननायनि नेसॉन महरै नड ।

**संराजा :** बैजिबा/बाजि बोसोर बैसोनि बयजोंबो मानि जाग्रा सासे दोहोरोम गुरु । फावथाइयाव गोथौवै नुजादों । थमेननायनि नुजागासेयाव गयथि आरो सोमसिनि रावनिफ्रायनो मोन्दां हायो संराजाखौ :

**सोमसि :** आं आयनि रावफोरखौ माबा गोथौ गोथौ मोनथारोहाय लोगो ।

**गयथि :** नांगौ आरो १ मानसिखौ नायब्लानो फुजिथाव नुखाथारो ।

- गोजौनि बाध्रानिफ्राय संराजानि सोमोन्दै मिथिनाया गोरलै जायो । संराजाया बयखौबो अननायनि नोजोरजों नायो । बयखौबो अनो । संसारनि थार गुवै बाध्राखौ मिथिहोनो नाजायो । बेनिखायनो सम्बारनि सिगाडव इस्वोरनि गुमुरखौ होनो नाजादों । बेल' नड संसारनि सोमोन्दै गोथौबै गियाव थानाय संराजाया न'खर सिलिंखार जाजानां लोगोसे अनजालुजों नेवसि जाना थैनायनि लामा लानो थानाय सोमसिखौ बोजबना गावनि आस्रमाव जायगा होदों । बेल' नड गावनि दायनि धाखाय बा बोसोर जेलनि साजा मोननाय लखबखौबो फिसाजोजों गोरोब होनां गावनि आस्रमाव जावगा होनां गावनि गेबें गोगो आखुनि सिनायथि होदों ।

**सोमसि :** लखबनि फिसाजो । मौजादारनि न'आव बैनानै जाहैनांनाय सोमसिया गोगो आखुनि सासे सिखला । मावै दाडै जानायाव एसेबो फावसायै सोमसिया गावनि बरादखौ गनायना लादों । गावनि मावनायनि बेसेन मोनि सोमसिया बिमा बाथुलनि खैसारियाव गोगलैने थाहै नांदों लान्था माहाजोननि न'आव । नाथाय लान्था माहाजोना सोमसिखौ बिहामजो खालामनायनि फाव-फान्दायनायखौ गुमुर मोननां खारखुमाबोदों । आरो गावनि अनसुमै सम्बार माहाजोननि फिसाला गोमजोरनि खाथियाव नुजा हैदों । नाथाय सोमसि सोमोन्दै बिमा बाथुल सिंखावरिया होनाय बदनामखौ खोनानां गोमजोरा सोमसिनि बेरेखाये गयथिखौ जुलि लायो । सोमसिया गोमजोरजों नेवसि जायो । उनाव जाथाइ फारियै संराजानि न'आव आस्रय लाहैयो । सोमसिनि गुरै आखु आरो गोदें गोदें गाराडव आस्रमाव गोदान सोरां फैयो । गोमजोरा सोमसिनि खाथियाव सातसे निमाहा

बिफैनो गोनां जायो। संराजानि हेफाजाबाव बिफा लखबखीबो लोगो मोनो। बयबो सोमस्रिनि आखुआव गोजोननाथ मोनो।

**लखब :** 50-45 बोसोर बैसोनि गामिनि सासे जौफगला बन्ना चोराइ। फावथाइनि गाहाइ आखु सोमस्रिनि बिफा। लखबा लोगोफोरजो हर-सान जीजो गबना थानायनि थाखाय हा-हु न'-बां लांखा-सिंखा जोनांदोमोन। गिबि हिन्जावनि फिसाजो सोमस्रिखी माहाजोननि न'आव बैनांघा खालामना दोननांदोमोन। फारसेथिं फान्दायसुलि बिसि सिंखावरिनि गुमुखी मौनियाव फिसाजो लोगोसे गावनि हिन्जावखीबो खोमाना लानांदोमोन। लखबा गावनि न'खरनि सायाव हा-हुनि सायाव सामलायथि गैयामोन। बेनिखायनो ऐलामाव माहाजोननो गथायना होनांदोमोन। बेनि विशायखांनावाव माहाजोनजो लाजि फौनांजाना होखार हरजायो। बेनि खिथेर होखारनो बिसि सिंखावरिनि थुनायाव माहाजोननि न' सावहेना जेल जानाडो। जेलनिफ्राव ओंखार बोनायनि उनाव संराजानि आस्रमाव फिसाजोजो लोगो मोनज्जाय फिनो।

**गोमजोर :** सम्बारु माहाजोननि फिसाज्जा गोमजोरा गामिनि बयजोबो मिधिजाग्रामोन। गोमजोरा मावना जाग्र सोमस्रिखी मोजां मोनोमोन। सोमस्रियावो गोमजेरखी हास्थायोमोन। जेब्ला सोमस्रिया गोमजोरनि मेगननि जानगाराव लान्थानि न'आव रुवाथि थाहेनांदोमोन अब्ला लान्था आरो गावनि बिमा बाथुल सिंखावरिनि फावफान्दायनायव गोमजोरा सोमस्रिखी गोरोन्थि सानो। सोमस्रिया लान्थानि फिसाज्जाखी गोसो थोयो होनना सिंखावरिनि बानसावनायाव गोमजोरा फोथायनानै गयथिखी जुलि लायो। बेवहायनो गोमजोरनि लोरबां गोसोखी हमनो हायो। जोवनायाव सोमस्रिनि साखाथियाव नुजा हैनानै गावनि गोरोन्थिनि थाखाय निमाहा बिहेंयो।

**सिंखावरि :** लखबनि बिसि। गाजि आरो गोसोम आखुनि हिन्जाव। फिसाइ थासेयावबो गुबुन सेंग्रा बुगबजो गोसो थोलायना गावनि रिमांखी सुफुनो थाखाय फिसाइखी थुना होनानै सम्बारुनि न' सावहोनानै जेलाव थांहोयो। लोगोसे गावनि लामाखी सां खालामनो थाखाय फिसाजो सोमस्रिखी गोजानाव लान्थानि न'आव रुवाथि थानो दैथाय हरो। बेनि उनावनो बुगबजो खारखुमा लाडो। नाथाय बुगबजो नेवसि जाना उनाव बोदोर बाबलि जाना गिदिवायनाडो।

बिसोरनि अनगायैबो फावथाइयाव गोबां आखु सोदेरदो जायफोर आखुआ फावथाइखी जाफुंसारनायाव मदद होदो। गयथि, लर्ग, बुसा, लान्ठा, अर्गा, थेखलभोननि मुंखी मखनो हायो।

## 2.6 गोदान फैसालि आरो थुनलाइयारि गोनांथि (Literary Importance of Gwdan Phwisali) :

'गोदान फैसालि'या गांसे समाजारि फावथाइ। बर' समाजनि थार सावगारि

बेरखां होनायाव लिरगिरिया जाफुंसारदों। बर' माहारियाव नुजानाय समाजारि जेंना आरो लासैनो सोलायबोनाय माहारिनि जिउ खान्थि बेनि नंगुबै सावगारि बोनायाव लिरगिरिया जाफुंदों। लोगोसे गासै जाथायखौ दिन्थिनायाव थुनलाइयारि राव बाहायनायाव लिरगिरिया फेलें जायाखै। बर' समाजनि थाखाय फावथाइया मोनसे दलिल बादि जाहैदों।

फावथाइखौ थमेननाय, गेवलांनाय आरो रयनाय बे मोनथाम बाहागोआव राननाय जादों।

लखबनि फिसाजो सोमसि आरो सम्बारु माहाजोननि फिसाज्ला गोमजोरनि मोजां मोनलायनाय, बेवहाय एफेनाय गोरोन्यि सानलायनाय आरो जोबनायाव सोमसिया संराजनि आसमाव थाहैनाय बेवनो फावथाया जोब हैदों। लोगोसे दंबावो सम्बारु माहाजोननि गोरिब गुन्द्रानि सायाव साग्लोबानाय महर आरो गुबुंले गोसोनि सिंखावरि आरो युगबनि मोजां मोनज्जायनायनि फाव-फान्दायनाय लान्थानि बेवहाय होनाय मदद आरो बेनि खैसाराव गोमलौनानै सोमसिनि जिउआव बारहुंखा फैदों।

'गोदान फैसालि'नि राव बाहायनायाव लिरगिरिया जाफुंसारदों।

'बे गिदिद गोलावफ्रानो जौनि सुनिलै आदा।'

-बुसा, बिलाइ-2 (नुगाथाम)

"सोमसि : फामि बिबारा फुंनि सान गोरलैखौ मोजां मोनो। नाथाय बेयो मोजां मोनलायनायल'आनो। सानाबो हाब्रुआव फैनो हाया, हाब्रुनि बिबाराबो नखांआव थांनो हाया नडाना आदा।"

-(बिलाइ -26)

'गोदान फैसालि' या जाफुंसारदों संराजनि आखुथाइनि गेजेरजों। संराजाया गिदिर बिबान लादों। भ'गवादी समाजाव गोजोननायनि लामाखौ लिरगिरिया संराजनि गेजेरजों दिन्थिदों। सुखुनि गुबै लामायादि एंगारनायाव बे बाथाखौ बुंनो थांनायाव लिरगिरिया फेलें जायाखै।

## 2.7 सार बाहागो (Summary) :

'गोदान फैसालि'या गांसे समाजारि फावथाइ। बे फावथाइनि गेजेरजों बर' समाजाव सफेनाय दिंप्राय बिन्दोखौ लिरगिरिया बेरखांहोनो हादों। गोरिब गुन्द्रा सुबुं आरो फारसेथिं लम्बारु माहाजोन। गोनां गैयिनि हेंथा (conflict) खौ बे फावथाइयाव दिन्थिदों। मानसिनि जौगानायनि गुबै लामायादि धोन-दौलद नड-संसाराव थानाय थानाय धोन दौलदनि उन उन होसोनानै जों गोबां दुखु मोननाडे। लिरगिरिया संराजनि गेजेरजों संसारनि लुबैनाय गांनाय गारनो हायोब्लासो गोजोन मोनो बेखौ फोरमायदों। आरो इनायनिदि साजा मोनो सिंखावरि, लखबनि आखुनि गेजेरजों फोरमायदों।

## 2.8 सोदोबधि (Glossary) :

फैसालि	: आवुर, पर्दा।
पद्मश्री बान्था	: भारत सरकारा होनाय मान बान्था।
दुलाली	: कमल कुमार ब्रह्मनि खन्थाइ बिजावनि मुं।
मुखुव	: नांथाबनाय, व्यस्त जालाय।
गोरायुं	: गाहाइ बिबानगिरि, Principal।
हुदा	: सर'।
बिहोमा	: भाण्डारी, अबदान।
जांखिखांनाय	: सोमवसारनाय, सोलायनाय।
सावधुन	: सिनेमा।
रांसार बान्था	: बर' साहित्य सभानि बान्थानि मुं। बर' धुनलाइयाव साबसिन भाण्डारिनि थाखाय गांसे मान बिलाइजों जि रोजा रां बोसोरफोमबो होनाय जायो।
गेदेमा	: गिदिर-गोलाउ सुबुं, मानगोनां सुबुं।
इसारा	: इंगित
नेक्सि	: एंगार
गोसोनि मोदाइ	: अनसुमै, सिबिजाथाव।
आस्रम	: धोरोम गुरुफोरनि सिबिजा-थाया देरा।
थान्दै	: बिजाथि दैथाव हरजानाय सुबुं।
Doctrine of Lapse	: लर्ड डेल हाउसिया फोसावनाय खान्थि। जे खान्थिजों राजाफोरा गथ'-गथाइ गैयाब्ला राज्योआ वृटिसनि सिडाव सरजाव जानायमोन।
सिलिंखार	: जोवसानाय।

## 2.9 हेफाजाव बिजावफोर Refernce & Suggested Reading) :

- (i) गोदान फैसालि - कमल कुमार ब्रह्म।
- (ii) राजा इरागदाव - कमल कुमार ब्रह्म।
- (iii) हरबादि खोमसि - कमल कुमार ब्रह्म।
- (iv) भिंमानि सिमां - कमल कुमार ब्रह्म।
- (vi) कमल कुमार ब्रह्मनि खन्थाइ - जिउनि देखो - विरुपाक्ष गिरि वसुमातारी
- (vii) कमल कुमार ब्रह्मनि जिउ आरो सागत्रि - बर्ड पाब्लिकेशन बर्ड बर्ड साहित्य सभा, कंकराझार
- (viii) बर' धुनलाइनि जारिमित - मन रेन्जन लाहारि।

\*\*\*



Institute of Distance and Open Learning  
Gauhati University  
Website : [www.idolgu.in](http://www.idolgu.in)